


DIKGREBE TŠE LESOME, LE BAJUDA BA DIKETE TŠE LEKGOLO LE MASOMENNE NNE

 Moso o mobotse. Ke thabile kudu go beng fa gape mosong wo ka tirelong ya Morena. Boso bjo bobe ka ntle, eupša, oo, ke mo go botse ka kgonthe ka mo gare. Ye ke nako e tee re ka rego go botse go beng ka gare go lebeleleng ka ntle (a ga se yona?) . . . go beng ka ntle go lebeleleng ka gare.

² Ke bile le go khutša go go botse ga bošego bošegong bja go feta gomme go ikwela bokaone kudu mosong wo. Gomme re bile le nako ya go makatša bošegong bja go feta, a ga se re? Feela nako ya go makatša! Gomme ke thabela seo. Re bile le . . . tirelo e bogegile boka yela e bile e tee boka e bile tlase ka Shreveport, go nyakile feela tšwe—tšwe tšwetšopele ya go latela ga Moya o eya go bapa. Uh-hum. Kafao re thabile kudu le go leboga Modimo kudu bakeng sa botho le kgaogelo ya Gagwe, le bakeng sa ya lena . . . lena batho go feng meboya ya lena go Yena tirišanong gore A kgone go re etapele le go re hlahla.

³ Le a bona, ge o na le batheeletši ba go ganetša, Moya wo Mokgethwa ebile o ka se utolle. Le swanetše go ba le se sengwe, seo se šomago mmogo. “Ba be ba le lefelong le letee le ka mmero o tee,” gomme morago go tlile modumo go tšwa Legodimong o kitima. Le a bona. Eupša ge le hwetša . . . Ga go kgathale ke tla rapela gakaakang, le go lala mosegare le bošego ke ithuta le go rapela pele ga Morena, ka sepelela tlase fa, mohlomongwe tlotšo go nna, ka sepelela godimo fa gomme ka ikwela kganetšo yela, le a bona, O—O no . . . go no Mo nyamiša thwi fao, A ka se utolle selo. Eupša ge o sepelela go theoga fa ka tlase ga tlotšo gomme wa ikwela batheeletši ba gago ka tlase ga tlotšo, ke ge Moya wo Mokgethwa o thoma go šoma nako yeo, gomme O thoma go sepelela le go re direla dilo tše kgolo. Kafao, le a bona?

⁴ Ga se ešo ka bolela le modiša ka ga . . . Ke kwele *Dumela Feela* gomme kafao ke no kitimela ka gare le go bona—bona se a bego . . . a bego a se beakanyeditše mosong wo. Bjale, Ngwanešu Neville, ke tla go botša eng, ke tla thoma go tlelase ye nnyane ye gomme ge nka fetša ka iri ya lesometee, gabotse, o tšwelepele gomme o thome go rera. Yeo e bjang? [Ngwanešu Neville o re, “Ee, se šitiše tlotšo efe, nno ya pele go ya pele.”—Mor.] Oo, ke a dumela tlotšo morago fa, le yona, e tlotša morago fa gape. Yena ke . . .

5 Ngwanešu Neville ka mehla o . . . Go ba kgobe ba lego fa ba ba ka no bego ba se ba ke ba ba fa pele, yena ke (e sego go e bolela go sefahlego sa gagwe, eupša) motho wa mogau, ka mehla o bile ka tsela yeo. Ka mehla o bala leo—leo . . . o phela Lengwalo leo, “go phalana seng,” ka mehla ka go Kriste gomme ka mehla go *phalana*. Gomme ge e sa le ke mo tsebile o bile ka tsela yela; e sego ge e sa le a no ba fa ka taberenekeleng, eupša ge e sa le ke mo tseba gomme yeo e bile mengwaga ye mentši ya go feta. La mathomo ke a dumela ke tsogego ka elelwa go boneng Ngwanešu Neville, go mo tseba, ke ile go mo kwa a rera nako ye nngwe tlase go kereke ya Methodist, o . . . tlase ka Howard Park, ye mentši, mengwaga ye mentši ya go feta. Go bile, ke a thanka, mengwaga ye masomepedi (ke a thanka) ya go feta goba bontši ge e sa le ke mo tsebile. Morago o . . . gomme o be a le . . . o šomile, gape, yena ke . . . Oo, ke a thanka, go fihla gonabjale, ka mehla o šomile fale ka go dithokgwa le dilo godimo, Henryville, moo a tšwago; gomme o šomile go iphediša, a rera ka thoko. Ka tsela ye ke dirilego bophelong bja ka, le nna, go fihla gabjale, gomme ka gona re thomile moo re sa kgonago go dira selo eupša se. Kafao ke thakgetše ka sona. Ke thakgetše ka ga Mongmošomo wa rena yo moswa, a ga o, Ngwanešu Neville? Ee, mohlomphegi! Ka kgonthe ke a O rata. Ee, mohlomphegi. Ke no kgotsofala kudu ka ga Gagwe!

6 Gomme bjale ke a dumela ba ya go tlogela ditlase tša sekolo sa Lamorena. Ee. Tlase ya sekolo sa Lamorena ya bana, ba ya go e tlogela ka lebaka la kamora e . . . ba tlošitše tša go aroganya, ka fao go no dira kereke e ye morago thwi.

7 Bjale, bošegong bjo re ya go ba le lebaka la mafelelo la ye, ya Laodikia. Gomme bošegong bja go feta re tšere lebaka la Filadelfia le go tla godimo ka mathomong a lebaka la Laodikia le go lepelelela. Le tšona diphiri tše kgolo tseo Modimo a thomago go di utolla go rena magareng ga mabaka ale, “Lemati le le bulegilego,” le “maatla a mannyane,” “swere Lentšu la Ka,” “le ne Leina la Ka.” Dilo tšohle tše dinnyane tšela ka fale, ka fao Modimo a dirilego ka go kgahliša go di dira tša kgonthe go rena, go se re lego kudu, go leboga kudu.

8 Gomme le se lebele, ge go ne baeng magareng ga rena bao ba nago batho ba go babja, re tla re ne thapelo bakeng sa balwetši Lamorena la go latela, beke go tloga lehonono. Gomme yeo e tla . . . ge Morena a rata. Gomme yeo e tla ba . . . A ka mehla le lemoga ka fao ke ratago go bea yeo, “Morena ge a rata”? Beibele e bolela go dira seo, “ge Morena a rata.” Ga re tsebe go le bjalo; ga se nke A ke a mpotša gore ke tla ba fa, gomme kereke e tla ba fa, gomme bohle re tla ba fa, goba bontši. Gona ge e le thato ya Gagwe, re tla ba fa, le a bona. Ge e se thato ya Gagwe, nnete, re ka se ke.

9 Ngwanešu Neville kgafetša o tla be a e bega go kgašo ya gagwe, le ba go fapana, ke a thanka, ngwanešu fa le bona bale ba nago kgašo. Gomme morago tlang ka pela ka mo le kgonago

Lamorena mosong, gobane re lebeletše lešaba la bomodimo fa go rapelelwa, gomme re nyaka go tsenana. Re tla... gabotse, a re boneng, ke... Ge go na le lešaba le legolo boka le, ka mehla go kaonekaone go ba le dikarata tša thapelo gobane ba pitlagane kudu mmogo, o no... yo mongwe a kgoromeletša yo mongwe gohle le dilo boka tšeo. Ke nagana ge o ka no ba le yona ka lenaneo gore ba no tla ka o tee ka o tee go dira... go fokotša tlhakatlhakano magareng ga batho, le a tseba.

¹⁰ Gomme—gomme gona feela... Gomme ebile ga se wa swanela go tla godimo go fihla karata ya gago e biditšwe. E no dula thwi fao o lego ge o babja le go ikwela gampe, gomme o ka se swanele go ema mothaladi wo motelele. Feelana ge karata ya gago e biditšwe, e no tla thwi pele godimo gomme o rapelelwe gomme o ye tlase, gomme yo mongwe a tle godimo, ka mokgwa woo. Ke rata seo bokaone bjo bontši ka moka. Ke fela ke eba le bašemane go bea setulo tsoko, ge yo mongwe a ikwela gampe ge ba sa letile, ba bitša ba se bakae ka nako; ba ikwela gampe, gobaneng, e no ba dira—ba dira ba lete fale ka setulong sa bona go fihlela... goba ba dule setulong go fihlela nomoro ya bona e biditšwe, go fihla ba ka rapelelwa.

¹¹ Gomme ke dumela go phodišo Kgethwa; ke ye nngwe ya dithuto tše kgolo tša Beibele. Eupša phodišo Kgethwa e ne bontši go yona go feta feela phodišo Kgethwa. Phodišo Kgethwa e bolela feela gore “go ne Modimo yo a tlogo gape.” Phodišo Kgethwa e bolela ka eng? Ke tiišetšo ya tsogo ya rena. Ge go se ne phodišo Kgethwa gona ga go tsogo, le a bona. Gomme ge go se ne Moya wo Mokgethwa bjale go re kolobetša, ga go ne Bophelo bjo Bosafelego ka lefaseng le le tlogo. Beibele e rile, “Ye ke tiišetšo ya phološo ya rena.” Gomme le a tseba *tiišetšo* ke eng? Ke “tefelo fase,” le a bona. Ge o eya tlase le go lefela... A ke re o rekile polasa, ba nyakile ditolarana tša dikete tše lesome bakeng sa yona, gomme o lefile dikete tše pedi, tšeo ke tšhelete ya gago ya “tiišetšo”, ba e bitša tiišetšo ya yona. Bjale, ge kolobetšo ye ya Moya wo Mokgethwa e no ba tiišetšo go se se tlogo, oo, go tla ba eng ge re—ge re hwetša poreisi ka botlalo? Go tla ba letago!

¹² Bjale, mosong wo re ya go leka go tlema, Morena ge a rata, tše dingwe tša dilo tše ka go, tša... magareng ga mabaka a dikereke (a thwi fa) go ne se sengwe se kgalampanago. *Dikete tše Lekgolo le Masomme nne, Mašelela, Kgarebe ye e Robetšego, Kgarebe ye Bohlale*, le *Go Swaiwa ga Moya wo Mokgethwa, Go Swaiwa ga Sebata*, dilo tšela tšohle di no... Ke bofelo bja lebaka, gomme se sengwe le se sengwe se wela thwi ka fa ka lefelong le letee, gore kagona re swanetše go ba feela le khutšo ya marega go ntšetša se ntle, eupša rena... go hwetša Puku ya Kutollo, go bona ka fao E tlemaganago mmogo.

¹³ A le kile la lemoga? Tlhabologo e sepetše ka tsela ya go swana, Mna. Wood. Ke... Yo, motho yo o ne dikwi tša gagwe tša go swana, o ne dikwi tše tshela, goba dikwi tše tlhano, a ke

re, tšeo a bilego le tšona ge e sa le—ge e sa le a etla lefaseng mengwaga ye dikete tše tshela ya go feta. Eupša thwi fa ka go wa mafelelo, feela bonnyane nthatana bja mafelelo, mengwaga ye lekgolo ya mafelelo. . . Nna! O a tla, morago fale, a sepela go nokologa ka karikana ya kgomo. Eupša go tloga go karikana yela ya kgomo, mo mengwageng ye lekgolo ya go feta, o ile go tloga go karikana ya kgomo go ro—ro rokhete yeo e tla fofago go nyakile dimaele tše diketepedi ka iri. Ke ka fao ka lebelo a ilego, go tloga go karikana ya kgomo go ya go rokhete. Gomme, lebelelang, e bile feela mengwaga e se mekae ya go feta, gobaneng, ke tla re e sego bontši go feta mengwaga ye masometlhano ya go feta.

14 Ge ke be ke le mošemane yo monnyane godimo fa ka Utica Pike, ba bile le wa kgale. . . go be go ne moisa a bitšwa Elmer Frank o be a fela a dula godimo fa. Ke mohuta wa moemedi go molao. O nyetše mohumagadi yo moswa godimo fa mo tseleng yeo tate wa ka a šometšego tate wa gagwe—wa gagwe, leina la gagwe ke Lusher. Gomme ba. . . gomme o bile le, mohuta tsoko wa sefatanaga; se bile le mokerenke, o ya ntle ka lehlakoreng la yona gomme wa se keranka ka mokgwa *wo*, gomme se bile feela le kere e tee. Gomme o bile le se—se selo se segole sa rabara bakeng sa pele, gomme o be o e letša ka mokgwa *wola*. Gomme ba rile, “Selo sela se tla ya ka lebelo la go šiiša la dimaele tše lesomesenyane ka iri.” Bjale, Papa o ile tlase gomme o rwele santa ye nngwe ka go karikana, le go—le go tliša godimo fale le go bea masaka gore a e swarelele fase, go bona ge eba ka nnete e tla ya dimaele tše lesomesenyane ka iri. Le a bona? Eupša le swanetše go ka be le bone ditsela, uh-huh; e be e tla ya feela e ka ba lesome ka tsela *ye*, le senyane godimo le tlase ka tsela *ye*. Le a bona? Kafao le e tliša mmogo, le hweditše dimaele tše lesomesenyane ka iri.

15 Ke elelwa bohle ba rena digotlane, Mama o tla re hlapiša rena bohle, e ka ba ba bahlano ba rena nako yeo, re tla lekelela go fentshe yela go e kwa. Re tla e kwa e etla, dimaele kgole, tlasetlase fa, e rora, e rora, e rora, e rora. Yo mongwe le yo mongwe o tla ema le go tšea dipere tša bona, gomme ke tšwa ka phoremeng, gomme ka di swara ka mokgwa *wo*, le a tseba. Selo sela se etla go rotoga tsela, nna, e be e le selo sa go šiiša. Gomme—gomme ke no nagana, yeo e bile morago, ke be ke le e ka ba bogolo bja mengwaga ye šupago, le a bona. Ka fao. . . Yeo e bile e ka ba 1914, gomme go no nagana ka fao gore dilo di fetogilego ge e sa le nako yela. Gomme le a bona, gomme go bile feela mengwaga ye masomenne ya go feta goba se sengwe. Gomme, lebelelang, o bile le mengwaga ye dikete tše tshela go dira tšohle tšela ka tšona thwi fa, gobane Beibele e boletše gore o tla e dira ka tsela yeo, “Matšatši a mafelelo, ba tla kitimela pele le morago, gomme tsebo e tla ata.”

16 A le kile la nagana ka Nahume, ge a—a bone Outer Drive ka Chicago, mengwaga ye dikete tše nne ya go feta? A. . . O rile,

“Ba tla nyokanyoka go kgabola ditsela tše petleke.” Bjale... Ke bile ka dinageng tša kgale moo ba bilego le... mekgotha ya bona boka ka Oslo le mafelo a go fapana, ka thata ga go sekgoba go sepela, go no ba bogolo go lekanela ka—ka karikana go ya go kgabola ka ditoropongkgolo tša bona. Eupša ka kgonagalo botelele e tla ba e ka ba go tloga fa go ya lebotong lela, ke bophara bjohle mekgotha ya bona e bilego, feela bophara go lekanela karikana go ya go kgabola mokgotha. Gabotse, le a bona, Nahume o rile, “E be e le ditsela tše petleke.” Gomme o rile, “Di tla kitima boka legadima,” dikarikana tše. “Gomme ba tla ba boka dithotšhe,” ao ke mabone go tšona. Gomme o rile, “Di tla šušulana e tee kgahlanong le ye nngwe,” dikotsi. Moprofeta yola o phagametše godimo ka godimo ga nako gomme o lebeletše kgole ka fale, lebaka la mengwaga ye dikete tše nne, gomme o bone seo se etla. Naganang ka seo! Uh-hum. Tšhušumetšo.

¹⁷ Eupša re nakong ya bofelo, bagwera. Go no ba... Gomme go bjalo le Lengwalo, go beng gore dilo tšohle tše di a direga, Mangwalo ohle a letše thwi ka fa mo nakong ye ya bofelo thwi fa. Gomme ke naganne, mosong wo, ge Modimo a ka re thuša, re tla tlemaganya tše, tše dingwe tša dilo tše ka gare, bontši ka fao re kgonago. Gomme morago bošegong bjo lebaka le legolo lela la mafelelo, la kereke ya Laodikia, ka fao le amogelago Molaetša wa lona gomme morago le ya pele go tima le go hlokomologa Molaetša wa lona, thwi go lokologa ka go seemo sa bolelo seo Modimo a se tshwago go tšwa molomong wa Gagwe. Le a bona, ka mantšu a mangwe, se Mo dira a belekege ka mogodung wa Gagwe ebile go naganana ka yona. “Ke tla go tshwa go tšwa molomong wa Ka,” O boletše.

¹⁸ Bjale, ke ne Mangwalo tsoko a ngwadilwe fase fa ao ke tla ratago go bolela ka ona mosong wo. Eupša ke a makala ge go tla ba boima go rena, feela go nakwana, go ema bakeng sa lentšu la thapelo:

¹⁹ Tatawešu wa rena wa mogau wa Legodimong, ge re etla gape mosong wo mo letšatšing le la Sabatha. Gomme ka ntle, dipula di thomile go tsoretlela fase, le phefo ya go tonya ya aese e foka; eupša re thakgetše kudu gore re ne tlhaka ka godimo ga hlogo ya rena lehono, gore re ne lefelo le lennyane, gomme e sa le setšhaba go moo re ka kgonago go tla le go rapela Modimo ka tsela efe yeo letswalo la rena le re botšago go rapela.

²⁰ Gona re bona ka go Lentšu la Gago gore se ga se ye go tšea botelele kudu, kafao, Tate, re rapela gore O tla re tlotša ka go ikgetha lehono gore re ke re hwetše bokaonekaone go tšwa go se gore go ne bakeng sa rena go hwetša, le go itokišetšeng bakeng sa diiri tšeo di letšego pele ge re ka se kgone go dira se. Re ka se tsebe ke botelele gakaakang, go ka ba mo dibekeng, dikgweding, goba mengwageng, ga re tsebe, eupša nako ye nngwe re ka se kgone go dira se. Kafao re a rapela, Tate, gore O tla re boloka ka tlase ga taelo Kgathwa ya Gago, gomme anke dikgopolo tša rena

di be go wena, le dikelelelo tša pelo ya rena di amogelege pele ga Gago, O Morena.

²¹ Swarela dibe tša rena. Re kgopela seo ge re ipolela tšona go Wena, gore re dirile sebe le go foša go tloga go Tsela. Gomme ga re ne maswanedi go bitšwa ba Gago, re dire feela badiredi ba Gago ba go thwalwa, Morena. Gomme re tla rata go dira e ka ba eng yeo O re botšago go dira, mošomo e ka ba ofe woo o beilwego go rena. Re rata go o dira, feela re amogelege ka Mmušong wa Gago, Morena; gore re kgone go šoma ka go ye, iri ya go šiša yeo e lebaneng le lefase.

²² Re šegofatše bjale ka Bogona bja Gago, re rute ka Moya wo Mokgethwa wa Gago, gomme hwetša letago go tšwa go beng ga rena fa mmogo. Ka gore re e kgopela ka Leina la Jesu. Amene.

²³ Bjale ke tla rata go, sa pele, ke tla rata go lemoga yo mongwe le yo mongwe wa bagwera ba ka ka fa, ke be ke ba hlokometše mosong wo. Go thata kudu fa nakong ya bošego, go bonega ga rena go morago ka morago ga mafelo ale a go lekelela tlase gomme ga go bontšhe batho. Gomme go mohuta wa go ba thata go bona go tloga phuluphithing ye mo bošegong fa, gomme gape go nako ya mosegare. Ke bona ba bantši ba bagwera ba rena bao ba lego ntle go tšwa dikarolong tša go fapana tša naga, bao ke kgonago go ba lemoga bokaone lehono go phala nka kgona nakong ya bošego. Gomme go tla ba ba bantši kudu go leka go ba bitša bohle, eupša ke nyaka le tsebe gore ka kgonthe ke a le thabela. Gomme ka morago ga go sega gohle go thata go le go ya pele, bjalo ka ge ke be ke swanetše ka Mangwalong, go dira . . . go tliša Therešo ntle. E sego seo ke nyakilego go se dira, eupša se Modimo a se ngwadilego fa go dira, le a bona. Gomme seo ke Sona. Gomme efela ke bona bontši bja baena ba ka ba e lego ba mekgatlo le go ya pele, ba dutše thwi le nna go le bjalo, kafao ke le thabela kudu, kudu kudu. Lena . . . Modimo a fele a le šegofatša le go le thuša ke thapelo ya ka.

²⁴ Gomme bale. . . [Ngwanešu Stricker o re, “Ngwanešu Branham?”—Mor.] Ee, ngwanešu. [“Ge nka ba le tumelelo ya kereke go bolela legatong la batho bohle fa, re nyaka o tsebe gore re a go thabela.”] Ke a leboga, Ngwanešu Stricker. [“Gomme re a go rata.”] Ke a leboga, Ngwanešu Stricker. [“Gomme re rapela bakeng sa mogau go ya go kgabola dilo tšeo o swanetšego go ya go di kgabola, gore re ke re go eme nokeng.”] Ke a leboga, Ngwanešu Stricker. [Phuthego e re, “Amene!”] Ke a leboga, kereke, seo ke botse ka maatla ga lena go bolela seo. Ke thabela seo godimo kudu.

²⁵ Yo mongwe o be a bolela bošegong bja go feta ka ga . . . ke a dumela e be e le Ngwanešu Fred yoo a nteleditšego gomme o boletše ka ga pono goba toro yeo ngwanešu yo mongwe a bilego le yona, yeo e boletšwego feela pele go tlogwa bošegong bja go feta, o bone go eme nthetebuding ya lefase gomme leru le lesa le

tokologa morago. Ke a tseba o ka morago ga ka. Eupša yeo... feela ge feela... a—ka se kgone go e dira go fihla Modimo a feditše, gomme morago—morago ke—ke... ke nako go nna go sepelela nako yeo. Kafao...

²⁶ Eupša ke—ke nagana ka se, go “se tsoge ka ba yo mogolo.” Aowa, ga ke nyake go ba, le a bona. Eupša ke nagana ka *Pesaleme ya Bophelo*:

Maphelo a banna ba bagolo a a re gopotša bohle (Le a bona, se Paulo a se dirilego, se Irenaeus a se dirilego, se Luther a se dirilego, se Wesley a se dirilego, se Mokgethwa Martin a se dirilego, le se ba se dirilego.)

Gomme maphelo a banna ba bagolo a a re gopotša bohle
Gore re ka dira maphelo a rena go phagama,
Ka go aroganeng, go re šuela morago
Dikgato mo lešabašabeng la nako;

Dikgato, tšeo mohlomongwe yo mongwe,
Ge a sesa godimo ga kgwekgwe ya bophelo ya go hlomphega,
(Gobane morago ga ge ke sepetše, le a bona, le go yeng pele.) Ngwanešu wa go hlomolapelo le go hlekgemana ga sekepe (a topago ye nngwe ya dipuku tše le go e bala),
Ka go boneng, o tla tšea pelo gape. (Yeo ke yona.)

Anke re be godimo, gona, le go direng;
Ka pelo go phapano... e ka ba efe, (ga ke rate yeo, a ga le?)
Le se be bjalo ka tša semuma, dikgomo tša go otelwa (di swanetše go otelwa go yona);
Eupša eba mogale ka go phapano! (Ke—ke rata seo.)

²⁷ Bjale, ngwanešu wa rena wo monnyane, George, o be a fela a eba le yela a e ratilego; ke bile le yona go tirelo ya poloko ya gagwe. Ke be ke fela... Ke tla dula le go tsopola *Pesaleme ya Bophelo*, le a tseba, gomme o be a tla dula le go tsopola *Go Tshela Lepheko*. Le a bona? Gomme le ka be le kwele yeo:

Thapama le naledi ya mantšiboa,
Gomme pitšo e tee ya go hlaka go nna!
Gomme anke go se be go tsetsela kua lephekong,
Ge ke eya ntle lewatleng. (Le e kwele makga a mantši.)

Gobane tšohle ka ntle di sepetšwa ke nako le
sekgoba,
Mafula a ka nthwalela kgole,
Eupša ke holofela go bona Mofofiši wa ka
sefahlego ka sefahlego
Ge ke tshetše lepheko. (Ke ne kgontho o dirile
ge a tshela lepheko.)

28 Gomme kafao . . . gomme ya ka ke:

Go arogana go ntšhiela morago,
Dikgato mo lešabašabeng la nako,
Gore ba bangwe, go boneng, ba ka tla mmogo,
Ba tšea pelo le go tšwelapele ba eya.

29 Gobane, letšatši tsoko le legolo Jesu o tla tla (gomme ke seo
re yago go ithuta ka ga sona mosong wo), go tla be go fedile
nako yeo.

30 Bjale, ke naganne mosong wo, gore re se ye go kgona ka
go melaetša ye ya kereke . . . Bjale, mohlomongwe, ge Morena a
ratile, ka pela, nka ba le molokoloko wo mongwe wo monnyane
wa dikopano go *Kereke ya Therešo le ya Maaka*, tsela yohle go
tloga go Genesi, go e tšea go kgabola Beibele gomme re tla e
swiela thwi tlase go kgabola Kutollo. Bobedi bja dikereke, feela
se ba yago go se dira. Gomme gona mohlomongwe letšatši le
lengwe ge re . . . ge Morena a ratile, re ba le kereke e agilwe gore
le kgone go ba le bontši bjo bonnyane bja sekgoba sa go dula . . .
Le tla makala ke ba bakae ba leditšego le go bolela ka mokgwa
woo; ba no otlela go feta le go bona go tletše gohle, kafao ba no
ya pele, le a bona. Gomme kafao ba . . . ga re ne sekgoba.

31 Gomme mohlomongwe boka sel- . . . nakong ya selemo ge go
le boso bja go fiša goba se sengwe, moo re hwetšago tšimi ya
sekolo se se phagamego goba se sengwe, go ba bose, go tšea
Puku ya Kutollo gona, goba se sengwe, goba Puku ya Daniele
le Kutollo, gomme ra di tlemaganya mmogo gore re kgone go ba
le yona.

32 Bjale, ga se ra nke ra tla go šogana le batho ba Bajuda.
Bajuda ba be ba . . .

33 Bjale, bjalo ka ge boletše, ka go—ka go Lebaka la Leswiswi
la 1500, tlatlamano ya Katoliki, ge ba be ba hloma, ba kopanya
kereke le mmušo mmogo, seo e be e le “ka morago ga mileniamo.”
Ba naganne gore ba be ba—ba be ba le ka go Mileniamo ka
nnete gobane kereke e amogetše moemelalegato wa yona, yo
mongwe boka Kriste go dula teroneng. Gomme e tla e kopanya
ka kereke le mmušo, tšohle di be di swanetše go ba gabotse, gore
“Mileniamo o mogolo o be o kcatlampana.” Ba sa dumela seo.
Eupša ke karogo. Gobane Mileniamo o ka se tle, o ka se tsenywe,
ka ntle le go tla ga Kriste.

34 Kriste o tliša Mileniamo, ke Yena Morwa ya mokhora;
gomme ge A etla, gona go tla ba mengwaga ye sekete. Gomme ge

e le, go tla ba Tlhatlogo ya Kereke e tla rotoga, gomme morago go bowa ga Kriste. Gomme elelwang bjale, ge... Gobane selo sa go latela re se lebeletšego ke eng? Tlhatlogo ya Kereke.

³⁵ Bjale, se beng le Tlhatlogo ya Kereke le Kahlolo ya Terone ye Tšhweu di hlakahlakane. Gobane, Tlhatlogo ya Kereke, ga go ne kahlolo, le a bona, šetše le kopane le yona tlase fa. Yeo ke nnete, “Gobane bona ba lego ka go Kriste ba lokologile go tšwa kahlolong.” Jesu o rile, “Yoo a kwago Mantšu a Ka gomme a dumela go Yena yo a Nthomilego o na le Bophelo bjo Bosafelego gomme a ka se tsoge a tla ka go kahlolo, eupša o fetile go tloga lehung go ya Bophelong.”

³⁶ Re dira seo bjang? Re tla ka go Kriste gomme ra kolobeletšwa ka go Mmele o tee, Bakorinthe ba Pele 12, “Mmele o tee.” Re kolobeletšwa ka go Mmele wa Jesu Kriste, gomme Modimo šetše a ahlotše Mmele woo. A ka se re emiše kahlolong gape, gobane O šetše a ahlotše Mmele woo. Gomme ka tumelelo le mogau wa Kriste O re tliša go Yenamong, Bakorinthe ba Pele 12, “Ka Moya o tee bohle re kolobeleditšwe ka go Mmele o tee, gomme re lokologile go tšwa go dikahlolo tšohle gobane O šetše a emetše dikahlolo.” Oo, a ga le Mo leboge bjalo! O tšere dikahlolo bakeng sa rena. Ga go sa na kahlolo! Eupša bale ba ba ganago go tla go Yena, Mmele wola, Mmele wa sephiri... O tsena bjang ka go Ona? Ka go šikinya diatla? Aowa. Ka lengwalo? Aowa. Ka mohuta tsoko wa kolobetšo, meetse? Aowa. “Ka Moya wo tee, Moya wo Mokgethwa, bohle re kolobeleditšwe ka go Mmele wola!”

³⁷ Bjale elelwang, re ya go šogana le seo ka bogale mosong wo. O ka go Mmele wola goba o ka ntle ga Mmele wola, ga go na tselaseripa magareng ga Yona. Ga go na Bakriste ba go kgahliša bobotse. Gomme—gomme ga... le Bakriste goba ga o Mokriste. Ga go ne nonyana ye ntsho tšhweu, ga go motho wa go tagwa go hlapogelwa. O ka se be le yona. O Mokriste goba ga o Mokriste. O ka go Kriste goba o ka ntle ga Kriste.

³⁸ Bjale, tše di ka bonagala go ruta, ga ke... Ke kgolekgole le go beng morutiši. Eupša go ruta ke go ripa, yeo ke mpho ya go ikgetha ka go—ka go Mmele wa Kriste. Sa pele go ne baapostola, gomme morago baprofeta, morago barutiši, le baebangedi, badiša; dimpho tše tlhano tša bodiredi ka go Mmele. Gomme go ruta ke ye nngwe ya dimpho tša Moya. Bjale, le tla no swanela go hlhlaiša se ke bonago gore se lokile le go leka go se tliša go batho, le go ithuta le go tliša Mangwalo mmogo. Bjale, eupša ke feela ka go Kriste, Mmele wa Kriste o swanetše go lemogwa.

³⁹ Bjale, ditema tše tharo tša mathomo tša Kutollo di šogana le Kereke. Montle, Mojuda, Moitopia, Moafrikanere, mohuta wo mongwe le wo mongwe wa batho ka lefaseng o ya go Bantle go dira Mmele wo; ba baso, ba bašweu, ba batsotho, se sengwe le se

sengwe, ke ngatana ya matšoba, gomme ao a lokile, ao Modimo a a beago go aletara ya Gagwe; gomme yeo e dirilwe ka ditšhaba tšohle, meloko, maleme, le batho.

⁴⁰ Eupša, bjale, ka morago ga ge o tlogela tema ya 3 (Mabaka a Kereke fa), Modimo o tla morago gomme o topa Bajuda, Kereke ga e sa tšwelela gape mo lebakeng leo. Ke Bajuda. Gomme Modimo ga a šomane le Bajuda bjalo ka motho ka motho, O šomana le Israele bjalo ka setšhaba, ka mehla bjalo ka setšhaba.

⁴¹ Ke ka fao ba bangwe ba e hweditšego letšatši le lengwe. Ke—ke swere boati bja mangwalo go seo, *Bodumedi bja Motswako*, gore ke dirile tshwao godimo ka go. . . Beibele e boletše gore ngwana wa hlaba, a bidityšwego “ngwana wa tlhaba,” a ka se tsene phuthengong ya Morena lebaka la meloko ye lesome, e tla bago mengwaga ye makgolonne ao ngwana wa hlaba a ka se tlego ka phuthengong ya Morena. Ke ka fao go tswaka go bego go le go go be; yoo e be e le mosadi yoo a dumelelago monna yo mongwe go phela le yena gore ba tšweletše ngwana, gore ngwana yoo o be a le motswako, e sego ka tatagwe eupša ka monna yo mongwe. Le a bona? Gomme seo se be se befile kudu pele ga Modimo, go tšere meloko ye lesome go tsoge go hlohlora seo, pele ga Modimo.

⁴² Eupša seo ga se šome go lebaka le. Le ne Tswalo ye mpsha bjale. Ga ba. . . Ba bile feela le tswalo e tee morago fale, yeo e be e le go tswala ga nnete ga thobalano. Re ne Tswalo ye mpsha ye bjale e lego ya semoya, yeo e hlohlorago motlalo. Gomme re dibopiwa tše diswa ka go Kriste Jesu, re tswetšwe gape ka Moya wa Modimo. Dibopiwa tše diswa! Go lentšu *sebopiwa*, ge ba bangwe ba lena baithuti ba bakaone fa bao le kwešišago (Ge o sa, o ka e hlola.), *sebopiwa* le tšwa go lentšu la Segerike la “tlholo ye mpsha.” Oo, go swana le ge o le sebopiwa fa, o tswetšwe ka thobalano; morago o tlholo ye mpsha, o tswetšwe Selegodimo. Ya. . . ka go tlholo ya Modimo ya motho yo moswa. Tlholo ye mpsha, mo Tswalong. Eupša go swanetše go ba tswalo, feela go swana bjalo ka tswalo ya tlhago e le bohlokwa; Tswalo ya semoya e no ba bohlokwa bjalo ka tswalo ya tlhago.

⁴³ Banyalani ba baswa ba ka nyalana gomme ba re, “Mošemane wa rena wa mathomo, re ya go mmitša ‘John.’” Ge a se a ke a tswalwa, John a ka se tsoge a ba fa. Yeo ke phetho. Selo sa go swana, o ka. . . ke dikgopolo tše kae tša dinonwane le di agago ka ga Legodimo, ka fao le lego le legolo, ge o se wa tswalwa gape o ka se be fale. Yeo ke phetho, le a bona. Go no swanelwa go ba ka tsela yeo, gobane go swanetše go ba Tswalo. Modimo o beile melao ya Gagwe fase gomme se sengwe le se sengwe se šoma go ya ka melao ya Gagwe. Le a bona?

⁴⁴ Bjale, ka go ye, go ne mašalela a Bajuda go phološwa. Gomme re ya go ba tšea pele, gobane go bea. . . Bjale, ka mehla go ne magoro a mararo a batho ka nako yohle, kgafetšakgafetša. Gomme bolokang. . . ba beeng monaganong, bao ke: mo—mo

modumedi, moitiramodumedi, le mosedumele. Bohle bale ba bararo. Gomme go ne Mojuda, yo e lego molahlwa gobane go re fa sebaka; go ne kereke ye bolelo; gomme go ne Kereke ya go tlala ka Moya.

⁴⁵ Nako ye nngwe, Charlie Bohanon o be a le mopresitente wa . . . goba mosupretente wa selete sa borwa sa Public Service Company, ge ke be ke ba šomela. Ke be ke ithuta Mangwalo nakong yeo, bjalo ka mošemane. Gomme o rile, "Billy, mang kapa mang. . ." O rile, "Johane o swanetše a be a jele pherefere tsoko ye khubedu gomme o bile le sekatapowana ntle fale go—go sehlakahlaka sa Patimo."

⁴⁶ Ke rile, "Mna. Bohanon, o be o se wa swanela go bolela seo." O be a le mongmošomo wa ka, mookamedi.

O rile, "Gabotse, ke mang ka lefaseng a kwešišago Yeo?"

Ke rile, "E a kwešišwa. E tla kwešišwa ge Moya wa Mokgethwa o le komana go E utolla." Yeo ke nnete.

⁴⁷ Gomme o rile, "Oo, nna!" O rile, "Ke lekile go E bala le modiša wa ka o lekile go E bala," o rile, "re bile ka go tlhakatlhakano ye mpe." O rile, "Re bile le mo—mo Monyalwa a eme Thabeng ya Sinai." Le a bona? O rile, "Morago re bile le Monyalwa le terakoni e etshwa meetse go tšwa molomong wa yona, go dira ntwala le mašalela a peu ya mosadi. Re bile le Monyalwa godimo ka Legodimong. Tšohle tše tharo, ka nako ya go swana."

Ke rile, "Seo ke ka ntle ga kwešišo ya semoya." Le a bona?

O rile, "Gabotse, šebale fale, bohle go . . . ba bararo ka nako ya go swana."

⁴⁸ Ke rile, "Ee, mohlomphegi, eupša yeo ga se tsela ye ba beilwego. O a bona, o biditše ba dikete tše lekgolo le masomenne nne 'Monyalwa,' ba bego ba se; ba be ba le Bajuda. Gomme yo terakoni e tshwetšego meetse go tšwa molomong wa yona go dira ntwala le yena e be e le mašalela, mašaledi a peu ya mosadi ao a bolokilego melao gomme ba bile le, bopaki bja Jesu. Gomme Monyalwa o be a le Letagong." Le a bona?

⁴⁹ Ba dikete tše lekgolo le masomenne nne, tema ya 14 ya Kutollo, ba be ba eme Thabeng ya Sinai, (Yeo ke therešo tlwa.) ba ne Leina la Tate wa bona patleng ya bona. Yeo ke nnete tlwa. Mojuda, mašalela a Mojuda.

⁵⁰ Gomme morago fa go tla terakoni, tlhatlamano ya Roma. (E lego, Kereke Yonamong e be e hlatlošitšwe, e be e le Letagong mo Monyanyeng wa Selalelo lebaka la mengwaga ye meraro le seripa.) Morago terakoni, le a bona, *terakoni* ka mehla ke "Roma," terakoni ye khubedu. Bjale go dira seo kgonthe go lena, ka go—ka go Kutollo 12, terakoni e be e galefetše mosadi yoo a bego a tla belega Ngwana wa monna yoo a tlogo buša ditšhaba tšohle ka molamo wa tshipi, gomme o tshwetše meetse

go tšwa molomong wa gagwe gomme. . . goba—goba go dira ntwa le mašalela a peu. Eupša terakoni ye khubedu, sa pele, o eme pele ga mosadi yo. Ka pela ge mosadi a be a tla belega Ngwana yo, o be a tla metša Ngwana yola ka pela ge A Mmelege. Bjale, ke mang a emego pele ga kereke ya Israele (mosadi Israele), go metša Ngwana wa gagwe (Jesu) ka pela ge A belegwe? Roma! Herode o ntšhitše kwalakwatšo gore—gore yo mongwe le yo mongwe o be a swanetše go bolaya ngwana yo mongwe le yo mongwe go tloga bogolo bja mengwaga ye mebedi go ya tlase, go bile le polao yeo e bolailego bana bohle ba Bahebere go kgabaganya naga. Sona selo sa go swana seo Farao a se dirilego go swara Moshe, e bego e le sekai sa Gagwe, o bolaile bana bohle gomme o mo hlokile. Oo—oo—oo—oo, Modimo o tseba ka fao a ba fihlago.

51 Oo, a ga se wa thakgala o fihlilwe? Oo, lefelo la go khuta! Beibele e rile, “Gobane o swanetše go itšea mohu wenamong gomme bophelo bja gago ka go Kriste, bo fihlilwe ka go Kriste le go tswalelelwa ke Moya wo Mokgethwa.” Diabolo ga a kgone go go hwetša ge a swanetše go dira. O no se kgone go e dira, le a bona. O fihlilwe ka go Kriste! Itšee mohu wenamong! Gomme maphelo a lena a fihlilwe ka go Kriste, a fihlilwe ka go Modimo ka Kriste, le go tswalelelwa ke Moya wo Mokgethwa.

52 Bjale, bjale, mašalela a e be e le kgarebe ye e robetšego; yeo a tshwetšego meetse go tšwa molomong wa gagwe go dira ntwa le mašalela a peu ya mosadi. Bjale, mašalela ke eng? Bjale, fao le—le swanetše go hwetša dikai tše mmogo bjale. Go ne kereke e lego kereke ya *tlhago*.

53 Ke ya go. . . Mohlomongwe nka e thala fa le go e dira go hlaka gannyane nthatana. Bjale, Ngwanešu Neville, ge nka tšea ye nngwe ya nako ya gago, hle o ntshwarele. [Ngwanešu Neville o re, “Amene. Ga ke ne le e ka ba efe.”—Mor.]

54 Bjale, fale go. . . Bjale elelwang gore go ne eng? Mosedumele, ke tla bea yoo “MS,” mosedumele, gomme yoo ke modiradibe. Gomme go ne yo mongwe e lego yo fomale, ke tla bea “FO,” kereke ye fomale. Gomme morago go ne ye nngwe e lego kereke ye e phološitšwego, “PH,” kereke ye e phološitšwego. Bjale, di bolokeng monaganong ka nako yohle.

55 Bjale, ka go kereke ye e phološitšwego ye go ne magoro a mabedi, ka go kereke ye thwi *fa* le thwi *fa*, ye e kailwego ke Kriste: ye nngwe ya tšona e be e le kgarebe ye e robetšego, gomme ye ye nngwe e bile le Oli ka leboneng. Bjale, lena—lena bohle. . . Ke ba bakae ba elelwago kanegelo? Re ya go fihla go yona feela mo motsotsong.

56 Bjale, sa pele, pele re dira seo, re ya go ba dikete tše lekgolo le masomenne nne, ba Kutollo 7, gore ka kgonthe e kgone go kwešišwa. Bjale, le swanetše go elelwa se. Gomme lena ba le e marakago, Kutollo 7.

57 A re nong go no tšea nako ya rena. (Gomme—gomme lena—ga le ye go kolobetša go fihla—go fihla...Ka morago ga tirelo mosong wo, go lokile.) Re tla...ke tla leka go bea sešupanako sa ka godimo fa le go šetša ke nako mang gore re kgone go tšwa. Bjale re bile—re bile go dikologa e ka ba diiri tše pedi bjale, gomme Morena a re thuše go re fa go ithuta go.

...ka morago ga dilo tše...

58 Bjale, rena...Tema ya 6 e šomana le—le pere e tšhweu, e bego e le Moya wo Mokgethwa o tšwilego o fenya, go fenya. Morago go tla pere ye tshehla, Lehu, gomme Hele e le latetše. Gomme yo mongwe le yo mongwe wa banamedi bale godimo ga dipere.

59 Bjale, “ka morago ga dilo tše,” ka morago ga tshenyego ye kgolo ye. Sa pele go tšwile Moya wo Mokgethwa go kgabaganya lefase, “o fenya le go fenya”; morago gwa tla yo mongwe nakong ya tlala ye kgolo, “moelo wa korong ka peni, meelo ye mebedi ya leotša ka peni, le go ya pele, eupša le se gobatše Oli le Beine ya Ka”; gomme morago go theoga go fihla A butše mahuto a—a.

...ka morago ga dilo tše ke bone barongwa ba bane ba eme go dikhutlo tše nne tša lefase, ba swere diphefo tše nne...tše di sa swanelago go foka godimo ga lefase, goba go lewatle, goba...mohlare e ka ba ofe.

Gomme ke bone morongwa yo mongwe a fologa go tšwa bohlabela, a swere leswao la Modimo yo a phelago: gomme o goeditše ka segalontšu se segolo go barongwa ba bane, bao go bego...go senya...ba bego ba filwe go senya lewatle le lefase,

A re, Se senyeng lefase, ga e šita le lewatle, goba... mohlare, go fihlela re swaile bahlanka ba Modimo wa rena mo phatleng ya bona.

60 Bjale, elelwang, bahlanka ka mehla go bile...Bahlanka ba Modimo ke Bajuda. Abraham o be a le mohlanka wa Gagwe. Montle ga se mohlanka, ke Monyalwa, ke morwa. Yo ke morwa, Kereke ke yona. Bajuda ke bahlanka. Oo, ge le ka no...ge re be re no ba le nako go otlollela ntle ona mantšu. Boati bja dinako ke a dira ka kamoreng fale, go e kitimiša tsela yohle go kgabola ditsopolwa le go e tliša godimo. Bajuda ke bahlanka. Ge nka ema fa gomme ka tšea nako yohle ka “mohlanka,” ga ke bethe mafelo a mangwe, le a bona. Kafao nno elelwang, latang yeo mohlala go Beibele, gomme le tla hwetša gore Mojuda ke mohlanka wa Modimo.

61 A go bapelana go gobotse fa re ka go kitimišago, ge re nyaka go tla morago go Hesekiele 4, le go hwetša fale gore O rile, “A e ka ba efe boka ye e diregilego pele?” O lebeletše go maboto a matelele, gomme ge a dirile, o bone makgapha a dirwa ka toropongkgolo. Gomme go tšwile...go tlile banna ba bane ka dibetša tša go bolaya. Gomme ba ile pele go bolaya se sengwe le se sengwe go kgabola toropokgolo ya Jerusalema.

⁶² Gomme pele a . . . ba ile go bolaya, ba swere, ba ba emišitše, gobane go be go le Yo mongwe a tlilego a apere bošweu, ka lenaka la enke la mongwadi (Ke ba bakae ba kilego ba bala yeo?) ka lehlakoreng la gagwe, Hesekiele 4. Ka gona o bile le lenaka la enke la mongwadi ka lehlakoreng la Gagwe, a apere bošweu, O rile, “Se yeng ka go toropokgolo, le se bolaye e ka ba eng go fihlela pele le swaile bahlanka ba Modimo phatleng ya bona.” Gomme O ile pele gomme O swaile, ebile o rile, go bana ba bannyane le se sengwe le se sengwe, a ba swaya.

⁶³ Gomme morago bale ka dibetša tša go bolaya, ba bane ba bona ba etla, ba tsene le go senya ka nnete se sengwe le se sengwe, ga se ba be le kwelobohloko. Ba bolaile banna, basadi, bana, le se sengwe le se sengwe seo se sa bago le leswao la Monna yo wa mathomo ka lenaka la enke ya mongwadi yeo e swailego. Gomme yo mogolo . . .

⁶⁴ Bjale, yeo e bile matsatši ka morago ga Morena wa rena, ge A ba seaboditše ka yona ka go Mateo 24, ka fao gore “Ge le bona Jerusalema e dikaneditšwe gohle ke madira, le se dumelele . . . le se theoge go tloga godimo ga ntlo, goba anke yena yoo a lego ka tšhemong a se tle morago le go tšea jase ya gagwe, eupša eyang ka Judea.” Josephus o fa mongwalo wa yona fale, le ka fao ba tšhabilego. Gomme feela ba ba phonyokgilego e bile bona bao ba tšerego Mantšu a Morena Jesu. Gomme ge ba bone madira a dikaneditše, le Titus, ka A.D. 96, ge ba bone Titus a dikaneditše maboto a Jerusalema le go ba tswalelela bohle ka fale; ba ja bjang go tšwa mohlareng . . . ba ja legapi—legapi go tšwa mehlareng, ba ja bjang go tšwa mmung, ka nnete ba apeile bana ba bona seng le go mo ja. Ba ba bolaišitše tlala, go no ba bea fale, gomme mafelelong ba kitimetše ka gare le go ba gagara go fihla madi a kitimile go tšwa keiting boka—boka mogobe a be a theogela fase, dinokana tša madi di elela go tšwa keiting. Ba tshumile tempele, ba pšhatlaganya maboto, gomme e sa eme fale go fihla letšatšing le.

⁶⁵ Gomme Moslem of Omar o agilwe moo tempele e bego e eme. Gomme Jesu o boletše ka seo ka go Mateo 24, O rile, “Ge le bona makgapha ao a dirago tshenyego a eme lefelong le lekgethwa, moo moprofeta Daniele a boletšego, o boletše ka ga ona,” gona e ka mašakaneng, o rile, “(yoo a balago, anke a kwešiše:)” Le a bona, “Ge le bona makgapha a, ditšhila tša Moslem of Omar di eme fale moo lefelo le lekgethwa le kilego la ema.” Gomme lehono Moslem o eme tlwa moo lefelo le lekgethwa, thwi mo setsheng sa tempele. Moslem wa Mohammedan o eme bjalo ka ge Jesu a rile o tla dira, ya, Daniele o rile o tla dira, gomme Jesu o e netefaditše gore e tla dira.

⁶⁶ Šetšang bona baprofeta le Modimo fale ba bolelelapele dilo tšela, ngwanešu, go swanetše go tširoša moriri ka morago ga melala ya rena go tseba gore re mo nakong ya bofelo. Re mo bofelong! Ga se gona se šetšego. Dilo tšohle tše di direga feela

bjalo ka ge A rile di tla dira, gobaneng, go swanetše go re tutuetša, go re dira komana. O rile, Jesu o re sebotitše, o rile, “Ge le bona dilo tše di phethagala,” boka re bolela ka tšona, o rile, “phagamišang hlogo ya lena, topollo ya lena e batametše kgauswi.”

67 Gomme go tla re direla botse bo fe ge re ruile lefase ka moka? Re ya go le loba, go le bjalo. Re—re ka se kgone go thopa ka mokgwa woo. Go ne go go tee go thopago, ke ka Kriste. Tšean Kriste, gona le tlamagile go thopa. Le swanetše go tloga fa; le ka no tloga pele tirelo ye e fela, le ka no tloga pele letšatši le sobela bošegong bjo, le ka no ts- . . . sepela pele le hlaba mo mosong, pele ga Lamorena la go latela le ka no be le sepetše, bohle ba rena. Ga re tsebe ke neng re sepelago, eupša le a tseba le swanetše go sepela. Kafao a ga se selo sa botlaela go e beela ka thoko? Le—le a gatikela, le—le raloka le lehu.

68 Boka motšhetšhelelo wa kgale wa mapolanka. Ba be ba fela ba namela motšhetšhelelo le go ya go dikologa selo se, go bona bokgauswi bjo ba ka bo fihlago; gomme gateete, pele ba tseba, ba ile tlase ga sethelediši. Gomme seo ke feela tsela ye le dirago, go no thelela thwi go dikologa. Ga le tsebe ke motsotso ofe se sengwe se yago go le nyamiša, gomme le ile; pelo ya ema, kotsi ya sefatanaga, feela e ka ba eng e direga, gomme wa hwa. Gomme gona boyo bja gago bja Gosafelego bo letše thwi pele ga gago. Nagana ka seo, mogwera.

69 “Bjale, ge le bona makgapha ao a dirago tshenyego a eme lefelong le lekgethwa.” Bjale, gona, mo matšatšing a go tla ga Titus ka morago ga ge Jesu a sepetše, Moya wo Mokgethwa o be o le monna yola ka enke ya lenaka ka lehlakoreng la Gagwe. Gomme o ile go kgabola Jerusalema gomme o beile mmara ka go batho. Gomme bjale ke nyaka o lemoge se sengwe, moleloko wa kereke. Gomme o tleleima go ba le Moya wo Mokgethwa? O rile, “O se swaye e ka ba ofe wa bona eupša bona bao ba fegelwago le go lla bakeng sa makgapha ao a dirwago ka toropongkgolo.” Bjale, o kae e ka ba mang a imelwago kudu ka ga lefase bjale le diemo?

70 Gabotse, “Ke nna Momethodist, ke nna Mobaptist, Mopresbyterian, kafao ke phapano efe go e dirago?” ba a bolela.

71 Oo, go sego morwalo wola wa kgafetšakgafetša bakeng sa balahlegi, bose bjoo. O se tsoge wa dumelela e ka ba eng go tsoga le go bea kgalako ka soulong ya gago. Ga go kgathale e ka ba mang o ke a go swara gampe gakaakang goba e ka ba eng, o se tsoge! O se obe molato wa go dumelela selo seo go kgwaparetša ka soulong ya gago. Go tla swabiša Moya wo Mokgethwa go tloga go wena. Ka kgontho go tla dira.

72 Ke elelwa ke bolela se sengwe fa mengwaga ye mebedi goba ye meraro ya go feta e bego e le phošo. E be e le boramelao ba ba nteleditšego, gomme ke ile gomme. . . Mosadimogatša wa

ka a dutše fale. Ke tla . . . hlogo ya ka, rometše . . . ikwela boka e a khwamoga, gomme ke—ke ile morago. Gomme ba—ba leditše mo mogaleng gomme ba rile, “Mmotše a tle tlase morago ga sekgalela se.”

Gomme Meda o rile, “Ke boramelao.”

Ke ngwegetše ka ntle ga lemati, ke rile, “Mmotše ebile ga ke gona.”

O rile, “Bill!”

Gomme ke rile, “Mmotše ga ke gona gonabjale.” Gomme ke ile ka ntle.

⁷³ Morago ke ile ntle fale gomme ke ikwetše gampe ka kgonthe, gomme ka tla morago. Gomme o mmoditše; ke e bone e mo gobaditše.

⁷⁴ Ke ile ntle go rapelela . . . go be go ne monna a etla ka fa, o bile le lesea le lennyane le babja. Gomme feela ge ke thoma go bea seatla sa ka go lesea lela go le rapelela, Sengwe se rile go nna, “O moikaketši.” Le a bona? “O tseba se o se dirilego.”

⁷⁵ Gomme ke rile, “Mohlomphegi, ga ke na maswanedi go rapelela lesea la gago. O a bona, Moya wo Mokgethwa o nyamišitšwe ka go nna gomme ga go tlhokego go nna go bea diatla tša ka go lesea. O nno leta go fihla ke eya go lokiša se sengwe.”

⁷⁶ Ke ile tlase gomme ke boditše . . . boditše ramolao wa ka, ke rile, “Ke—ke dirile phošo.”

O rile, “Ke naganne o be o sepetše.”

Ke rile, “Aowa.” Ke rile, “Yeo e be e le . . . ke dirile mosadimogatša wa ka go bolela se sengwe seo e lego phošo.” Ke rile, “Ke—ke maswabi, ga—ga se ke—ga se ke re go dira seo.” Ke rile, “A o tla ntshwarela bakeng sa yona?”

Ke kgopetše mosadimogatša go ntshwarela bakeng sa yona.

⁷⁷ Morago ke ile morago godimo fale mo Tšhilong ya Green, e be e le Julae. Oo, go be go homotše ka kgonthe ka dithokgweng, gomme ke bile ka mphomeng morago ga sekgalela sohle, ke rapela. Gomme ke ile gomme ke eme leswikeng ntle fale gomme ke kgonne go lebelela kgole go kgabaganya dithaba, gomme go kgahliša kudu, gomme matlakala le se sengwe le se sengwe, di nno homola; e ka ba ka iri ya bohano, ya boselela, morago ga sekgalela, nakong ya selemo. Go se selo, go be go homotše ka kgonthe, letšatši la go fiša. Gomme ke rile, “Tate wa Legodimong, Moshe, O eme mo leswikeng nako ye nngwe gomme O fetile hleng.” Ke rile, “Ge O ka ntshwarela bakeng sa bobebjola ke bo dirilego, a O ka se no feta hleng gape gomme wa ntumelela ka Go bona?” Gomme feela ka godimo ga le letshadi la ka ka lehlakoreng la thaba go be go le sesasedi se sennyane se thoma go tšutla gabonolo ka kgonthe mo matlakaleng, se tlile

thwi tlase go baka le lehlakore la ka ka mokgwa *woo* gomme sa feta thwi tlase go kgabola dithokgwa. Ke nno lla boka lesea.

⁷⁸ Ke ile morago fase, ke rile, “Ke a tseba sebe sa ka se lebaletšwe bjale.” Le a bona?

⁷⁹ Le a bona, ka mehla tloša medu yohle ya kgalako go tšwa go wena. Le a bona? Ga go kgathale se e ka ba mang a se dirago wena, nke. . . nno ba le Modimo ka fale yoo a tlogo tloša bobo bjohle kgole le wena.

⁸⁰ Bjale, Bakriste bale ba bilego le tshebotšo ya Kriste, bjale šetšang, sekai sa selo re boelago ka sona mosong wo. Bakriste ba bale ba bilego le tshebotšo yela, ba tšwile ka Jerusalema gobane ba a tseba go be go lokela go direga.

⁸¹ Bjale šetšang maloko a kereke, sekai sa batho ba ba ilego kerekeng, go no tšoena kereke, bohle ba rile, “Gobaneng, go ne madira a a tlogo, go ne ntwā ye e tlogo, bjale a re yeng ngwakong wa Morena gomme re rapele.” Eupša ba be ba le thari kudu. Ga se go dire nthatana ya botse, le a bona.

⁸² Eupša ba be ba šeditše tshebotšo, barutiwa ba, ba tseba se Jesu a se boletšego, gomme ba phonyokgile. (Borahistori ba boletše gore “Bona ba bego ba bitšwa ‘makgema,’” ba rile, “ba ja mmele wa—wa monna yo yo a bitšwago ‘Jesu’ yo a bego a fela a ba fodiša.” Le a bona, ba be ba eja selalelo. Ga se ba. . . ga se a tseba se be se le eng, le a bona, gobane o be a le motho wa senama, e sego modumedi, gomme feela rahistori. Gomme o. . .) Gomme ba phonyokgile kgalefo yela e tlelago lefase.

⁸³ Bjale, le a bona, gomme morago Jerusalema yohle e ile ya senywa. Bjale yeo. . . Bjale ye fa ka phethagalo ke mabapelani, Kutollo 7. Bjale šetšang! Go tloga nakong ya ge Titus a rakeletše Jerusalema, bogareng bja lefase, ga se go be le nako go theoga histori moo lefase lohle le ilego ntweng go fihlela ka 1914. Bjale theetšang sekgauswi! Bjale fa ke moo Mna. Rutherford a ilego ka leotong la go fošagala, ke ne kgontho, thwi fa. Bjale šetšang:

Ka morago ga dilo tše ke bone morongwa yo mongwe a em-. . . barongwa ba bane ba eme dikhutlong tše nne tša lefase (Bao ba emego ka mokgwa wo, go dikhutlo tše nne tša lefase.) *ba swere diphefo tše nne tša lefase*, (Bjale, mang kapa mang o a tseba se *diphefo* di se rago ka Beibeleng, *diphefo* ke “ntwa, phapano,” diabolo ke maatla, mokgoma wa sebakabakeng, le a bona.) . . . *gomme ba swere diphefo tše nne. . . tše*o di ka *se foke* godimo ga *lefase*, goba. . . *lewatle*, . . .

Gomme. . . morongwa yo mongwe a fologa go *tšwa bohlabela* (go tšwa mo Jesu a tla tlogo), *a swere leswao la Modimo yo a phelago*: mo phatleng ya gagwe, ka seatleng sa gagwe: *gomme o goeditše ka segalontšu se segolo go barongwa ba bane*, bao ba bego ba eya go

senya lefase, a re, ke mang. . . *ba filwe go senya lewatle le lefase,*

A re, Se senyeng lefase, le ge e le lewatle, goba. . . mehla, go fihlela re swaile bahlanka ba Modimo phatleng ya bona.

⁸⁴ Bjale, Modimo ga a ne nako, ke Yena Kagosafelego. Re ela ka nako, selo se nnoši re se tsebago ke diintšhi le disekwere, le dimaele, le go ya pele. Modimo ke Kagosafelego, ga go mathomo goba bofelo. Le a bona, Yena ke—Yena ke Wagosafelego.

⁸⁵ Bjale, ka 1914 lefase ka moka le be le matšhetša ka Jeremane bakeng sa ntwā ya lefase, yeo ke nnete, lefase lohle go ntwā ya lefase. Gomme a le lemogile? Kgonthē e be e le selo se sešele.

⁸⁶ Ke nyaka mogwera wa ka wa go loka a dutšego fa, tatago Ngwanešu Wood, go hwetša se ka go hlaka. Le a bona, ba be ba. . . yena ke moJehovah Witness yo a sokologilego, le a bona.

⁸⁷ Gomme kafao gona ye, bohle ba bona ba be ba matšha go ya ntweng. Le tla e gopola, ka 1914. Bjale, a ga go tlabē (thwi ka go *The Decline of the World's War*, ke ne dibolumu tša yona, ka go bolumu ya bobedi, e ka ba letlakala la masomenne nne) gore ga ba tsebe go fihla letšatšing le ke mang a emišitšego ntwā. Kaiser Wilhelm o rile ga se a ntšhe selo se sebjalo. Eupša, ka pelapela, e eme gomme ga go motho a tsebago gobaneng. Ba be ba elwa, fa go tla. . . godimo ka pele, gomme ma. . . bohle ba a tla: “Go be go fedile, ntwā e be e fedile.” Gomme ba be ba šetše ba saenne kwano ya khutšo, ba sa tsebe se se diregilego.

⁸⁸ Bjale, ka nnete, seo se tla tšea letšatši goba a mabedi go ntšha yeo. Ga se ba tseba; eupša a re e tswaleleleng gomme re bethe mabalankwe. E bile Modimo yoo a e emišitšego, go phethagatša Lentšu la Gagwe! Šole Morongwa yola a e emišitšego. Barongwa bale ba ile pele ka sebetša sa go bolaya (Eng?) go senya lefase ka moka, gomme Morongwa yo mongwe o rile, “Emang motsotso! Se direng seo, re swanetše go swaya bahlanka ba Modimo wa rena mo phatleng ya bona, pele.”

⁸⁹ Yeo e bile feela go phulegeng ga Pentecost, morago ka 1906, 1914, tlase fale. Ke ba bakae ba lena ba tsebago? A go ne motala e ka ba ofe wa Pentecost ka fa, a gopolago ona matšatši morago kua? Kgonthē. Ge yeo, mola dinakong tša pele, tšela ge Moya wo Mokgethwa o no thoma go wa gomme batho ba thoma go amogela Moya wo Mokgethwa le go bolela ka maleme le go rapelela balwetši le go ya pele, go no thoma go direga, goba feela magareng ga mabaka a a mabedi fa; feela bjalo ka ge a tsentšwe, Kereke e be e le ya kgonthe. Morago Pentecostal ya thoma go tšea kereke ya leina, Assemblies of God, le Church of God, le go ya pele, gomme ya ya thoko ka go diism tša bona feela boka ba le bjale. Kafao ke. . . Re mo bofelong bja lebaka, le a bona. Yohle e tswalelelwa fase go bofelo, se sengwe le se sengwe se kitima thwi tlase fa go ya bofelong.

⁹⁰ Bjale, go ba, ba bane... Le a lemoga, e eme ka—ka Nofemere ka la lesometee, ka iri ya lesometee mo letšatšing; kgwedi ya bolesometee mo ngwageng, letšatši la lesometee mo kgweding, gomme iri ya lesometee mo letšatšing. Le a gopola gona se Jesu a se boletšego ka seo? “Yo mongwe o ile tšhemong ya morara go šoma nakong ye nngwe, yo motee o hweditše peni, gomme wa go latela o ile,” bona ba be ba le batho ba iri ya bolesometee. A seo e be e le nnete? Ke bao fao, batho ba iri ya bolesometee; e be e swareletšwe morago. Bjale go ba nako go bona go tseneng, gomme ba kgobokanya Bajuda ba, bakeng sa setšhaba. Ba be ba phatlaletše mogohle lefaseng, tlasetlase ka Iran le mafelong a go fapana moo ba sa nkago ba ke ba tseba gore Jesu o be a le lefaseng, ga se nke ba ka ba tseba selo ka ga Testamente ye Mpsha goba e ka ba eng.

⁹¹ Gomme bjale le ka lebelela ka go kgatišobaka ya *Look*, le *Life* le tšona, go bontšheng diswantšho tša bona ba bowa. A Jesu ga se a e bolela, “Ge le bona mohlare wa mogo o khukhuša?” Bajuda ka mehla ba bile mohlare wa mogo. “Moloko wo o ka se fete go fihlela dilo tšohle tše di phethagatšwa.” Gomme bjale šetše ba le morago, šetše e le setšhaba, šetše ba ne tšhelete ya bona beng le folaga ya bona beng, le se sengwe le se sengwe, gomme se lemogwa ka go U.N., ke bona setšhaba. O tsemile! O komana! Bjale, komana bakeng sa eng? Go swaiwa ga ba dikete tše lekgole le masomenne nne (Bjale, re tla tla go seo feela mo motsotsong.) ba Israele; bona Bajuda, e sego sehlopha se sa Wall Street seo ka mehla se radiago le go utswa le se sengwe le se sengwe gape, ke ra Bajuda ba kgonthe, go hlaka, Bajuda ba therešo bao ba bolokago ditaelo tša Modimo tlase fale.

⁹² Bjale, Bajuda ba kgonthe ba kgobokana ka Palestina gape, gomme feela tlwa se mopofeta a se boletšego; bjalo ka ge Ishmaele le Isaka ba be ba swarane ka megolo, ka mehla ba elwa, go akanyeditšwepele ba tla ba fale mo letšatšing la mafelelo, gomme šebale ba dutše. Ishmaele thwi fa, gomme e ka ba poloko ya toropokgolo fa gomme Isaka šole, gomme bobedi bja bona (Bomohammedan le Bajuda) ba elwa seng sa bona nageng e sego ya motho.

⁹³ Bjale go bona ge eba Molaetša wo woo re nago le wona o amana le yona goba aowa. Yona iri yeo Israele e saenetšwego go ba setšhaba, e bile yona iri ya go swana, lona letšatši la go swana, yona kgwedi ya go swana, se sengwe le se sengwe gape: ke be ke le Tšhilong ya Green, Indiana, ge Morongwa yola fale a bonagetše go nna le go nthomela ntle tšhemong ka Wo; ka morago ga ge A kopane le nna tlase nokeng le go mpotša se se tlogo direga, morago a nthoma mengwaga ye lesometee moragorago ka iring ya go swana yeo Israele e saenetšwego bjalo ka setšhaba. Yohle e a amana mmogo.

⁹⁴ Le a bona, Morongwa wa Morena o lefaseng bjale, le a bona, O sepela mogohle a lokiša se sengwe le se sengwe bakeng sa go

tla ga Morena. Gomme ke Barongwa ba go swana bao ba kwelego sebe ge ba ile tlase go Sodoma gomme ba hweditše. . . ba rile, “Re theogetše tlase go bona ge eba dilo di bjalo, tše Re di kwelego.”

⁹⁵ Le elelwa seo? Gomme Morongwa yo motee o ile tlase ka. . . (Yo motee o šetše le Abraham Mokgethiwa.) Sodoma e be e le tlase *fa*, gomme Lota o be a le ka Sodoma, gomme Barongwa ba babedi ba ile tlase fale gomme ba rerile go bona gomme ba ntšheditše sela se sennyane, sehlopha sa nthatana ntle, kgarebe ya go robala. Le a bona? Go lokile. (Eupša Morongwa o tee o šetše le Abraham.) Barongwa ba ba rerile tlase *fa*, Billy Graham wa sebjalebja le bona, ba ba gogetše ntle.

⁹⁶ Eupša Morongwa yo a emego le Abraham o bile le mokokotlo wa Gagwe go tente, gomme O rile, “Abraham, mosadimogatša wa gago o kae, Sarah?” O tsebile bjang o be a nyetšwe, o be a nyetše? Gomme O tsebile bjang o bile le mosadimogatša? Gomme O tsebile leina la gagwe bjang, leina la gagwe e be e le Sarah? O rile, “O ka tenteng ka morago ga gago.”

⁹⁷ O rile, “Gabotse, Ke go diretše tshepišo.” “Nna” Le a bona Morongwa o be a le mang. “Ke go diretše tshepišo. Ke ya go go etela go ya ka nako ya bophelo, Sarah o ya go ba le lesea le.”

⁹⁸ Gomme Sarah, ka tenteng ka morago ga Gagwe, o segile ka teng ga gagwe. Gomme Morongwa, ka mokokotlo wa Gagwe o furaletše, o rile, “Gobaneng Sarah a segile?” Le bona leswao A le fago Kereke ya go Kgethiwa?

⁹⁹ Le bona leswao ba nago le lona ka Sodoma?

¹⁰⁰ Magoro a lena a mararo šeale gape thwi morago, re thwi ka go lokologa morago go bona gape.

¹⁰¹ Re ne. . . badiredi ba bagolo ba bao ba khupeditšego lefase ntle fale. Ka morago ga ge Billy Graham a amogetše Moya wo Mokgethiwa, ga se a kgone go tla ntle ka *fa*. Yela ke tšhemo ya gagwe tlase *fale* gomme o a e lemoga, gomme Modimo o mo swere fale. Le a bona? Ka thero yela ga bohla, selo se a se kwago *fa*, eupša o leka go hloholela Sodoma ntle, go leka go e hloholela ntle, goba go fa mogau go kgarebe yela e robetšego. Le a bona?

¹⁰² Eupša *fa* go be go le Abraham le legoro la gagwe, gomme Jesu o rile, “Bjalo ka ge go bile matsatšing a Sodoma, go tla ba bjalo go tlang ga Morwa wa motho.”

¹⁰³ Le a bona, barongwa bale ba tla ba fa lefaseng ba dira selo sa go swana. Le a bona, ke ka lebaka leo Billy a yago go Baptist le go ya pele ka mokgwa woo. O swanetše! Le a bona, Jack Shuler le banna—banna bale bohle ba bagolo ntle fale bao ba yago. . . batsošoloji, ba swanetše gobane ba—ba hloholela ntle. Ga se nke ba ke ba dira mehlolo tlase fale; ba se bakae, boka batho ba fofaditšwe. Eupša go rera Ebangedi go a ba fofatša, le a bona, Beibele e bolela bjalo.

104 Eupša moisa yo ntle *fa* o dirile leswao le, leswao la kagodimogathago, go Abraham le sehlopha sa gagwe, e lego Kereke Mokgethiwa.

105 Bjale, 1914, lefase le ile ntweng, gomme ga sa nke ba ke ba ba khutšong ge e sa le; kgafetšakgafetša ba kgelempuela ka gare, ba kgelempuela ka gare, ba kgelempuela ka gare, gomme ba dira sona selo sa go swana go le bjalo. Gomme ba be ba dira eng? “Ba swere!” O Modimo, eba le kgaogelo! Ba swere selo sela se segolo seo ke se bonego ka go pono (selo ka moka se e ba tshenyego), ba swere ya athomo, ba swere dintwa gore ba se itshenye bonabeng go fihlela selo se etla go e senya; go fihlela Israele e boela morago le go ipeakanya yonamong, gomme morago Molaetša o tla ya go Israele gomme o tla swaiwa ka leswao lela la Moya wo Mokgethiwa. Le a bona, ka morago ga ge Bantle ba bileditšwe ntle; batho bakeng sa leina la Gagwe ba tla biletšwa ntle, ba ka go lebaka le thwi *fa* ba bitšwago. Gona Israele e amogela feela Molaetša wa mengwaga ye meraro le kgwedi tše tshela.

106 Daniele o boletše bjalo, rile ba tla ba, go tla ba, “Go bile le masomešupa . . . goba—goba mengwaga ye šupago e profetetšwe go bona, efela e šadišeditšwe bakeng sa phološo go Bajuda.” O rile, “Mesia, Mokgoma, e lego Kriste, o tla tla le go profeta mo magareng ga mengwaga yela ye masomešupa . . . goba mengwaga ye šupago, O tla ripša.” Jesu o rerile mengwaga ye meraro le seripa gomme a ripša, gomme sehlabelo sa tšatši ka tšatši se tlošitšwe se Daniele a se boletšego. Go lokile.

107 Gomme gona go bile le sebaka se filwe nakong yeo bakeng sa Bantle, gomme ba tla tlase go lebaka le. Morago go ne mengwaga ye meraro le seripa e šadišitšwego go le bjalo bakeng sa Bajuda. Bjale ge re eya go Kutollo 11, re tla topa tlwa mo bofelong (Kereke ga e bonale go fihla tema ya 19 ya Kutollo.), eupša bofelong bja yeo, Eliya le Moshe ba bowa gape le go rerela Bajuda. Banna ba babedi ba tloditšwego ka Moya woo, goba mohlomongwe bona bonabeng, ga se nke ba ke ba hwa. Kafao ba a ba bolaya gomme ba robala mokgotheng wo o bitšwago *Sodoma* moo Morena wa rena a bapotšwego, “Jerusalem.” Gomme ka morago ga matšatši a mararo, gobaneng, bophelo (Moya wa Bophelo) o tlile ka go bona gomme ba ile gdimmo, ba tsošitšwe. Gomme gona e ka ba boraro bja lefase bo šwalalantšwe ka diripana mo nakong yeo. Ba dirile mehlolo le maswao le Bajuda.

108 Bjale šeba Bajuda bale bao ba tlogo go ba rerela. Ya lefase . . . e ka se kgone . . . ba ka se itseketlanye bona seng goba go bolayana seng, goba tshenyego ya tla, go fihlela Bajuda bale ba etla morago tlase go lefelo lela; Beibele e dutše *fa* e bolela bjalo, o bone Barongwa ba bane. Gomme šetšang se ba swanetšego go se amogela; ba swanetše go amogela Moya wo Mokgethiwa feela boka ba dirile.

109 Ge Monna yola ka enke ya lenaka la mongwadi e be e le Moya wo Mokgethwa, (Re lemoga seo, yo mongwe le yo mongwe, a balago Beibele.) gabotse, go bjalo go swana ka Morongwa yo yo a tlogo gape ka Moya wo Mokgethwa, “leswao la Modimo yo a phelago.” Baefeso 4:30: “. . .Moya wo mokgethwa wa Modimo . . .le swailwego go fihlela letšatši la topollo ya lena.”

110 Gomme ba ka se dire selo bjale go fihlela Bajuda bale ba bowa. Gomme feela dibeke di se kae tša go feta ba bokantše selo ka moka mmogo gomme ba ba ka go U.N. E komana! Re mo bofelong, se sengwe le se sengwe se swailwe bjale.

111 Bjale, bjale šetšang, go netefatša gore bona ke Bajuda, bjale, ke ya go tšea te:

Ba re, Se senyeng lefase, ga e šita le lewatle, goba mohlare e ka ba ofe, go fihlela re swaile bahlanka ba Modimo wa rena phatleng ya bona.

112 Bjale, go netefatša gore kutollo ye e nepile, šetšang ye, temana ya 4:

Gomme ke kwele palo ya bona . . .ba swailwego: gomme go swailwe dikete tše lekgolo le masomenne nne bohle ba meloko ya bana ba Israele.

113 “Baisraele.” Ba kae? Bjale ba no kgoboketšwa. Ba godimo fale ba komana, ba letile nako ya go swaiwa go tla. “Go moloko wa Juda go swailwe dikete tše lesomepedi. Moloko wa Rubene, dikete tše lesomepedi. Moloko wa Gade, dikete tše lesomepedi. Asere, dikete tše lesomepedi. Nafutali, dikete tše lesomepedi.” Le go ya pele le pele, Simione le oo, le . . .tlase pele go Benyamine, meloko ye lesomepedi. Gomme lesomepedi atiša ka lesomepedi ke dikete tše lekgolo le masomenne nne. Le a bona? Bjale bao ke bona . . .

114 Bjale ge le ka lebelela go tema ya 14, feela motsotso, fa le a bona:

Gomme ke lebeletše, gomme bonang, Kwana e eme godimo ga . . .thaba ya Sinai, gomme le yena dikete tše lekgolo le masomenne nne, ba ne leina la Tate le ngwadilwe phatleng tša bona.

115 “Thaba ya Sinai.” Kwana e be e tlile morago go tloga Tlhatlogong. Gomme o tla morago, bjalo ka ge re tšere bošegong bjo bongwe, bjalo ka ge Josefa a lokolotše Bantle bohle ge a eme hleng le baena ba gagwe, o rile, “Ke nna Josefa, ngwanabolena!” Gomme ba ile ba tšhoga.

116 Le elelwa ka go lebaka la kereke fale moo re bilego le yona, ge A tla bowa gape? Ebile le bale ba hlabilego diatla tša Gagwe, gomme ba tla re, “A O tšere kae mabadi ao a dipikiri?”

117 O rile, “Ka diatleng tša bagwera ba Ka.” Gomme ba golotše. Gomme lapa le lengwe le le lengwe le arogane go tloga go le lengwe, gomme ba llile gomme ba llile gomme ba llile, ka

lebaka la gore ba be ba dirile bobé bjo. Yena Mesia wa bona, yena Modimo wa bona. Gomme O tla re go bona feela tlwa boka A boletše go—go... Josefa o boletše go Israele, o rile, “Le se ipefelele lenabeng, gobane Modimo o dirile se go boloka bophelo.”

118 “Gomme Modimo...” Beibele e bolela gore “Modimo o fofaditše mahlo a Bajuda gore Bantle ba ke ba hwetše sebaka (rena, renabeng), go tšea batho bakeng sa Leina la Gagwe, Monyalwa wa Gagwe go tšwa go Bantle.” Oo, ke mo gobotsé! A ga go? Ke lena bao.

119 Šebao ba lena ba lekgolo le masomenne-... Bjale ge le nyaka go bona Monyalwa a etla ka morago seo, go bontšha gore dikete tše lekgolo le masomenne nne ga se Monyalwa, nno tšwelapele go bala bjale pele go theoga go tloga tema ya 8 go ya pele; goba, ee, tema ya 8; goba temana ya 8, ke ra, go tšwa go tema ya 7. A re thomeng go temana ya 9—9, gobane temana ya 8—8 ke go swaiwa ga Benyamini, dikete tše lesomepedi.

Ka morago—Ka morago ga se ke lebeletše, gomme bonang, lešaba le legolo le motho a sa kgonego go le bala, (Monyalwa šo o etla.) ba ditšhaba tšohle, ... meloko, ... batho, maleme, ba eme pele ga terone, le pele ga Kwana, ba apere diaparo tše tšhweu, le dipalema ka diatleng tša bona;

Gomme ba goleditše ka segalontšu se segolo, ba re, Phološo go Modimo wa rena yo a dutšego godimo ga terone, le go Kwana.

... barongwa bohle ba eme go dikologa go terone, le go bagolo le diphedi tše nne, ... ba wele—wele pele ga terone ka difahlego tša bona, gomme ba tumiša Modimo,

Ba re, Amene: Ditšhegofatšo, ... letago, ... bohlale, ... ditebogo, ... tlhompho, ... maatla, ... bonatla, go be go Modimo go ya go ile le go ile. Amene.

Gomme yo mongwe wa bagolo yo a arabilego, gomme o rile go nna, Ke bomang bao ba ba aperego diaparo tše tšhweu? gomme ba tšwa kae?

Gomme ke rile go yena, Mohlomphegi, wena o a tseba. Gomme o rile go nna, Bao ke bona ba ba tlogo go tšwa tlaišegong ye kgolo, gomme ba hlatswitše diaparo tša bona, gomme ba di dira tše tšhweu ka mading a Kwana.

Kagona ba pele ga terone ya Modimo, gomme ba mo hlankela mosegare le bošego ka tempeleng: ...

[Ga go selo go theipi—Mor.] Le a bona?

120 Mosadimogatša wa gago o dira eng? O a go hlankela ka ntlong. O dula fase, o go fa dijo, o go lokišetša diaparo. Le a bona, o a go hlankela mosegare le bošego ka ntlong. Le a bona? Gomme yo, ba ba ditšhaba tšohle, Bantle, e lego Monyalwa, ba

pele ga terone ya Modimo, le Yena mosegare le bošego. Bohle le elelwa se re se boletšego, bošegong bja go feta gomme re boletše ka yona?

...gomme yoo a dutšego mo teroneng o tla aga magareng ga bona.

Ba ka se sa swarwa ke tlala, ga e šita ba ka se sa nyorwa; ga e šita le letšatši go ba bonega—bonega, goba phišo e ka ba efe.

Gobane Kwana ye e lego bogareng bja terone e tla ba fepa, le . . . go ba etepele ka go methopo ye e phelago ya meetse: gomme Modimo o tla phumola . . . meokgo yohle go tloga mahlong a bona.

121 Bjale, šebale ba dikete tše lekgolo le masomenne nne ba lena (Israele) bao ba letilego go tleng ga Morena gomme ba ka se tsene go fihlela pele Bantle ba fedile, go swanetše go fela.

122 Bjale, nka bolela feela se sengwe se sennyane sa ka, ke a holofela, ke tšhepa gore le tla se kwešiša. Ge Lewi Pethrus wa Stockholm, Sweden, mookamedipharephare, hlogo ya dikereke tša Filadelfia, o rometše tlase milione wa Dibeibele go Bajuda ba, Ditestamente tše nnyane. Ke swere e tee ya tšona godimo fale, segopotšo se sennyane go tšwa go yena. Mojuda ka mehla o bala go tloga morago go ya pele, gomme kafao le tseba ka fao leleme la bona—la bona le lego. Gomme ba tla bala Dipuku tše, gomme ba rile, “Gabotse, ge Jesu yo a le Mesia, gomme O hwile gomme Moya wa Gagwe o morago ka sebopego sa Moya, anke re Mmone a dira leswao la moprofeta, gona re tla Mo dumela.”

123 A peakanyo ya go phethagala! Ke naganne, “Morena, nako še bjale. Bjale ke nako, yona še.” Kafao ka go sefofane ke a sepela, Billy, le nna, Loyce, gomme ra thakgoga.

124 Ke be ke eya godimo ka India, gomme ke rile, “Bjale, tseleng ya ka go boweng, ke tla ngwegela godimo fa gomme ke tla tliša Molaetša go Bajuda, le go ba hwetša ntle fale gomme ka re, ‘A ke therešo?’”

125 Bajuda ka mehla ba dumela baprofeta ba bona, bohle re tseba seo. Gobane Modimo o ba boditše gore Mesia o tla ba moprofeta, gomme ba dumela baprofeta ba bona, gomme Modimo o rile, “Ge go ne monna magareng ga lena yo a lego moprofeta, mmoni, gomme ge yena . . . Ke tla šoma le yena ka dipono le go ya pele. Gomme—gomme ge se a se bolelago se phethagala, gona le mo kweng, gobane Ke na le yena.” Le a bona? “Eupša ge go sa phethagale, gona le se be le selo go dira le moprofeta yoo, gobane Nna—Nna—Nna ga ke ne yena. Eupša ge go ka phethagala, se a se bolelago, gona mo kweng, gobane Ke ne yena.” Gomme Bajuda ba tseba seo.

126 Gomme ke naganne, “Oo, nna! A go ka se makatše! Ke tla ikhweletša e ka ba ba dikete tše nne goba tše tlhano tša bona

gomme ka emela ntle fale, gomme ka ba dira—ka ba dira go no bala Beibele yela le go re, ‘Ge yo e le Mesia, a re Mmoneng a dira leswao la moprofeta.’” Ke rile, “A peakanyo e tla bago!” Ke bile le thekethe ya ka ka seatleng sa ka, feela e ka ba metsotso ye masometharo pele nako ya go bitša go mothalo wa sefofane sa Arabia. Kafao ke be ke eme ntle fale kua Cairo, Egepeta, gomme ke naganne, “Tumišang Modimo! Mo diiring tše pedi bontši Bajuda ba tla amogela selo sa go swana seo ba dirilego ka Pentecost, feela ka kgonthe boka e ka ba eng.” Ke naganne, “Ge nka ema fale gomme ka kgona go ba botša, ‘Eyang le hlaole lenabeng sehlopha sa banna ntle fale magareng ga lena, gomme le ba tliše fa, le bone ge eba O sa le Mesia.’ Le a bona, gomme ke tla re, ‘Bjale, godimo ga mabaka a go swana borakgolokhukhu ba lena ba gannego Mesia yo, lena Mo amogeleng. Phagamišang diatla tša lena gomme O tla... le tla amogela Moya wo Mokgethwa gonabjale.’ Gomme morago ba tla rerela lefase ebangedi ka karolong ya lefase ge ba kile... ge ba O amogetše. Hwetsang baetapele, le se... Nno bethang lefelo legolo la mogalatšhika, baetapele, anke ba e thome.”

127 Gomme Sengwe se mpethile gomme se rile, “O se ye bjale, gobane ga e so be iri.” Uh-hum. Bantle ga se ešo ba phethagatšwa, le a bona, letšatši ga se le fetšwe.

“Oo,” ke naganne, “seo e be e no ba nna.”

128 Kafao ke thomišitše gape, gomme go bile go gobe kudu go fihla ke no se kgone go e kgotlelela. Gomme ke ile ka ntle ka morago ga mphego gomme ke inamišitše hlogo ya ka, ke rile, “Tate, a ke Wena o bolelago le nna?”

129 O rile, “O se ye go Israele bjale, ga e so be iri.” Ke nno ya ka gare, ka fetola thekethe ya ka, ka e bea tseleng gape, ke ile ka tsela ye nngwe. Le a bona, gobane ga e so be iri.

130 Eupša le lengwe la matšatši a Molaetša o tla ya go Israele, gomme se se tla phulegago go... Modimo o tla romela go bona Moshe le Eliya, ka go Kutollo 11, gomme ba tla dira maswao le matete le leswao la Jehofa; ge Bantle ba fedile, mogau wa... letšatši la mogau le tla tlogela kereke ya Bantle, lebaka la Pentecostal le tla tloga. Dikereke tša maina di tla tšwelapele gobane di tla godimo fa le kgarebe ye e robetšego (Re tla ya ka go yona feela mo nakwaneng.), eupša ba tla tla godimo ka go legoro lela.

131 Eupša ge ba dira, ge ba dira seo, Bajuda ba tla amogela kolobetšo ya Moya wo Mokgethwa gomme go tla ba tsošeletšo fale yeo e tlogo emiša magodimo mo matšatšing a, “Se ne!” Ba tla dira mehuta yohle ya maswao le mehlolo. Gomme mafelelong tthatlamano ya Roma... Bajuda ba ne lehumo la lefase, gomme—gomme Kereke ya Katoliki ya Roma e tla roba kwano ye le Bajuda ka morago ga ge selo se se fedile gomme morago go tla ba... (kwano yeo ba e saenetšego magareng ga bona), o tla ya

tlase fale, gomme nako yeo ke ge Modimo a tla ema boka A dirile mo ma—ma matšatšing a kgale fale, le go lwela Baisraele. Mafelelong ba tla bolaya baprofeta ba babedi ba, gomme ba tla robala mo mokgotheng, gomme ba ba tshwela.

132 Boka ba dirile modiredi yo wa Pentecostal le mosadimogatša wa gagwe le bana fa dibeke di se kae tša go feta tlase fale, gomme dimpana tše dinnyane di kokomogile bogolo *bjoo*, tša bana, moo ba fetilego hleng le go ba tshwela, go ba tlogela ba robetše fale mo letšatšing la go fiša matšatši a mararo goba a mane ntle le go ba boloka.

133 Ba tla dira selo sa go swana! Beibele e boletše bjalo! Ba tla dira selo sa go swana thwi fa. Gomme ge ba dira seo, ka morago ga matšatši a mararo, ba robetše ba hwile, Moya wa Bophelo o tla tla ka go baprofeta ba ba babedi gomme ba tla tsoga gomme ba rotogela ka Letagong. Gomme, e ka ba ka nako yeo, dithuthupi di a thoma nako yeo. Yeo ke nako ya bofelo. Ke ge a fedile.

134 Eupša pele seo se direga, Montle, Monyalwa wa go hlaolwa. . . Go tla ba ba bangwe ba lena ba dutše tafoleng, wo mongwe wa mesong ye, o tee o tla tšewa, yo mongwe a tlogelwa. Mafelelong le tla makala, “Bothata ke eng?” Tlabe o otlela mmogo ka go koloi, o bolela le yo mongwe, mosadimogatša goba moratiwa a dutše setulong; ba ka se fetole, ba ka se be gona. O ka kitimela mabitleng, go tla ba le mabitla a mangwe a bulegile, a mangwe a sa tswaletše “Gobane bahu ka moka ga ba phele sekgoba sa mengwaga ye sekete.” Nno elelwang, go fedile nako yeo!

135 Go tla ba go tla ga sephiri, ga go yo a tlogo tseba go tla direga neng. Re laetšwe go ba komana le go šetša. Ga re tsebe ke iri efe. Eupša, e ka ba eng e lego, re ka se thibele e ka ba ofe wa ba morago ka *fa*; gobane, feela ka bjako ge Jesu a bonagala, go šetša gohle go a tsoga. Go hwa goba go phela, ga go tshwenye!

136 Ga re—ga re kopane le Yena pele, re kopana seng sa rena pele. Beibele e rile, Baefeso, tema ya 5, E rile, “Gobane rena ba re phelago le go šadišetšwa go tla ga Morena, tlase fa, re ka se thibele goba go šitiša bale ba robetšego.” Bona ba bohlokwa bao ba tswaletšego madi a bona. . . ba tswaletšego bopaki bja bona ka madi a bona. “Go se thibele goba go šitiša bale ba robetšego, gobane phalafala e tla lla.” Se sengwe se tla direga, “Ebangedi se *sengwe* se tla lla,” go kwalakwatšwa ga go tla ga Gagwe. “Gomme bahu ka go Kriste ba tla tsoga pele. Gomme rena ba re phelago le go šadišetšwa re tla fetolwa.” Re eme, le go kwa phetogo e etla: moriri wo mopududu o tšwela ntle, mašošo a timelela, go fetolwa ka nakwana, ka go panya ga leihlo. Gomme re tla kopana le baratwa ba rena pele: “Mama šole, Papa, mokgotse wa ka šole. Oo, Haleluya, re komana! Gomme morago, mmogo le bona ba ba hwilego,” go bolela Lengwalo,

“re tla ubulelwa godimo sebakabakeng go gahlanetša Morena.” Lenaneo la go Tla.

137 Oo, go bona papa wa ka yola wa kgale! Oo, nna! Go bona bona baratwa ba kgale bao ba ilego tlase ka Tumelo mošola, go kopana le bona. Le bona bobose bja Modimo, go tsebeng ge re ka kopana le Yena pele re tla makala, “A Mama o be a le ka go yona? A—a Mama mafelelong o kgonne? Re rerile ka maatla kudu, re—re lekile. A o be a le gona? A Malome Joe o gona? A—a ngwanešu o gona? A *Semangmang?*” Le a bona? “Morena, re a Go rata, re a Go rata, eupša . . .” Sa pele re ya go kopana seng! Oo—oo—oo! Ga go go go tlaruma ka ga yona, bohle re gona.

138 Ga go makatše ba eme gomme ba rile, “Amene, letago, le bohlale, le tlhompfo, le maatla, le bonatla.”

139 Bagolo ba masomepedi le bone ba rotše mefapahlogo ya bona gomme ba wela fase ka mokgwa woo, bohle ba bona ba robotše fase mo fase gomme ba Mo khunamela.

140 Le lengwe la matšatši a re tla ema ntle ka kua ga lefase, mošola, ntikodiko ya lefase, ntle mošola felotsoko sebakabakeng; gomme re tla be re se ka Legodimong nako yeo, re tla be re ubuletšwe godimo go Mo gahlanetša sebakabakeng.

141 Ge Rebeka a tšere sephetho, ka pela, a tšere sephetho gore o tla sepela le Eliasara godimo ga kamela go gahlanetša Jakobo . . . goba go gahlanetša Isaka yo e bego e tla ba monnamogatša wa gagwe, ga se nke a tsoge a mmona, a tseba gore Modimo o be a mo hlhla. Morwa wa Jakobo, goba . . . Isaka o be a le tseleng ya gagwe go tšwa tšhemong mo go foleng ga mantšiboa. Ellelwang, e be e le nakong ya mantšiboa. Gomme Rebeka a nametše kamela. Eliasara o rile, “Šole o etla bjale.” Gomme Rebeka o tabogile go fologa kamela, a goga lešira go tšwa sefahlegong sa gagwe. O be a sa nka a tsoge a mmona. Ga se a tseba . . . Yola o be a le monnamogatša wa gagwe, eupša o be a sa nka a tsoge a mmona. O be a eya go kopana le yena ka tumelo. (Ga ke tsebe O bogega bjang, eupša, oo, ge ke Mmona!) Ntle fale ge a mmone, e bile lerato go bona la mathomo. Gomme o be a sa nka a tsoge a mmona, kafao o mmone, lerato go bona la mathomo. Gomme šeba ba tla go kopana bona seng mo mašemong. Gomme o mo tšere go ba mmušong wa tatagwe godimo fa gomme o mo nyetše.

142 Ke ka tsela yeo Kereke e tlogo ubulelwa godimo sebakabakeng, mo bogareng bja sebakabakeng, le go gahlanetša Morena mo tseleng ya Gagwe go theogeng. Oo, a leratano e tla bago, lerato go bona la mathomo! Gomme ge re ema fale godimo ga ntikodiko ya lefase le le go opela tšona dikoša tša topollo, oo, nna! Ka fao re tlogo opela le go Mo tumiša bakeng sa wa rena . . . mogau wa go lopolla woo A re filego. Ge Barongwa ba tla khupetša mahlakore a n—n ntikodiko ya lefase ka dihlogo tše di inamilego, ba sa tsebe se re bolelago ka sona. Bona Barongwa ga se ba lahlega, ga ba tsebe go phološwa go ra eng. Ke rena

bona re bego re lahlelegile, ke rena bona. Re tla kwešiša nako yeo ke eng selo sa go šiiša se re letetšego pele, gomme O re lopolotše ka Madi a Gagwe, go tšwa go moloko wo mongwe le wo mongwe, leleme, le setšhaba. A letšatši la tlhalalo le tla bago!

143 Ke rata koša yela, e rile:

Go ya go ba le kopano sebakabakeng,
 Ka go bose, bose bja neng le neng;
 Ke ya go kopana le wena le go go dumediša
 godimo fale
 Ka legaeng lela mošola wa lefaufau;
 Ga moopelo wo o kilego wa kwewa, o kilego wa
 kwewa ke ditsebe tša go hwa,
 E tla ba letago, ke a bega!
 Ge Morwa wa Modimo mong, O tla ba Yena a
 hlabeletšago
 Kopanong yela sebakabakeng. (Oo!)

Le kwele ka Moshe yo monnyane ka
 lehlakanokeng,
 Le kwele ka ga Dafida wa go se boife le
 seragamabje sa gagwe;
 Le kwele kanegelo e anegwa ya Josefa wa go
 lora,
 Le ka Daniele le ditau re felago re opela.
 Oo, eupša go ne ba bantši, ba bangwe ba bantši
 ka Beibeleng,
 Gomme ke hlologetšwe go kopana le bona
 bohle, ke a bega! (Yeo ke nnete!)
 Gomme a thabo e tla bago ge re kopana le bona
 Kopanong yela sebakabakeng. (Letile bakeng
 sa letšatši leo!)

144 Šebale ba atla ba lena ba dikete tše lekgolo le masomenne nne, ba tla amogela Ebangedi morago ga ge re. . . ba ka se E amogele ka nako ya go swana Seetša se lego go Bantle. Bajuda ba a E gana le go E uta. Bjale, ge Seetša . . . Bantle ba rotošitšwe, morago Moya o tla godimo ga ba babedi go fa bohlatse go bona, morago Bajuda ba a E amogela, e lego dikete tše lekgolo le masomenne nne ba meloko ye e lahlelegilego ya Israele ba tla amogela Ebangedi; gomme Monyalwa o tšerwe.

145 Bjale, go ne “dikgarebe tše lesome.” A re betheng Mateo 21, gonabjale. Le a bona, re sa ne nako ye ntši gannyane. Oo, ke rata Beibele.

Ge ke tšea maikhutšo a ka Legodimong,
 A leeto la go makatša le tla bago;
 Go kweng dikhonsata ka Dikhwaere tša
 legodimong,

Gomme dikeiti tša ya ka...sefahlego sa
 Mophološi wa ka ke tla se bona;
 Ke dutše fase maribeng a noka,
 Ka tlase ga morithi wa Mohlare wa
 mohlakamotala;
 Ke nyaka go jela maikhutšo a ka ka
 Legodimong,
 A o ka se tle wa tšea a gago le nna?

¹⁴⁶ Bjale, ka go pu—pu Puku ya—ya Mokgethwa Mateo, ke a dumela tema ya 25, ke a dumela. Ke rile 21, a ke dirile? Ke bile le yona e marakilwe 21 fa, eupša ke phošo. Ke 25. Ke ile ka swanela go itlhaganela mosong wo, ke be ke... tsogile ke lapile, le go ba thari gomme—gomme ke—ke be ke itlhaganela. Ke be ke ngwala Mangwalo tsoko, gomme ke beile 21 mola e le—e le 25.

Kagona mmušo wa legodimo o tla ba boka dikgarebe tše lesome, tšeo di tšerego mabone a tšona, gomme tša ya pele go gahlanetša monyadi.

¹⁴⁷ Bjale:

Gomme tše tlhano tša bona di be di le bohlale gomme tše tlhano di le ditlaela.

Gomme tšona tšeo e bego e le tša ditlaela di tšere mabone a tšona, gomme ba se tšee oli le bona:

Eupša tše bohlale di tšere oli ka dibjaneng tša bona le mabone a bona.

Ge monyadi a diega (yeo ke go kgabola mabaka a a kereke), bona... ba potuma le go robala.

¹⁴⁸ Tsela yohle go theoga, bobedi ba hwile, ba potuma le go robala, le a bona, ge ba ile go theoga. Bjale, ga se ba lahlega, eupša ba nno “potuma le go robala.” Ba letile, le a bona. Ga se ba re ba be ba hwile, eupša ba “potumile le go robala.” Le a bona?

Gomme mašegogare go dirilwe mokgoši, Bonang, monyadi o etla; eyang ntle go mo gahlanetša.

Gomme dikgarebe tšela tšohle tša tsoga, gomme tša lokiša mabone a tšona.

Gomme tša ditlaela di rile—di rile go tše bohlale, Re feng oli ya lena; gobane mabone a rena a a tima.

Eupša tše bohlale tša fetola, tša re, Go se go bjalo; gore go se be go re lekanela le lena: eupša eyang bokaone go bona ba ba rekišago, gomme le ithekeleng lenabeng. (Ntshwareleng.)

Gomme ge ba sa ile go reka, monyadi o tlile; gomme bona ba ba bego ba le komana ba tsene le yena monyaneng: gomme lemati le tswaletšwe.

Ka morago go *tlile gape dikgarebe tše dingwe, tša re, Morena, Morena, re bulele.* (Bjale, le a bona, ba be ba se basedumele, ba be ba le batho ba go loka.) . . . *re bulele.*

Eupša phetolo . . . Eupša o fetotše gomme o rile, Ruri Ke re go lena, ga Ke le tsebe.

Kagana šetšang, gobane ga le tsebe ga e šita letšatši goba iri ge Morwa wa motho a tla tlogo.

¹⁴⁹ Bjale dikgarebe tše “bohlale” tše tlhano. Bjale, *oli* ka Beibeleng e swantšha “Moya wo Mokgethwa.” Bohle re tseba seo. Ke ka lebaka leo re tlotšago balwetši ka oli, gomme oli e swantšha Moya wo Mokgethwa. Kafao tše bohlale di bile le Oli ka maboneng a tšona, e bego e le Moya wo Mokgethwa, kafao ba be ba le komana go tsena ka go Selalelo sa Monyanya. Gomme re ka ya morago ka go—ka go—ka go Hesekiele 9, le go ya pele, le go gogela ntle le go bontšha, eupša ke ne e ka ba Mangwalo a mangwe a lesometlhano a ngwadilwe fa. Kafao oli e swan- . . . Ke a dumela šetše re bile le yona ka tlelaseng ya rena bekeng ye, gore *oli* ke, e swantšha “Moya wo Mokgethwa.” Bohle re tseba seo.

¹⁵⁰ Bjale šetšang, bona . . . bobedi bja bona ba be ba le “dikgarebe.” Bjale nke ke hwetše se. Fa, a re tšeeng ba babedi ba fa. *Yo* ke kgarebe le *yo* ke kgarebe, *yo* e be e le kgarebe ya setlaela gomme *yo* e le kgarebe ye bohlale, eupša bobedi bja bona ke dikgarebe.

¹⁵¹ Bjale ge le ka tšea leina leo *kgarebe* gomme la le senka, le ra—le ra “ye kgethwa, ya go hlweka, ya go hlatswiwa.” Lentšu go *hlatswiwa* le tšwa go lentšu “go kgethega,” go rago, “go hlweka.” Boka lentšu la Sehebere . . . Bjale, leo ke lentšu la Segerike, go *hlatswa* go ra “go hlweka.” Bjale, lentšu la Sehebere ke go dira “bokgethwa.” Le a bona? Gomme la rena ke “go hlweka.” Bjale, ba tšea mantšu a mararo, boka lentšu le lengwe le le lengwe le ne tlhalošo ya go swana eupša le bolelwa go fapana, boka le—le lentšu “go hlweka, go kgethega, go hlatswiwa,” ohle a mararo mantšu a go swana.

¹⁵² Boka re be re eya go bolela lentšu boka *mpša*. Ke tla re, “mpša,” seo ke Seisemane. Ge nka re *mpša* ka Sejeremane, Fred, ke “hund.” A yeo ke nnete? Ngwanešu Norman, ge nka re *mpša* ka Sepeniše, ke “ajo.” *Ajo, Hund*, le *mpša* ohle ke *mpša* go rena, le a bona. Le a bona, e—e no ba bjalo, tlhagišo.

¹⁵³ Kafao, lentšu la Segerike bakeng sa *go hlweka* ke “go hlatswa,” lentšu la Sehebere ke “go kgethega.” Go kgethega, go hlweka, g hlatswa, ohle ke lentšu la go swana. Kafao ye e be e se ya ditšhila, kereke ya tšhila; e be ele ya go hlatswiwa, kereke ya go hlweka, “*dikgarebe* tše lesome di ile ntle go gahlanetša Monyadi.” Go ra eng? *Dikereke* tšohle tše. E sego . . . bjale, e sego tlase *fa* ka go ya Roma; eupša tlase ka go ba dikereke tša maina, Banikolaite. Baptist e rera ka go Tla la Bobedi ga Kriste; Methodist e rera go Tla la Bobedi ga Kriste; Presbyterian e rera

go Tla la Bobedi ga Kriste; Manazarene a rera go Tla la Bobedi ga Kriste; Pilgrim Holiness e rera go Tla la Bobedi ga Kriste. Yeo ke nnete? “Bohle ba tšona ba ile ntle go gahlanetša Monyadi.” Bjale le—le a elelwa gore bona yo mongwe le yo mongwe o be a le tseleng ya bona go gahlanetša mo—mo Monyadi. Bjale, ge Modimo a hlompha seo se nnoši, gona O swanetše, go ba tšea le bona.

¹⁵⁴ Eupša le elelwa selo sa go swana, ka fao seswantšho bošegong bjo bongwe, ge Modimo a boletše godimo go rena ka go lebaka la kereke gomme o boletše gore “Bileama, thuto ya Bileama.” Bjale, Bileama šo o eme, e bego e le se sekaone, setšhaba se segolo se se beakantšwego. Gomme ba be ba le badumedi ka go Modimo, gobane lebelelang se Balaka a se dirilego ge a theoga... Bileama, a ke re. O neetše sona sehlabelo sa go swana go yena Modimo wa go swana yoo Israele e dirilego, Israele ya Modimo, Jehofa. Gomme o dirile dialetara tše šupago. Šupa ke nomoro ya go felelela ya Modimo.

¹⁵⁵ “Matšatši a tshela O šomile, gomme la go šupa O khutšitše,” seo ke go felela, le a bona, šupa. Matšatši a tshela O šomile ka lefaseng. Mengwaga ya mathomo ye dikete tše pedi, le sentšwe ka meetse; mengwaga ya bobedi ye dikete tše pedi, Kriste a tla; gomme wo ke dikete tše pedi tša boraro bjale. Mo bofelong bja dikete tše pedi tše dingwe le tše dingwe, se sengwe se a direga, lefase le šikinyetšwa morago gape. Mo mengwageng ye dikete tše tshela, O agile lefase; kereke e katana kgahlanong le lefase mengwaga ye dikete tše tshela; gomme sekete sa go šupa ke pušo yela ya mengwaga yela ye sekete ya Mileniamo. Le a kwešiša bjale?

¹⁵⁶ Bjale, kereke e ne Mabaka a Šupago a Kereke, le yona. Modimo... Gomme yeo ke palo ya go felela ya lebaka la kereke, yeo ke phetho, šupa. Šupa ke palo ya Modimo ya go felela. Mabaka a Šupago a Kereke, mengwaga ye šupago ya tlholo, se sengwe le se sengwe se amana le šupa.

¹⁵⁷ Bjale, go bile le dikgarebe di ilego ntle go Mo gahlanetša. Gomme tša “ditlaela” dikgarebe, bjale, ga se di be le Oli ka leboneng la bona, eupša ba bile le se sengwe le se sengwe gape: ba be ba hlwekile, ba dumetše go Kriste; ba rerile Lentšu leo ba le dumetšego, dikereke tša bona tša maina di ba dumeletše go rera, ba rerile leo, go Tla la Bobedi, Sehlabelo, Poelanyo. Ba a dumela. O ka tsoge wa kgwaparetšana le serutegi se sekaone sa Baptist nako ye nngwe, (huh) bokaone o tsebe se o bolelago ka sona, uh-huh, kgontho o swanetše.

¹⁵⁸ Eupša, le a bona, “Kgauswi kudu,” go boletše Mateo 24, Mateo 24:24; e baleng gonabjale gomme le tla bona. Jesu o boletše gore mo matšatši a a mafelelo meboya ye mebedi e tla ba kgauswi mmogo kudu go fihla e ka fora bona Bakgethiwa ge go be go kgonega. E tla ba kgauswi kudu e tla kgelempuiša bona

Mapentecostal boka ga se taba ya motho. Kgonthe! Bjale, Mateo 24:24, a go ne yo a e swerego? Ga se ke e sware thwi fale. O e swere fao, kgaetšedi, goba yo mongwe wa lena? Mateo 24. O e swere, Ben? Go lokile, e bale.

[Kgaetšedi o a bala: *Gobane go tla tsoga Bakriste ba maaka, boKriste ba maaka—ba maaka,—Mor.] Bokriste ba maaka! [le baprofeta ba maaka,] Baprofeta ba maaka! [gomme ba tla bontšha maswao le matete a magolo; gagolo gore, ge go be go kgonega, ba tla fora bona bakgethiwa.]*

¹⁵⁹ Ke lena bao. Bjale, go tla tsoga eng? Go tla tsoga boKriste ba maaka, batho ba maaka ba re, “Ke nna Kriste.” Baprofeta ba maaka, ba re, “Ke nna se gomme ke nna *sela*.” Gomme ba tla nyakile ba fora bona Bakgethiwa ge go be go kgonega. Gomme go ne tsela e nnoši yeo le ka tsogego la phološwa, yeo ke ge o be o kgethilwe pele ga motheo wa lefase; ke gore, Mokgethiwa, ka tsebelopele, leina la gago le beilwe ka Pukung morago fale. “Maswao a magolo!”

¹⁶⁰ Bjale šetšang dikereke tše tše pedi. Oo, ge nka kgona . . . ge nkabe go ne tsela ye nngwe nka kgonago go no dira batho go E bona. Go no tuka ka soulong ya ka! Ye . . . dikereke *tše* di no ba go hlweka le go kgethega bjalo ka *ye*; ge eba e le dikgarebe tšohle, ke dikgarebe tšohle, feela *go* hlweka. Phapano e nnoši e bile—e bile Oli ka leboneng, Moya wo Mokgethwa. Gomme Moya wo Mokgethwa, ge O le gona, O tšweletša wona mohuta wa go swana wa mollo O dirilego ka Pentecost. Eupša ga ba ne mollo, ga go Oli ka leboneng la bona. Ba ne ditlwaelo tša kereke, kereke feela go tlwaela boka—boka e ka ba, ditshepedišo tše kaone (ga go selo kgahlanong le yona), dithutotumelo tšeo di tla šikinyago letswalo la gago, le dikoša boka Barongwa ba otla. Gomme ba . . . o tla . . . bea monwana wa gago go bja gago . . . bophelo bja bona, o ka se kgone go e dira. Eupša seo e sa le phošo! Ga se . . . ke—ke karolo ya Ona, eupša e sego *tšohle* tša Ona. Bao ke mohuta o hlaiwago ke Tlhatlogo. Le a bona? Ba no ba . . .

¹⁶¹ Bjale šetšang. Moaba šo o a theoga. Ke tla e tšea thwi fa gore le kgone go e bona. Moaba šo, mokgatlo wo mogolo, ke tla bea fa “*bakeng sa*” mokgatlo; Israele še, ka “go se be” le mokgatlo. Moaba šo, o beile e tee, tše pedi, tše tharo, tše nne, tše tlhano, tše tshela, dialetara tše šupago; Israele e bile le e tee, tše pedi, tše tharo, tše nne, tše tlhano, tše tshela, dialetara tše šupago. Go lokile. Moaba godimo fa e bea e tee, tše pedi, tše tharo, tše nne, tše tlhano, tše tshela, dipowana tše šupago. Israele, e tee, tše pedi, tše tharo, tše nne, tše tlhano, tše tshela, dipowana tše šupago. Go lokile. Moaba o rile, “Go tla tla nako ge go tla ba monna (Kriste) a etla lefaseng, kafao O tla ba Kwana ya Modimo yeo e tlošago sebe sa lefase, re tla bea šupa” (eng?) “dikwana mo aletareng ye”; Israele o rile, “Yeo ke nnete tlwa, dikwana tše šupago mo aletareng.” Le a bona?

162 Bjale, gona mathomong, Kaine o beile aletara, o dirile sehlabelo, o rapetše, o dirile se sengwe le se sengwe Abele a se dirilego, ka ntle le . . . (Oo, O amogeleng!) . . . ka ntle le kutollo ya Modimo, ge, Kereke ka moka e agilwe go kutollo yeo. Jesu o boletše bjalo, “Godimo ga leswika le Ke tla aga Kereke ya Ka.” Therešo ya semoya e utolotšwego ya Bomodimo bja Jesu Kriste, “Godimo ga leswika le Ke tla aga Kereke ya Ka.”

163 Bjale, ge Modimo feela a hlompha ditlwaelo tša lena, ditšo tša lena, bjalo ka Mamethodist, Mabaptist, Mapentecostal, le go ya pele, ge feela A letela seo go wena go dira, go rera go Tla la Bobedi le dilo tšohle tše dingwe tše (gore, ka ya phethagalo ke ka Lengwalo), boka Baptist, Presbyterian, le go ya pele e dira, gona Modimo o tlamegile go ba tšea bobedi bja bona gobane ke sohle A se nyakago. Eupša, le a bona, ka ntle le kutollo, kgarebe ye e robetšego šeo; kgarebe ye bohlale še. Ba be ba le mokgatlo, setšhaba se segolo.

164 Re badile bošegong bjo bongwe, moo E rilego, “Batho ba ba ka se be mokgatlo, ba tla ba baneneri go dikologa naga, ba dula ka ditenteng, ba diila, ba kokobetše.” Eupša e rile, “O se ke wa leka go ba rogaka, gobane Ke na le bona.” Bjale šetšang! Batho ba ba dumela ka go metlwae ya go swana yeo ba dumetšego ka go yona, le go rapela Modimo wa go swana. Le a bona? Eupša ga se ba be le maswao le matete a ba latela! Israele e bile le Sephente ya Mphiri, Leswika le le bethilwego, thabo ya Kgoši, phodišo Kgethwa, baprofeta, se sengwe le se sengwe thwi tlase fa. Gomme ga se ba ke, ba bile le motlwae ntle le ntle—le tšhegofatšo, Oli.

165 Selo sa go swana ka kgarebe ye e robetšego le kgarebe ye bohlale, bobedi ba be ba le batho ba ba hlatswitšwego. Eupša yo o bile le Oli. Gomme yo ga se a be le Oli, kafao ba rile, “Re no ba gabotse bjalo ka ge le le.” Ke gore . . . Ga a gona wa rena a lokilego, ge go iwa ka seo. “Gobaneng, le sehlopha sa bapshikologibakgethwa!” Gabotse, yeo e lokile, uh-huh, yeo e lokile. Ga a gona wa rena a lokilego, bohle re dirile sebe gomme re hlaelelwa letago la Modimo. Eupša tsela e nnoši o ka tsogego wa O tseba, e sego ka go tšoena kereke, e sego ka go leka go phela gabotse, eupša ge o amogela Kriste. Ga se se ke se phelago; ke se A bilego. Ga se se ke lego; ke se A lego. O bile nna gore nke, ka mogau wa Gagwe, ke be Yena, morwa wa Modimo. Le a e bona?

166 Bjale, kgarebe ye e robetšego, le kgarebe ye bohlale ka Oli ka leboneng la gagwe. Bjale, ka bjako bjako, go tlile modumo, “Bonang, Monyadi o etla, eyang go Mo gahlanetša!” Gomme ba phafogile. Eupša ge ba dirile, yo o kgonne go tsena gobane ba bile le Oli ka leboneng. Yeo e bile phapano.

167 Yo ga se a kgone go tsena, moo go bego go se Oli ka leboneng; ba ile morago go yo rapela, go amogela Moya wo Mokgethwa. Eupša, ge ba sa ile, go be go fedile. Dikereke tša maina di re, “Gabotse, mohlomongwe re bile pošo. Mohlomongwe

bokaone re boele morago, re nyake kolobetšo ya Moya wo Mokgethwa.” Ke seo ba lekago go se dira bjale. A le lemogile seo? Mapresbyterian . . . Swara theipi ya gago motsotso, ga ke nyake go bitša leina le. [Ga go selo go theipi—Mor.] . . .? . . . Monyadi a tla. Gomme, gabotse, go tla ga Gagwe go kgauswi gakaakang gona, ge ba eya bjale go leka go reka! Go lokile, bulela theipi ya gago, Gene. Bjale, le a e hwetša? “Ge ba sa ile go reka,” ba leka go reka bjale, dikereke tšohle di leka go ba le tsošetšo, tsošetšo; ke go leka go ya morago.

¹⁶⁸ Bjale, ebile le go Ngak. Billy Graham, o ngwadile ka go *Herald of Faith*, le e bone, go tšwa Chicago, gomme o boletše gore “Re ka se kgone go hlokomologa mosepelo wa Pentecostal.” Le a bona? “Re ka se kgone . . . -hlompha bona, gobane ba bile le basokologi ba bantši mo nakong ya ngwaga go feta dikereke tše dingwe di beilwe mmogo.”

¹⁶⁹ Woo ke tlwa mollo wola o tukago, o e šikinya, go fokotša, go lahlela lokwa ka gare le go goga. Gomme ge o lahlela lokwa . . . Jesu o rile, “Mmušo wa Modimo o bjalo ka monna a ile gomme o lahlele lokwa ka lewatleng, gomme ge a gogile, o bile le dipshinyalera, dinoga, digwagwa, disephente, se sengwe le se sengwe gape, eupša o bile le dihlapu tsoko, le tšona.” Ke seo molaetša wa Pentecostal o se dirago, o swiela lefase; o le lahlela ka gare le go goga, re hwetša dipshinyalera, crawfish, dipolomeetse, dikolopisana, dimpšameetse, ditabogelahleng, le se sengwe le se sengwe gape ka fale. Eupša se e lego, go ne dihlapu tsoko ka fale, le tšona. Ke tšona e lego tša Mong.

¹⁷⁰ Go lokile, go ba bangwe ba lena baena ba go dumela ka molao go theipi ye, le ka rata go e tshuma: Di bile dihlapu neng? Ge lokwa le ile ka gare godimo ga tšona? Di be di le dihlapu le mathomong! Yeo ke nnete. Di hlaotšwe go tloga motheong wa lefase! Di no se nke tša tsoge tša tla go šomišwa ke Mong.

¹⁷¹ Seo ke segwagwa sa lena. Le tšea segwagwa sa kgale gomme wa se lahlela leribeng, se no “gwa, gwa” thwi morago go meetse.

¹⁷² Gomme crawfish ya kgale e dutše fale, e re, “Aga, seo ke sehlopha sa bapshikologibakgethwa.” Šele e ya morago, “Aa—aa—aa—aa—aa. Oo, aowa!” Thwi morago go leraga ka maatla ka moo a kgonago. Yeo ke nnete.

¹⁷³ Noga ya kgale e šutša nthatana gannyane, “Ke a dumela matšatši a mehlolo a fetile, Ngaka *Semangmang* le *Semangmang* ba mpoditše.” O rile, “Aa—aa—aa—aa—aa, o ka se ntlatše!” Šele e aya, thwi godimo fale gape, le a bona.

¹⁷⁴ Noga, le go thoma! Segwagwa, le go thoma! Paulo o boletše ka Beibeleng, ona mohuta, o rile, “Ba tlogile go rena gobane ba be ba se ba rena le go thoma.” Le a bona? Mmm! Go lokile, kgarebe ya setlaela.

¹⁷⁵ Kgarebe ye bohlaele ka Oli ka leboneng la gagwe, o bile komana.

176 Bjale, “ge a sa ile go hwetša Oli tsoko,” ke se ba lekago go se dira thwi bjale. Dikereke tše kgolo tše tša boebangedi, di leka go hwetša dilo tše kgolo tše, le a tseba, le go dira... go ya morago go Beibele, morago, “re hloka Tšhegofatšo ya Pentecostal.” Gobaneng, le ka eleletša ke mohuta ofe wa tirelo ba yago go ba le yona, le a bona. Ga ba ye go fihla tlase fale le go senya manekure wola wohle go bona, le tšohle tša tšela. Oo, aowa. Ga ba ye go tlogela tšona dikopano tša basadi le disosaete le dilo boka tšeo. Ba swareletše go lefase boka Esau, ka seatleng se setee, a leka go swara Modimo ka se sengwe. O ka se kgone go e dira. O ka se be Mokriste wa mahlo a go leakana, le a tseba, o lebeletše Modimo le lefase gape. O swanetše go ipeagare wenamong ka Khalibari, o dule thwi fale le Seo.

177 Bjale, eupša šebale ba aya, gomme ba leka go ya morago. Gomme elelwang re kgauswi gakaakang! Yona nako yeo ba ilego go reka, ke ge Monyadi a etla.

178 Oo, Ngwanešu Stricker, re hleng le fale! Gabotse re kgauswi le Gae. Oo, wo mongwe wa mesong ye:

Phalafala ya Morena e tla gala, gomme nako e
ka se sa ba gona,
Gomme moso o tla hlaba Kagosafelego, o
phadima le bobotse;
Ge baphološwa ba Gagwe lefaseng ba tla
kgobokana Legaeng la bona mošola wa
lefaufau,
(A nako e tla bago!)

179 Ya, kgarebe ye e robetšego. A... Kgarebe ye e robetšego bjale, le nyaka go tseba go tla diregang ka yona. A ke yona? Selo se tee ke nyakago go se hlaloša. Go tla direga eng ka dikereke tše? Go tla direga eng go batho ba ba ba tlogo karolo ya tsela le Kriste, gomme ba se tle, goba ba se ye tsela yohle le Kriste?

180 Bjale ka go Baroma, ke a dumela, 2:22, Beibele e rile, Paulo o rile, “Ge Moya wa Modimo o se ka go wena, ga o wa Modimo.” O wa mokgatlo eupša e sego wa Modimo. Ge Moya wa Modimo o se ka go wena, ga se wena wa Modimo. Le a bona. O swanetše go ba le Moya wa Modimo go ba wa Modimo. Ka kgonthe!

181 Go lokile, mohlomphegi, “Tlaišego ye Kgolo.” Bjale, bjale ge o... Ba tla swanela go ya go kgabola... Bjale, le a elelwa, O rile... Bjale anke ke hwetše ka moka ga yeo, “Ba ile ba lahlwela ntle leswiswing, gomme go tla ba go lla, go golola, le ditsikitlano tša meno.” Go lokile, yeo ke Tlaišego ye Kgolo. A ga se yona? Tlaišego ye Kgolo! Bjale, ka morago ga Tlaišego ye, batho bale... .

182 Bjale, anke ke e sware fa gape, ke mašalela. Bjale lebelelang! Sentseka sa lešela sese. Go lokile, mohumagadi o le ala ntle ka mokgwa wo. Bjale o ya go itirela yenamong se seng, le a tseba, mohuta tsoko wa seaparo. Bjale, ye ke yohle ya—ya lešela a nago

le lona. Bjale, nthatana ye nngwe le ye nngwe ya lona ke mohuta wa go swana wa lešela. Yeo ke nnete?

183 Bobedi bja bona ba be ba le dikgarebe. Le a bona? Go lokile. Ba bile le tumelo ka go Kriste, sebopego sa bomodimo, ba ile kerekeng, ba dirile dilo tša go loka, go neela, ga se gona se ka bolelwago kgahlanong le mediro ya bona le dilo. “Ke tseba mediro ya gago,” O boletše go lebaka le lengwe le le lengwe. “Ke tseba mediro ya gago, eupša o a hlaelwa.” Le a bona?

184 Bjale, ge mosadi . . . o beakanya ka monaganong wa gagwe tsela efe a nago le phethene fa, gomme o beakanya ka monaganong wa gagwe ke tsela efe a yago go sega phethene ye, ke eng e yago go segwa. A yeo ke nnete? Gabotse, o tšea se a naganago se lekanetše gomme ke karolo ye kaonekaone ya—ya phethene. A yeo ke nnete? Gomme lohle ke lešela la go swana, eupša o le ala ka mokgwa *wo* mohlomongwe goba ka mokgwa *woo*, o le ala fase. Morago o tšea sekero sa gagwe gomme o a le sega. Bjale, se se šetšego se bitšwa “mašalela.” Go lokile. Bjale, phethene ye ke eng? E tsebilwe bjang? Ke yena . . . lefelo leo mohumagadi a kgethilego go sega go tloga gona.

185 Modimo, pele ga motheo wa lefase, Yo a tsebilego bofelo go tloga mathomong ka tsebelopele, O *kgethile* a sege kae. O tsebile phapano magareng ga Esau le Jakobo. O tsebile phapano magareng ga modiradibe le mokgethwa. O tsebile phapano. O tseba maikemišetšo a pelo ye nngwe le ye nngwe, kafao O re kgethile pele ga motheo wa lefase gomme o beile maina a rena Pukung ya Bophelo ya Kwana; gomme gape Kwana yeo e bego e tla hlabja (gomme o beile maina a rena *pele* A hlabja), gomme Beibele e boletše gore Kriste o be a le Kwana e hlabilwego pele ga motheo wa lefase. Gomme maina a rena a beilwe Pukung ge A—ge A kgethilwe morago fale go ba Kwana ya go hlabja, re kgethilwe go ba bona bao A ba hlabetšwego. Le a e bona?

186 Bjale, bohle ke kgarebe. Bjale, mašalela a mannyane *šea*, ga se a lahlwa. Oo, aowa. O a a boloka, eupša o le ala morago, a ka le šomišša bakeng sa se sengwe gape. Le a bona? eupša ga le ye go šomišwa *fale*, yeo ke Kereke e segilwego. Bjale, ba tla swanela go emela kahlolo (gobane ba ya go kgabola Tlaišego), bao ke mašalela. Bjale le a e hwetša?

187 Kereke *še* e aya, Gae, e ya Gae. Mašalela *šea* ao a tlogetšwego. Gomme *ba* dikete tše lekgolo le masomenne nne šeba godimo ga Thaba ya Sinai, Bajuda. Ga se banyalwa ba bararo ba go fapana. Huh! Ke Monyalwa; mašalela; le ba dikete tše lekgolo le masomenne nne. Tlwa. O be a sa je selo eupša Dijo tša Moya wo Mokgethwa ntle fale, ke a eleletša, kafao o be a lokile, go be go se selo sa phošo ka Johane. Le a bona? Gomme šebale—šebale fale.

188 Bjale, mo bofelong bja nako, ke ba bakae ba tsebagore Beibele e bolela gore “bakgethwa ba tla ahlola lefase”? Paulo o

boletše bjalo. A re phetleng bjale go—go Puku ya Daniele gomme re hwetše Terone ye Tšhweu. Re ka kgona go e hwetša go tšwa go Kutollo eupša ke rata go e tšea go tšwa go Daniele, ke selo sa go swana. Daniele 7, gomme re tla swara ka—ka Kahlolo ya Terone ye Tšhweu fa. A re thomeng go temana ya 8 ya tema ya 7 ya Daniele:

Gomme ke hlokometše dinaka, gomme, bonang, go tsupologile magareng ga ona lenaka le lennyane, pele ga lona go bile a mararo a dinaka tše tharo a tomotšwe ka medu: (Bjale, re a tseba re ka Roma fao, bjale. Le a bona?) gomme, bonang, lenakeng le go be go le mahlo. . . a motho, (Bjale, elelwang, lenaka le ga se le amogele mphaphahlogo, e be e le selo sa mahlašana. Dinaka tše dingwe di retologetše go dibata. Le e be la mahlašana, e be e le motho, mopapa go e na le wa mohetene, le a bona.) le molomo wa go bolela dilo tše kgolo.

189 Bjale šetšang, temana ya 9:

Ke lebeletše go fihlela diterone di lahlelwa fase, (Yeo ke mebušo yohle ya Bantle e fedile. Moprofeta yo o a bolela. Bjale elelwang, ye nngwe le ye nngwe ya dilo tšela a di boletšego di diregile thwi go theogela go selo se sa mafelelo, re tseba seo ka histori ya rena yeo re e tšea go. . . yeo. . . ile—ile tša lahlelwa fase, gomme Motala wa matšatši o dutše, tša gagwe diapar o di be di le bošweu wa leswele, (Le tseba yoo e be e le mang bošegong bjo bongwe ka go pono yela? Jesu.) gomme moriri wa hlogo ya gagwe o le boka. . . wulu ye e sekilego: gomme terone ya gagwe e le boka kgabo ye e laumago, gomme mabito a gagwe boka mollo wo o tukago.

Gomme moela wa go tuka o ntšhitše gomme wa tla pele go tloga go yena: dikete atiša ka dikete ba mo hlanketše, (Kereke šeo e etla morago le Yena, le a bona.) le masome a dikete atiša ka masome a dikete ba eme pele ga gagwe: (Yoo ke Monyalwa a etla godimo, le lefase ka moka.) gomme kahlolo e dutše, gomme dipuku di butšwe.

. . . kahlolo e dutše, gomme dipuku di butšwe.

Gomme ke lebeletše bona ka lebaka la segalontšu sa mantšu a magolo ao lenaka le a boletšego: gomme ke lebeletše ebile go fihlela sebata se bolailwe, gomme mmele wa sona wa senywa, gomme wa fiwa go mollo wo o tukago.

Gomme mabapi le bahu ka moka, bona bao ba nago le pušo ya bona e tšeetšwe kgo- . . . (ke ra) . . . dibata ka moka (ke ra), di bile le pušo ya tšona e tšerwe go bona:

gomme efela maphelo a tšona a ile a telefatšwa lebaka la sehla le nako.

190 Bjale, kahlolo e be e beilwe gomme Dipuku di butšwe. Ke ge Monyalwa a etla morago le go bea kahlolo, gomme Kereke ye e kgethilwego. . . Kereke yeo e rotošitšwego e tla bowa ka morago ga mengwaga yela ye meraro le seripa, gomme morago ga nako. . . Gomme godimo ka go Kutollo e e fa, go boletše gore ba—gore ba—ba “bahu ka moka ga se ba phela gape lebaka la mengwaga ye sekete.” Lena, ke ba bakae ba e badilego? A mantši, makga a mantši. “Ga se ba phela lebaka la mengwaga ye sekete.” Jesu o bowa le Monyalwa, le Monyalwa.

191 Bjale elelwang, bjalo ka ge ke boletše, se sengwe le se sengwe se ga raro. Go Tla ga Gagwe go ga raro: lekga la mathomo, O tla go lopolla Monyalwa wa Gagwe; lekga la bobedi, O tla go ubula Monyalwa wa Gagwe. Boka taba ya leratano, o tla tikologong gomme o mo utswa nakong ya bošego, o mo tšea go tloga lefaseng, “go Mo gahlanetša sebakabakeng.” Go Tla ga sephiri ga Morena, le a bona. Lekga la bobedi O a tla, ke go amogela Monyalwa wa Gagwe. Lekga la mathomo, go Mo lopolla; lekga la bobedi, go Mo amogela; gomme lekga la boraro, le Yena, Kgoši le Kgošigadi!

192 Gomme šo O tla morago bakeng sa kahlolo godimo ga ditšhaba. Paulo o rile, “Ke ofe wa lena bohle a lekago go ya kgorongtshoko yoo a nago le taba kgahlanong le yo mongwe? Ga le kgone go hlokomela dilo tše dinnyane tše, a ga le tsebe gore bakgethwa ba tla ahlola lefase?” Kahlolo tše yeo e bego e filwe go Kriste le lehlakore la Gagwe; ke bona boramelao ka lepokising, gomme šole O dutše mo Teroneng. Monyalwa šo, ramolao.

193 Gomme fa go tla ba godimo. Dipuku di butšwe, le Puku ye nngwe e lego Puku ya Bophelo.

194 Bjale, Puku ya mathomo e be e le Puku ya modiradibe, yoo a lahlilwego. Go lokile. O ahlotšwe le go thoma. Šedile di—šedile dipudi. Ebile ga a ne sebaka, le a bona, ke modiradibe le go thoma. Go lokile, bjale, o lahlilwe.

195 Gomme go dinku, ba emelane le kahlolo. Ba ile ba swanelwa go ahlolwa, gomme bakgethwa ba ile ba swanela go ba ahlola. Modimo ga se mohlokatoka. Ge bahetene mošola ka nageng, gomme re aga dibatlabadimo tša gauta tša ditolara tše seswai le milione tše lesome fa ka Amerika sebakeng sa go iša Molaetša go bona godimo fale, Modimo o ya go re bea boikarabelo, eupša a ba šokelwa. Kgonthe! Modimo ga se mohlokatoka.

196 Lena—lena fa, ge le sa nka la bona Wo pele, le—le ka no se bewe boikarabelo, eupša le ne boikarabelo bjale! Le a bona? Bohle le ne boikarabelo. . . Gomme re ne boikarabelo go išeng Molaetša, o ne boikarabelo ge eba o O kwele goba aowa.

197 Bjale, bahetene ba tla tsoga, bona batho ba ba lego ntle fale ba rapela sebatlabadimo. Ga ba tsebe bokaone. Ga ba tsebe selo

ka Ona. Modimo ga se mohlokatoka, A ka se ba ahlole ntle le ge ba ka be ba bile le sekgoba. Gomme ba tla fiwa lefelo.

198 Gomme kafao ka Kerekeng, gore yo mongwe le yo mongwe go theoga lebaka le la kereke, go tloga—go tloga Efeso pele go theoga go tlase *fa*, Molaetša, Molaetša wa therešo wa Kriste boka O bile mathomong (kolobetšo ya Moya wo Mokgethwa, maatla, tsogo, go bolela ka maleme, tlhathollo ya maleme, dimpho tša phodišo, kolobetšo Leineng la Morena Jesu, dilo tšela tšohle tšeo A di rutilego), ye nngwe le ye nngwe yeo e lego ka go Monyalwa yola o tla ema boka ramolao.

199 Taba ya yo mongwe še godimo: “O bile kopanong ga *Semangmang*, a o mmoditše?”

200 Bjale ramolao: “Ee, ke mmoditše.” Yona šele Pukung, o ka se e ganetše, ebile le dikgopolo tša rena di go Yeo. Le a bona? O ka se kgone go e ganetša. “Ee, ke mmoditše gore o swanetše go kolobetswa.”

“Ka Jeffersonville, fale ka tabarenekeleng, fale?”

“Ee, Mohlomphegi, ke—ke . . . Wena . . .”

201 “Ya, še yona mo Pukung, o ba boditše gore ba *swanetše* go e dira. Ebile ba purupuditše Lengwalo gomme ba hweditše O be o nepile, eupša ga se ba e dira.”

202 “Tloga go Nna, wena modiri wa bokgopo, ebile ga se ke go tsebe.” Le a bona?

203 Fao ke moo A aroganyago dipudi go tšwa go dinku, le a bona, o lahlela ba bangwe go lehlakore le letona gomme ba bangwe go lehlakore le letshadi. Fale go tliša magoro a gago a mararo morago gape.

204 Eupša, legoro *le* le ka se tsoge la ba le legoro *lela*, lela ke Monyalwa. Gomme, le a lemoga, Monyalwa o ne Yena ka Tempeleng. Ba bangwe ba a šoma le go tliša letago la bona ka Mmušong, eupša Monyalwa o ne Monyadi kgafekgafe. Ba bangwe ba ka se tsoge ba abelwa; boka *ba* tlase *fa*, ba tla hlankela, ba ka se lahlwe, gobane O ba arogantše boka dinku go tšwa go dipudi. Eupša o . . .

205 Eupša pudi ga se e be le kweišo ya Ona, ga se e iše felo ka Ona. O be a le pudi, gomme a kgotsofetše bjalo ka pudi, gomme kafao o no hwa boka pudi gomme bjoo e bile bofelo bja gagwe. E be e le phetho, le a bona.

206 Eupša nku, ge a . . . ge Modimo a e swara gore ke be ke eme fale le mohetene yola a sa nkago a kwa selo. Kafao ge o rerela batho Ebangedi ye . . .

207 Gomme ke swanetše go ema. A ga le elelwe ka go phetolelo yeo A mphilego e se kgale kudu, gore ke swanetše go ema fale le batho bale gomme—gomme ke tla ba maikarabelo bakeng sa

bona? Gomme ke bone dimilione tšela di eme fale, ke rile, “A lena bohle le ba ga Branham?”

Ba rile, “Aowa.” Ba rile, “Ke basokologi ba gago.”

Gomme ke rile, ke—ke rile, “Ke nyaka go bona Jesu.”

O rile, “E sego bjale. E tla ba nako pele A etla go le bjalo. Eupša O tla tla go wena pele gomme o tla ahlolwa ka Lentšu leo o le rerilego, gomme ba khutšitše godimo ga Leo.”

Ke rile, “A bohle ba swanetše go dirwa seo? A Paulo o tla swanela go ema?”

O rile, “Ee, Paulo o a ema le yena, le sehlopha sa gagwe seo a se reretšego.”

Ke rile, “Ke rerile Molaetša wa go swana a dirilego.”

²⁰⁸ Gomme tšona dimilione di phagamišitše diatla tša bona gomme ba rile, “Re khutšitše go seo!” Ke lena bao, le a bona, thwi fale! Ee. O rile, “Morago mmgo re tla ya morago lefaseng bakeng sa mmele woo o kgonago go ja, gomme re a nwa, le go phela mmogo go kgabaganya mabaka a sa felego fale.” Yeo ke go tla ga Morena. Go lokile.

²⁰⁹ Bjale, feela motsotso. Bjale, ka go . . . Go batameleng kgauswi gannyane bjale, gobane go nyakile go etla go . . . nako ya ngwanaborena fa bakeng sa tirelo ya kolobetšo goba e ka ba eng a yago go e šomiša.

²¹⁰ Go lokile, bjale, nakong ya lebaka le la kereke. Oo, se sengwe se sebotse kudu sese. Ke rata se le sona. Nakong ya mabaka a a kereke, go ne meboya ye mebedi e šomago go nyakile go swana thwi go theoga fa; o tee ke kereke ya leina, o mongwe ke Moya wo Mokgethwa. Gomme Jesu o rile, “E be e batamelane kudu gore e ka fora bona Bakgethiwa ge go be go kgonagala.” Meboya ye mebedi ye e swaya batho ba yona bakeng sa kahlolo ya ka moso. Sathane o tshepišitše gore ba gagwe . . . gore o tla ba le bontši go fetiša Kriste, gomme o nabjo. Bjale, šetšang se ka kgonthe, kgauswi ka kgonthe bjale ge re etla go ye: go fetiša O—O tla ba, a swaya batho.

²¹¹ Bontši ba bjalo ka Efa. Efa o nno ema botelele go lekanela go ka forwa. Ge nkabe a sa nka a ema, go ka be go sa nka gwa ba le go forwa. Eupša Efa o eme, gomme ge a eme, fao ke moo a hweditšego go forwa ga gagwe. Sebakeng sa go gateleng pele le . . . A le—a le a ntatela—ntatela kgauswi bjale? Theetšang! Lebaka leo Efa a forilwego . . . A re e boleleng mmogo, gore ke be le kgonthe le e hweditše. [Ngwanešu Branham le phuthego ba bolela sammaletee—Mor.]: “Lebaka Efa a bego a forilwe, ga sa nke a boloka Lentšu la Modimo la go tlala.” Sathane o Le tsopotše go yena, eupša ga sa nke a mmošša Therešo yohle. Ga e šita le kereke ya gagwe ya leina ga e dire. Le a bona? Eupša o dutše botelele go lekanela go hwetša karolo ya Lentšu, gomme ga se a tšee Lentšu lohle.

212 Gomme seo ke se e lego bothata lehono, kgarebe ye e robetšego e dutše botelele go lekanela go hwetša karolo ya Lentšu eupša e sego Lentšu *lohle*. Kereke ya go forwa e dula botelele go lekanela go hwetša karolo ya Lentšu eupša e sego Lentšu *lohle*, gomme ba be ba hlokofetše le go le botegela. Efa o be a forilwe! Beibele e rile, “O be a forilwe.”

213 Adama ga se a forwa. Adama o tsebile tlwa o be a dira phošo; eupša mosadimogatša wa gagwe, a dira dilo tšeo a bego a di dira, a mo phegelela go—go tšeakarolo ya sa go iletšwa. Gobaneng, o be a le monna, le a bona, gomme go—go bile bjalo go yena gore o... Le a kwešiša, le a bona. O tsebile o be a dira phošo, eupša Efa o naganne o be a dira gabotse.

214 Oo, a ga le bone? Ke ka lebaka leo Paulo a rilego mosadi a se tsoge a rera Ebangedi. Uh-hum. O be a—o be a le ka... O bile yena yoo a forilwego. “Ga ke dumelele mosadi go ruta, goba go tšea maatlataolo e ka ba afe, eupša go ikhomolela.” Le a bona? “Gobane—gobane Adama o bopilwe pele, gomme morago Efa. Gomme Adama ga se a forwa, eupša mosadi o forilwe, yena go beng karogong.” O rile, “Go le bjalo, bjale, ga se a lahlega; o tla phološwa go belegeng bana (ge a ne monnamogatša), le go ya pele, o tšwelapele go, tumelo le go hlapologelwa le bokgethwa bjohle ka tše bjalo, o tla swarelwa. Eupša o se tsoge wa dumelela o tee go ruta goba go tšea maatlataolo!” Le a bona? Paulo o rile, “Le se e dire!” O rile, “Bjale, ke nagana ke ne monagano wa Morena,” o boletše.

215 Ba rile, “Gobaneng... Gobaneng, baprofeta godimo fale ba profetile gomme ba re boditše gore re ‘swanetše go rera.’”

216 O rile, “Eng? A Lentšu la Modimo le tšwa go lena, gomme le tšwa go lena le nnoši? Ge motho e ka ba ofe a nagana yenamong go ba wa semoya goba moprofeta, anke a amogele gore se ke se bolelago ke Melao ya Morena.” Le a bona? Go lokile. O tsebile se a bego a bolela ka sona.

217 Eupša o rile, “Ge a hloka tsebo, nno mo lesa a hloke tsebo. Seo ke phetho. A—a ka se O theeletše, nno mo lesa a ye pele, o lebile thwi ka go lokologa tlase mašegerepe. Le a bona, eupša nno ya pele.” Eupša fale, yona meboya ye mebedi.

218 Lebaka. Boka ba ne basadi ka go sephodisa, ntle mekgotheng. Yeo ke kgobošo go folaga ya Amerika, go bea bona bomme ntle fale mo mekgotheng. Gomme masome a dikete a banna ntle le mošomo! Gobaneng, ke setšhaba sa mosadi, ke lefelo la mosadi, mosadi o tla thopa. Ke go rapela mosadi. Ke moya wola wa Katoliki wa thutotaelo, go rapeleng mosadi bakeng sa modimo. Fa go yela fela... E no dula thwi, a ga le bone peakanyo?

219 Ga se gona seo Modimo a ka bego a file motho se sebose sefe go phala mosadimogatša, mosadimogatša wa kgonthe. Eupša ge a hwetša e ka ba eng go feta seo, o—o ka ntle. Seo ke nnete tlwa.

Modimo ga sa nke a beela mosadi go šoma go lefelo lefe le lengwe le go dira yona mehuta ya dilo boka tšeo. Basadi ba, lena le . . . bona ba swanetše go ba le bana le go godiša bana ba bona. Bohle ke bona bareri ba bannyane, yo mongwe le yo mongwe wa bona, eupša ba ne bodiša bja bona beng ka gae le digotlane tša bona, go godiša bana ba bona. Go lokile.

²²⁰ Bjale, meboya ye mebedi, go nyakile go swana. Feela boka Efa, go nyakile go . . . Gobaneng, Sathane, o rile, “Modimo o rile. . .”

“Uh-hum.”

“Modimo o rile. . .”

“Uh-hum, yeo ke nnete.”

“Modimo o rile. . .”

“Uh-huh.”

²²¹ “Modimo o rile, eupša, oo, ka kgonthe O be a ka se re ahlole ge re kolobeditšwe ka leina, ‘Tate, Morwa, Moya wo Mokgethwa.’ A seo se ka se no ba gabotse?” Wena moikaketši wa mahlanjana! Ee, mohlomphegi. Modimo ga sa nke a bolela seo!

²²² Ga go selo se sebjale, go le bjalo. E hwile! Ga go selo se sebjalo! Mpotšeng moo leina la “Tate, Morwa, le Moya wo Mokgethwa” le lego. Ga go leina le lebjalo, gona e hwile! Le tšwa kae? Ka go *Sarede*, ya “go hwa” kereke. Ga go selo se sebjalo! “O ne leina gore o a ‘phela,’ gomme o re o ‘kereke ya Bokriste,’ eupša o hwile!” Yeo ke nnete, ga go selo se sebjalo bjalo ka leina la “Tate, Morwa, Moya wo Mokgethwa.”

“Oo, gabotse, a seo se ka se no ba gabotse?”

²²³ Gomme go ka se, Paulo o rile e ka se; o rile, “A le amogetše Moya wo Mokgethwa ge e sa le le dumela?”

“Ga re tsebe ge eba go ne. . .”

²²⁴ O rile, “Gona le kolobeditšwe bjang?” O rile, “Etle la kolobetšwe gape Leineng la Jesu Kriste!” O rile, “Ge morongwa a etla go tšwa Legodimong, a ruta e ka ba eng gape, anke a be morogakwa!”

²²⁵ Yeo ke Therešo! Ke ne fela boikarabelo bja go E bolela. Le a kwešiša, ga se lena kudu bjalo, ke ditheipi tše tšeo ka gagolago go tšona, le a bona, gobane ke a tseba moo di yago (mogohle), gomme kafao seo ke se se lego. Go lokile. Ga se. . .

²²⁶ Efa o forilwe, o bone karolo ya Lentšu. Moaba o forilwe. Kgarebe ya go robala e forilwe. Kereke e forilwe. Dikereke tša maina di forilwe. Le a bona?

²²⁷ Dulang le Lentšu! Yeo ke tsela e nnoši. Dulang thwi le Lona, le se šuthe go tloga go Lona. Dulang thwi le Lona, eyang pele thwi se Modimo a rilego dirang. Ga go tshwenye se e ka ba mang gape a se bolelago, bolokang methaladi ya Modimo.

228 Bjale, kgarebe ya go robala, o lahlegetšwe ke lefelo la gagwe, re tseba seo. O tla godimo ka kahlong. Gomme ge eba o kile a kwa Therešo, o lahlilwe. Yeo ke nnete. O ka se tsoge wa hwetša Jesu lefelong e ka ba lefe eupša moo o Mo tlogetšego.

229 Judase a ka tla godimo... Elelwang! “‘Dikgarebe tše di robetšego’ o re, ‘di ka be di šušumeditšwe ke diabololo?’” Ka phethagalo! “A sa phela go hlweka?” Ee, mohlomphegi. Judase o dirile; o phološitšwe, o hlatswitšwe, o rerile phodišo Kgethwa, o leleketše bodiabololo ntle. Gobaneng, o no ba thwi go otlologa, go nyakile selo sa go swana seo ka moka ga bona ba bilego. Eupša ge go etla go Pentecost, ke moo a bontšhitšego mebala ya gagwe. Ga se a amogela Moya wo Mokgethwa, gomme o hlanotše direthe tša gagwe le go gana Morena Jesu. Seo ke tlwa se dikereke di se dirilego. Ge go etla go Tšhegofatšo ya Pentecostal, ba ile kgole go tloga go Yona. Oo, a ga le e bone, tlelase?

230 Oo, bjale bošegong bjo Letlapaseapešo le legolo. Eupša fela nakwana, ke nagana re ne nako ye ntši gannyane nthatana fa, ke tla rata go go hwetša dilo tše dingwe gape. Ke nyaka go bo... lena m—m mmaraaka wa sebata. Mmaraka wa sebata, a re tšeeng Kutollo 13, feela motsotso. Kutollo 13:15, gomme fela go bala se... se a yago go se dira. Kutollo 13:15:

Gomme o bile maatla go fa bophelo go seswantšho... (bjale, ke gore, “go tša Protestant dikereke, tša Protestant dikereke.”)

231 O bile le maatla, gobane ba dirile seswantšho: dikereke tša Protestant. Ka kha—kha Khansele ya Dikereke, e dira lefelo moo kopanelo yohle ya Protestant e tla swanela go kopanywa. Ke ba bakae ba tsebago goba ba badilego ka ga moago wo mogolo wa Kopano ba nago le wona bakeng sa dikereke tša lefase? Kgongthe. Le a bona? Godimo ka... godimo fale bjale, fela boka U.N. ditšhaba. Gomme bohle ba bona ba fale, yo mongwe le yo mongwe wa bona, ebile le go Assemblies of God. Ba fale! Ba fale, le a bona. Ke mpšajampša. “Bjalo ka kolobe go leraga la yona, le mpša go mahlatša a yona,” thwi morago selo a go swana (Ka phethagalo!), ba nyakile ba gana kemo ya bona ya boebangedi. Gomme ke lena bao, le nyaka go ba ba bagolo, le nyaka go dira boka lefase ka moka, boka Israele e dirile ge ba bone dikgoši gomme ba rile “re direle kgoši.” Le a bona?

Gomme yena... o dirile seswantšho go sebata, gomme seswantšho sa sebata se swanetše bobedi go bolela, le go dira... ba bantši bjalo ka ge ba sa rapela seswantšho sa sebata...

232 *Seswantšho* sa sebata, “kereke ya leina ya Protestant,” e sego Katoliki. Amerika ye O bolela ka yona fa, le a bona, gobane tema ye ya 13 e ka ga Amerika, sebata seo se rotogago go tšwa... Le a bona, dibata tšohle tše dingwe di tšwile *meetseng*, a rago “leswethe le lešaba la batho.” Eupša sebata fa, se tla godimo

boka kwana, go tšwa mobung moo go sego batho; se bile le dinaka tše pedi, gomme morago se boletše boka terakoni. Gomme ba dirile seswantšho sa sebata seo se bego se le ka Yuropa, gomme ba dirile se godimo fa seswantšho go sona. Mohl- . . . go kopanya dikereke mmogo le go dira kopanelo ye ya Protestant, gomme morago ba gapeleditše dikereke tšohle tše dingwe, gore ebile ba ka se kgone go reka goba go rekiša goba e ka ba eng gape ntle le ge ba na le seswantšho se sa sebata.

233 Bjale šetšang se se diregago fa:

Gomme o dirile bohle, bobedi . . . ba bagolo, bahumi . . . badiidi, balokologi . . . batlengwa, go amogela mmaraka letsogong la bona le letona, goba phatleng ya bona:

Le gore ga go motho a ka go reka goba go rekiša, go fihla a . . . bile le mmaraka, goba leina la sebata, goba palo ya leina la sona.

Fa go bohlale. Anke yoo a nago le kwešišo a bale dipalo tša sebata: gobane ke . . . palo ya motho; gomme palo ya gagwe ke Makgolo a tshela masome a tshela le tshela. (Ye re tsebago yoo ke mang; ke tlhatlamano ya Roma: mopapa.)

234 Ke bile thwi fale le go iponela nnamong, ke tla tseba, godimo ka lefelong la gagwe (terone ya gagwe, bjalo ka ge e bile) boka ba beile Boniface wa pele godimo, wa III, godimo mo mathomong a lebaka la Katoliki fa. Gomme godimo fale ke *Vicarius Fili Dei*, go rago “moemalagato la Morwa wa Modimo.” *Dei, Dei, “Bomodimo,”* le a bona. Le a bona, “Moemalagatong la Morwa wa Modimo.” Ka mantšu a mangwe, “Fela boka Morwa wa Modimo a dutše fale mo lefaseng,” le a bona, “maatla ohle go fetola Beibele,” go fetola e ka ba eng a nyakago. Kagona, “Ereng ‘Dumela Maria’!” Mopapa o reng? “Re tla ba le ‘Dumela Maria’!” Seo se a e ruma. Uh-hum, uh-hum. “Gabotse, re tla dira *bjalolebjalo.*” Se mopapa a se bolelago, ke sona, ke sona. “Moemalagatong sebakeng sa Morwa wa Modimo.”

235 Feela e se kgale ba bile le thutotaelo gore “Maria ga se a bolokwa,” (Gomme ba ne lebitla la gagwe le se sengwe le se sengwe se marakilwe moo a bolokilwego.) ba rile, “Aowa, o tsogile gape gomme a tsoga.” Mopapa o rile, “Yeo ke yona!” gomme yeo e no ba yona. “Ga e palelwe, le a bona,” mopapa o boletše bjalo. Le a bona, “Moemalagatong la Morwa wa Modimo.”

236 Gomme o rile, “Bjale e ka ba mang a nyakago go tseba sebata ke mang, moo maatla a a tšwago gona,” E rile, “bala dipalo fale gomme a a be le bohlale. . .” Fale, yeo ke ye nngwe ya dimpho tša Moya wo Mokgethwa, ke bohlale. Le a bona? Anke yo a nago le bohlale a bale dipalo tša motho, gobane e . . . bala dipalo tša sebata, gobane ke palo ya motho, gomme palo ya gagwe ke makgolotshela le masometshelatshela. Bjale, o tšea . . .

le go peleta leina lela, V-i-c-o, gomme—gomme feela go ya ka mantšu, gomme thala mothalo tlase fa gomme. . . goba hlakanya dipalo tša Seroma, gomme o tla hwetša fa o ne makgolotshela le masometshelatshela. Yeo ke nnete.

²³⁷ “Gomme bjale a re direleng sebata sela seswantšho.” Gomme ka nageng ye ba dirile seswantšho: mohlakanelwa wa dikereke tša maina mmogo, Banikolaite ba etla mmogo le go itira kereke ya leina bonabeng. Gomme mafelelong ba tla kopanya bongwanešu bjo, e sego go tla ka gare bjalo ka Katoliki, eupša ba tla kopana bjalo ka bongwanešu go leka go tomola Bokomonisi.

²³⁸ Gomme Beibele e boletše gore Modimo o tsoitše Bokomonisi go hwetša boitefeletšo godimo ga ditšhaba bakeng sa se ba se dirilego go bana ba Modimo. Yeo ke nnete tlwa. O rile, “Gomme ba—ba—ba fa maatla a bona le se sengwe le se sengwe go sebata lebaka la iri e tee, le go lefeletša batho, ma. . . ka madi ao ba a tšholotšego.” Gomme ge pomo yela ya athomo goba e ka ba eng e lego e tla ratha Vatican City yela, gomme tlhatlamano ya Roma e ka se sa ba gona, E rile, “Gomme ka go yena go hweditšwe madi a mohwelatumelo yo mongwe le yo mongwe yoo a kilego a bolawa ka lefaseng.” Gomme šole fale. Gomme seswatšho go sona sese, mohlakanelwa wa dikereke.

²³⁹ Go ka se be telele go fihla re tla swanela go tswalela ona mabati mošola, yeo ke nnete, goba go tšea mmaraka wa kereke ya leina. Gomme re tla tswalela mabati, yeo ke nnete, re tla. . . re tseba bokaone go feta seo.

²⁴⁰ Bjale, bjale, ke nyaka, feela go karolong ya go pitleleng fase, pele re tloga mo metsotsong e se mekae e latelago. Bjale, *leswao* la Modimo ke “Moya wo Mokgethwa.” Bohle le tseba seo, a ga le? Go lokile, bohle re tseba seo, gore leswao la Modimo ke Moya wo Mokgethwa. Bjale seo se hwetšwa. . . Le tšea Kutollo 9—9:1 go ya go 4, le tla hwetša gore bohle ba bile le leswao phatleng ya bona. Bakorinthe ba Pele 1:22, Paulo o rile, “Ka wona A re swailego ka Moya wa Gagwe wo Mokgethwa go fihla letšatšing. . .” Baefeso 4:30, e re, “Se nyamišeng Moya wo Mokgethwa,” yoo ke Morongwa yola yoo a tlogo a swaya godimo ga phatla ya bona. Bjale, seo ga se re wena. . . O tšea le go bea lefelo godimo fale; phatla ya gago ke kutollo ya gago, le a bona, gomme seatla sa gago ke selo se o se dirago ka yona. Le a bona, ke mmaraka wa semoya. Le a bona? Ga a tšee setempe se segolo le go go tempa ka mokgwa *woo*. Oo, aowa.

²⁴¹ Boka fa mengwaga e se mekae ya go feta ba rile, ge N.R.A. e tlile, e be e le *se*, *seo* goba. . . Le se lebeleleng go seo, e šetše. Beibele e rile e thoma thwi morago fale, e nyakile go fela bjale. Le a bona? Yeo ke nnete.

²⁴² Eupša O marakile Baswaiwa. Le a bona? Bjale, leswao la mathomo le bile bjang—bjang, a le bogegile boka eng? Ba be ba tladišwe ka Moya wo Mokgethwa, yeo ke nnete, gomme mediro

ya bona e be e le mediro ya Kriste. Ba beile diatla go balwetši gomme ba wetšwe ke maruru, ba dirile mehuta yohle ya maswao le mehlolo le matete. Gomme phatleng ya bona, go swailwe ka kutollo gore O be a le Morwa wa Modimo, gomme ba be—ba be ba šoma le Yena (bo—bo Bomodimo bja Kriste), mmara šoo.

²⁴³ Le re, “Gabotse, bjale, ke Yena motho wa boraro, goba wa bobedi mot- . . .” Ga se šo o be le leswao, kafao nno—nno Le tlogela le nnoši. Le a bona, šetše o tšwile, šetše o tlogile lephepheng fale, kafao gona ga go ne selo se sebjalo boka seo ka Beibeleng. “Re šegofatša . . . Re dumela go thirinithi ye kgethwa.” O kgole . . . Ebile ga o godimo go lephephe bjale, le a bona, gobane ga go selo se sebjalo bjalo ka *thirinithi* se kilego sa boelwa ka Beibeleng. Hwetša lentšu *thirinithi* ka Beibeleng gomme o tle.

²⁴⁴ [Ga go selo go theipi—Mor.] . . . ? . . . ka go Morwa, go bitšwago bomorwa; bjale O ka go wena, kolobetšo ya Moya wo Mokgethwa; Modimo wa go swana. Moya wo Mokgethwa o be a le Tate wa Jesu Kriste. “Nakwana ye nnyane gomme lefase le ka se sa Mpona,” go boletše Jesu, “Ke tšwa go Modimo, gomme Ke ya morago go Modimo (Moya wo Mokgethwa gape). Gomme Ke tla ba le lena, ebile ka go lena, go ya bofelong (mo mafetšong). Go kgabola tsela yohle go theoga, Ke tla ba thwi pele ka lena thwi ka mokgwa woo moo . . . Gomme yona mediro yeo Ke e dirago le tla e dira le lena. Dilo tšeo Ke bego ke di dira di tla ba thwi go bapa, tšeo e tla bago leswao la modumedi tsela yohle. Eyang le rere, gomme le ba kolobetše Leineng la Morena Jesu, gomme ba tla tlatšwa ka Moya wa Ka; gomme ge ba le, maswao a a tla ba latela bao ba dumelago, go fihla bofelong bja lefase. Ke na le lena ka mehla, ebile go fihla bofelong bja lefase.” O amogetšwe godimo ka Letagong. Yeo ke yona, gomme re Mo letile go tla letšatši le lengwe. Bjale, leo ke leswao la Modimo, re tseba seo.

²⁴⁵ Gomme elelwang, go ne feela Bajuda ba dikete tše lekgolo le masomenne nne ba ba swailwego, ba bego ba le mašalela a Bajuda a šadišitšwego. Eupša ka go ye, ka go Monyalwa wa Montle, ka go Monyalwa wa Montle, go be go le masome a dikete atiša ka dikete, ya bale bao ba swailwego ka fale, gobane bao ke bona bahwelatumelo le dilo tšeo di tlogo go theoga mabaka fa; ba tla tsoga mo letšatšing la kahlolo.

²⁴⁶ Le nagana go tla direga eng ke kahlolo yela ya maoto a mphiri a ema fale mo letšatšing leo gomme bona bahwelatumelo ba emelela fale pele ga bona Baroma (mohlomongwe Banikolaite morago fale bao ba bilego le bona ba tšhungwa dikoteng le go ba lahlela magolong a ditau le dilo boka tšeo), gomme ba ema fale bjalo ka ramolao wa bona ka go baahl- . . . ka lepokising la baahloledi fa? Gomme Moahlodi a eme fale mo setulong, “A le ba reretše Ebangedi?”

“Ke tswaleletše bophelo bja ka mošola ka leganong la tau bakeng sa bona.”

247 Ooo, ngwanešu! Bolela ka ga “tlogang go Nna,” hele e tla ba go loka kudu go bona! Seo ke nnete tlwa.

248 “Swarelela go tiiša. Ke tseba bona ba ba ipitšago bonabeng. . . (Banikolaite), gomme ba ipitšago bonabeng ‘ba go tlala ka Moya’ gomme ga se bona.” Fale, le a bona, ke lena bao. Oo! A iri ye e tlogo, a nako ya go boifiša. Modimo o tla lefeletša! “Ke tla lefeletša,” go boletše Morena, “Ke tla fa moputso!” Gomme tiro ye nngwe le ye nngwe ye mpe e tla bona ya toka. . . Se sengwe le se sengwe se o kilego wa se dira goba go se nagana mo bophelong bja gago e tla swarwa kgahlanong le wena fale, ka go selo sela se segolo sa makenete le kgopolo ye mpe ye nngwe le ye nngwe yeo e selagantšego monagano wa gago. Sokologang, bana!

249 Go ne tsela e nnoši go tloga kgole le yona, etla ka go Kriste, gomme ge o etla ka lehlakoreng la Gagwe la go ratega la dintho tše tlhano fale, dintho tše tlhano tša go ratega mmeleng wa Gagwe, ge o bona go tšwa madi gola mošola gomme wa iphילה ka go ale, wa re, “Leswika la Mehlang, ga ka loka. Mphihle godimo, Leswika la Mehlang.” Ikwele Moya wo Mokgethwa wo bohlokwa, nno hwa gomme o sesele ka mmeleng wa Kriste; tsoga, go phafogela go dilo tše mpsha, ke lefase le leswa go go dikologa. Dibe tšeo o kilego wa ke wa di rata di ka morago ga gago. Oo, ga se gona sa bokamoso, ga se gona sa bjale, lehu, ga go selo se ka tsogege sa go aroganya le Sela. O swailwe go fihlela letšatši la topollo ya gago, ka Moya wo Mokgethwa. O ne kutollo ya Yo A lego. O a tseba ka pelong ya gago o tšetše go tloga lehung go ya Bophelong.

250 Šetša mediro ya gago ka diatla tša gago gona, le a bona. Ga o sa utswa, ga o sa dira bobo. Diatla tša gago di hlwekile go tloga go madi ohle. Gomme o a ema, wa rera Ebangedi, wa bolela se se lokilego, gomme wa phela se se lokilego, gomme wa dira se se lokilego, gomme Moya wo Mokgethwa ka wena o bontšha maswao le matete letšatši le lengwe le le lengwe; Modimo a go dira o tsebe bjang, “O ngwana wa ka wa go šegofala gomme Ke na le wena, Ke—Ke ne nago thwi. Ga go kgathale moo o lego gona, Ke ne nago. Ke tla ya le wena go kgabola diiri tša leswiswi le mogohle.” Oo, a—a Sekgwaparetšo!

Ke kgwapareditše soulo ya ka go segola sa
Khutšo,
Go se sa sesa mawatle a lebelete gape;
Oo, ledimo le ka gogola godimo ga bja lebelete,
botebo bja go galefa,
Eupša ka go Jesu ke bolokegile go ya go ile.

251 Ebile le lehu le tla le opela go dikologa le lengwe la matšatši a, le fofa boka nosi go dikologa hlogo ya gago ka mkgwa woo, o ka kgona go re, “O lehu, lebole la gago le kae?”

252 Bjalo ka ge Sarah yo monnyane a ngwadile mosong wo mongwe, mosetsana wa ka yo monnyane a dutšego morago fale. O be a tšea dinoutso, yena le mosetsana yo monnyane wa Ngwanešu Collins, ke a dumela, go se ke bego ke eya go se bolela. Kafao ke be ke bala lephepha, mmagwe le nna, gomme o rile, “Puku ya diphetogo.” Amene. O rile. . . Gomme le tseba kanegelo ye nnyane ke e boletšego bofelong ka ga *lehu*, le a tseba. Le e kwele, *go se be le lebola*. Le be le le gona nako yela ge yeo e boletšwe? Le a bona, lehu le kile la ba le lebola ka go lona, eupša ge. . .

253 Sathane o be a se ne kgonthe kudu ge eba Monna yola o be a le Morwa wa Modimo goba aowa. O tla mmona a eme fale ge. . . Sathane o tla go Yena o rile, “Gabotse, ge O ka diragatša mehlolo, ge O le moisa wa go dira mohloho, O Morwa yola wa Modimo. Ke A go botša, go ngwadilwe ka Beibeleng, o a bona, gore. . . Gomme—gomme ge—ge O le, anke ke Go bone o diragatša mohloho. Bjale, O swerwe ke tlala, ga se O je lebaka la matšatši a masomenne, gobaneng O sa tšee letlapa leo gomme wa dira borotho ka lona gomme wa dula fase gomme wa ja? Anke ke Go bone o e dira gomme ke tla dumela O Morwa wa Modimo.”

254 O rile, “Motho ga a phele ka borotho feela, eupša ka Lentšu le lengwe le le lengwe.” Oo, nna! O tsebile ga se a kopana le Moshe fale, a ga se a? Moshe o lahletše melao fase le go e pšhatla; eupša o tsebile o rathile go feta Moshe.

255 Morago o Mo išitše godimo, gomme o rile, “O bona mebušo yohle ya lefase? United States šele, Great Britain šele, ka moka ga yona šele e etla godimo fa mo mengwageng ye e tlogo.” O rile, “Yona wo mongwe le wo mongwe e tla ba wa ka, O tseba seo.” (Ke yoo a e bušago.) O rile, “Ke ya ka gomme ke tla dira ka yona, ke e romela ntsweng, ke dira e ka ba eng ke nyakago ka yona. Ke ya ka.” O rile, “Ke tla Go fa yona ge O ka no nkhumamela.”

256 O rile, “Tloga go Nna, Sathane.” O tsebile O be a eya go ba mojabohwa go yona go le bjalo, mo bofelong, kafao O rile, “Tloga morago ga Ka, Sathane.”

257 Bofelong ge ba Mo katile fase fale letšatši le lengwe, gomme ba—ba tšere lenkgeretla gomme ba le bea go dikologa sefahlego sa Gagwe ka mokgwa *wo*, ke eleletša sekhafo sa kgale sa ditšhila, gomme ba ile. . . ba se gogetše go dikologa hlogo ya Gagwe. Gomme a dutše fale, a dutla madi le go gobala. Mosong, phefo ya go tonya e foka. Ba be ba šetše ba Mo hwiphintše, gomme madi a elela godimo ga magetla a Gagwe, ba lahletše se sengwe go Mo dikologa ka mokgwa *wola*; gomme madi ala a kgorametše mokokotlo wa Gagwe, gomme a dutše fale, gomme mphaphahlogo wa meetlwa o gogetšwe fase godimo ga sefahlego sa Gagwe ka mokgwa *wola*. Gomme madi, le mare go tšwa go mašole, gohlegohle sefahlegong sa Gagwe, a dutše fale. A yeo e be e se ponagalo ya go bonala go tšhoša? (Oo Modimo!)

258 O re, “Gabotse, ge nkabe ke bile fale, ke be nkabe ke dirile se sengwe ka yona.” Gabotse, gobaneng o sa dire se sengwe ka Yona bjale? Gobane ge o . . . O ka be o dirile selo sa go swana seo o se dirago bjale.

259 Šole O be a le, a dutše fale, a kwerwa le go tshwelwa. Barutiwa šebale ba emetše morago, ba re, “Oo, nna, E ka be e le? Monna yola, Yo a kgonnego go bitša monna yo a hwilego go tšwa lebitleng, gomme Mo lebelele fale.” Eupša ba šitilwe go tseba Mangwalo. Ke seo se lego, le a bona.

260 Gomme kafao, madi le mare sefahlegong sa Gagwe. Ba beile lenkgeretla go dikologa mahlo a Gagwe, gomme o rile, “O a tseba, ba a mpošša ‘O bile le go hlatha ga semoya, o a tseba. Yena ke moprofeta, O kgonne go botša batho. O boditše mosadi mo sedibeng ka dibe tša gagwe. Gomme O boditše Simone gore leina la tatagwe e be e le Jonase, le tšohle ka ga yona.’ Anke re Mmone ge a ka kgona, se A ka kgonago go se dira bjale.”

261 Ba rile, “Re tla Mo fa teko ye nnyane.” Yoo e be e le diabolo a šoma ka go bona batho. Ba beile lenkgeretla godimo ga mahlo a Gagwe ka mokgwa *wola*, ba tlile le phata gomme ba Mmetha phogong ka yona, ba re, “Ge O le moporofeta, re botše yo a Go iteilego.” Ebile ga se nke a bula molomo wa Gagwe, O nno dula fale.

262 Sathane o rile, “Le a tseba yoo a ka se be . . . yoo—yoo a ka se be Modimo.”

263 Seo ke selo sa go swana seo kereke ya leina ya kgale e se bolelago lehono, “Sehlopha sela sa bapshikologibakgethwa, seo e ka se be Modimo.” Eupša ga ba tsebe. Ga ba tsebe. “Seo e ka se be Modimo a dira tšona dilo, seo ke go bala monagano. Bona ke—bona ke babolelelamahlatse.” Ba no se E hwetše, ke phetho.

264 Kafao ba thomile—thomile go rotoga thaba, ba bea kobo yela go Mo dikologa. Diaparo di nnoši A kilego a ba le tšona, ke a thanka, ge A be a le motho, Maria le Mareta ba Mo roketše kobo ye nnyane; kobo mogohle, ntle le morumo. Ba e beile godimo ga magetla a Gagwe. Gomme fale go be go le marothorotho a manyane seaparong sa Gagwe ge A rotogela thabeng; a gogobiša, a hlahlaiša sefapano sela sa kgale. Gomme wa Gagwe wo monnyane, mele wa go šokiša o eya pele; gomme bona ba Mo hwiphinya, le se sengwe le se sengwe gape, ba Mo dira go ya pele ka mokgwa woo. Sela sa kgale sefapano, “kgehla-kgehlo,” gomme magetla a Gagwe a fogohla, gomme O be a tla thekesela, gomme O be a tla ya pele.

265 Gomme ona marothorotho a bile a magolo le bogolo, go fihla ka morago ga nakwana ohle a tlile go lerothorotho le letee le legolo. Sathane wa kgale o tla godimo, le a tseba, ka sebopego sa “nosi,” *lehu* lela, le a tseba, gomme o rile, “Aa, aa, aa! Seo? Modimo a ka se dire seo.” O rile, “O no ba motho, O be a itiriša.” O sa nagana seo. “O no be a itiriša, kafao ke tla no Mo tsetsemetša.

Ge nkabe A le Modimo O be a ka se hwe. Kafao ke tla—ke tla Mo tsetsemetša le go bona ka ga yona, ka mokgwa woo. Ke tla—ke tla Mo leka.”

²⁶⁶ Kafao ge A mo hweditše mo sefapanong, o thobile lebola lela ka go Yena; eupša ge a dirile, o lahlegetšwe ke lebola. Yola o be a le go feta motho, o lomile Modimo nako yela!

²⁶⁷ Gomme ke ka lebaka leo a rilego, “O lehu, . . .” ge Paulo . . . Le—le a tseba, nosi ka morago ga ge gatee e lomile go teba, e ka se kgone go loma gape. Nosi e fedile nako yeo. E ka no bobola le go dira lešata, eupša e—e—e ka se kgone go loma, gobane ga e na lebola. Kafao lehu ga le sa ne lebola. Paulo, ge ba be ba aga lefelo go kgaola hlogo ya gagwe, lehu le be le lom- . . . bobola go mo dikologa, o rile, “O lehu, lebola la gago le kae?”

²⁶⁸ Lebitla le rile, “Ke tla go hwetša, Paulo. Ke ya go go metša.” (Ke ile fale moo ba kgaotšego hlogo ya gagwe le go mo lahlela ka go kelelatšhila fale.) Lebitla le rile, “Ke—ke—ke tla senya mmele wa gago, ke tla go bodiša.”

²⁶⁹ Gomme o rile, “Oo—oo, O lebitla, phenyo ya gago e kae?” Le a bona? “Eupša a go lebogwe Modimo Yo a re fago phenyo ka Morena wa rena Jesu Kriste!” Lehu le lahlegetšwe ke lebola go yena. O rile, “Ke hlabane ntwala ye botse, ke feditše mokitimo, ke bolokile Tumelo. Gomme go tloga bjale ke beetšwe mphaphahlogo wa toko woo Morena Moahlodi wa toko a tla mphago mo letšatšing leo. Gomme e sego nna feela, eupša bohle bale ba ratago go bonagala ga Gagwe.” Amene! “Kgaolang bjale ge le nyaka.” Huh! Oo, yeo ke—yeo ke yona. Yeo ke tsela, ngwanešu. Woo ke woo—ke Moya wa Bokriste wa kgonthe.

²⁷⁰ Bjale—bjale, ge o amogela monyetla, o hwetša mmara ka se bataba bjang? Ke tla no rata go bolela se feela gobane ke naganne ke tla tswalela ka go boleleng se. O hwetša mmara ka se bataba bjang? A le ka rata go tseba? Dipelo ke eng? Mmara ka se bataba ke eng?

²⁷¹ Re tseba se leswao la Modimo e lego. Leswao la Modimo ke eng? Gabotse, a no phetlang godimo go Baefeso 4:30, gomme gona—gona le a e hwetša, gona le a e bala lenabeng fale. Goba—goba ba bangwe ba lena ba ka hwetša Kutollo—Kutollo 9:1 go fihla go 4. Gomme le lengwe, Bakorinthe ba Bobedi 1:22. Go ne mafelo a mantši. Ke marakile a se makae. Eupša a re hwetšeng Baefeso 4:30, gomme ka gona le ka bona se leswao la Modimo e lego; le a mangwe a, goba e ka ba kae. Le no tšea lentšu *leswao* ka go pukutlhaloši ya lena, gomme la e kitimiša mogohle le nyakago. Go lokile, Baefeso 4:30, theetšang se:

Gomme se nyamišeng Moya wo mokgethwa wa Modimo, woo le swailwego ka ona go fihlela letšatši la lena la topollo.

²⁷² Leswao la Modimo ke eng? Moya wo Mokgethwa. Kgonthe. Go lokile, bjale, “Yo a se nago Moya wa Modimo ga se wa

Gagwe.” Ge o ne Moya wo Mokgethwa, o karolo ya Modimo gobane o wa Gagwe. O—O go swaile gomme O ka go wena, go šomeng ka go wena, gomme maswao ao A a dirago o a a dira le wena. Bjale, a yo mongwe le yo mongwe o kwešiša seo, lena tlelase? Go tšea Moya wo Mokgethwa go ba wa Modimo; Moya wo Mokgethwa. Gomme ge o le wa Moya wo Mokgethwa, o dira mediro yeo Jesu a e dirilego. Le a bona? Lerato la gago . . .

²⁷³ Ge ona mare sefahlegong sa Gago le go Go betha mogohle ka mokgwa woo, go be go se modu wa kgalako. O ba lebeletše tlase, O rile, “Tate, ba swarele gobane ga ba tsebe se ba se dirago.” Le a bona, ga se ba ke.

²⁷⁴ A le ka eleletša seo? Bana ba Gagwe Mong ba goeletša bakeng sa Madi a Gagwe! Mohlodi wa magodimo le lefase a lekeletše sefapanong seo A se dirilego Yenamong, a se medišitše go tšwa mobung. Gomme bana ba Gagwe Mong! (Nagana ka bana ba lena, botate, bana ba lena beng.) Ba goeletša go Yena, “A A tlošwe! Re fe Baraba, lehodu ntle mošola.”

²⁷⁵ Oo, ke be ke le Baraba yola, ke be ke le yena yoo a swanetšego go hwa gomme O tšere legato la ka. Ka fao Baraba wa kgale a swanetšego go be a ikwetše mosong wola ge mokibo wa tona ya balekgolo e etla go theoga fale, gomme o butše lebati. Gomme Baraba wa kgale a re, “Oo, nna! Feela nthatana gannyane gomme ke tla be ke ile. Ke mmolai, ke nna—ke nna lehodu. Ba ya go mpolaya lehono, ke a tseba ba a ya. Ke letšatši la paseka, kafao ka kgonthe ke—ke . . . ke a tseba ke ya go hwa lehono.” A tšhogile, bošego bjohle, a sepela go dikologa fela boka modiradibe e ka ba ofe yo mongwe. Selo sa pele le a tseba, mohlapetši šo o a tla. O rile, “Oo, oo, šo yena. Ke swanetše go ya, ke swanetše go ya.” Gomme sekgonyo se tsene gomme sa thwatla.

Mohlapetši o eme athenšene, “Etšwa, Baraba!”

“Uh-huh, ee. Ee, ke a tseba ke a ya, ke a ya.”

“Aowa, eya pele gomme o dire se o nyakago go se dira.”

“Eng?”

“Eya o dire se o se nyakago. Eya pele ka ntle, o lokologile.”

²⁷⁶ “Ke lokologile? Gobaneng, le nkahloletše lehu.” Yeo ke nnete, Modimo o ahlolela badiradibe bohle lehu. “O nkahloletše lehu, ke ya go lokologa bjang?”

²⁷⁷ “Etle fa, Baraba. Lebelela, go rotogeng thaba mošola, theetša sefapano sela se gogoba mobung. Ekwa dipikiri ge di rotlelwa diatleng tša Gagwe. Mo lebelele a lla fale, meokgo ya letswai le madi di hlakane go kgabola sefahlego sa Gagwe. O tšere legato la gago, Baraba, O hwile sebakeng sa gago.”

“O ra gore O hwile gore ke lokologe?”

“Ee.”

278 “Gabotse, go lokile, ke tla thoma go bolaya gape gona.” Oo, a wa go se lebogetse; o swanetše go hwa.

Ge—ge ke senka Sefapano sa go makatša,
Go sona Mokgoma wa Letago a hwilego,
Tumo ya ka yohle ke eupša tobo ya lefeela.

Oo, nna! Ga go makatše moreti a rile:

Go pheleng, O nthatile; go hweng, O
mphološitše;

Go bolokweng, O rwaletše dibe tša ka kgole;
Go tsogeng, O lokafaditše ntle le tefo go ya go
ile:

Letšatši le lengwe O etla, oo, letšatši la letago!

279 Nka tsoge ka kgona bjang go Mo gana ge ke bona se A ntiretšego sona? Nka dira bjang? Ke be ke rata go lahlelwa ke mogwera yo mongwe le yo mongwe ke nago lefaseng. Bjang, ge ke . . . ke tla ba komana go ragelwa ntle le mekgatlo le go ragwa gohle, mola se sengwe le se sengwe gape. Ge ke lebelela mošola, ge ke be ke ahloletšwe lehu, gomme O tšere legato la ka! Kgongthe, Morena. Se sengwe le se sengwe, ke bala se sengwe le se sengwe gape tobo ya lefeela. Oo, anke ke gokare Sefapano, O Morena.

Gare ga maswika a phatlogago le mafaufau a
maso

Mophološi wa ka O inamišitše hlogo gomme a
hwa,

Seširo se se bulegilego se utollotše tsela
Go ya mathabong a Legodimo le letšatši la go
se fele.

280 Oo, anke ke—anke ke dule kgauswi ga Gago, Jesu. Se nkgane go tšwa lehlakoreng la Gago la go ratega, go boneng dintho tša Gago tše tlhano di ela madi. O Mokgoma wa Legodimo, kafao A hwilego, o nkhwetše! O hwile gore nke ke . . .

281 Wa go lahlwa . . . diketaneng tša sebe, ka ntlong ya kgolego ya hele, ke lahlilwe, ke ne molato, ke eya go senywa go ya go ile, gomme yo Mongwe o tšere legato la ka. Gomme morago ba . . . Go lema ntle fa ge ke be ke le s- . . . ; e be e ka ba lesomeseswai, bogolo bja mengwaga ye masomepedi, letšatši le lengwe Moya wo Mokgethwa . . . Ke rile, “Gabotse, ke nna mang? Ke tšwa kae? Ke ya kae?”

282 O rile, “O tšere legato la gago, o be o eya *fale*. O tšere legato la gago, Yena šole.”

283 Ke rile, “O Kwana ya Modimo! O Kwana ya Modimo, ke a tla! Ke a tla! Ga go selo seatleng sa ka ke se tlišago, ga ke ne selo go Go neela, Morena, feela gabonolo ke gomarela sefapano sa Gago; ke sohle ke nago.” Gomme O ntšeetše ka gare. O nkapešitše boka tate ka morwa wa lehlaswa, o beile seaparo se seswa godimo ga ka, seaparo ga se sa ka, seaparo sa Gagwe sa toko ya Gagwe O

se beile godimo ga ka; le palamonwana ya lenyalo monwaneng wa ka, gore ke tla ba le Monyalwa letšatšing leo. Bjale namane ye e nonnego e hlabilwe, gomme re a hlalala gobane nkile ka ba mohu gomme bjale ke a phela, ke be ke lahlegile gomme bjale ke hweditšwe.

Mogau wa go makatša! modumo o bose bjang,
Woo o phološitšego leratha boka nna! (Yo mobe
kudu go feta Baraba.)

Nkile ka lahlega, eupša bjale ke hweditšwe,
ke be ke fufetše, eupša bjale ke a bona.

E bile mogau woo o rutilego pelo ya ka go boifa,
E bile mogau o imolotšego dipoifo tša ka;
Mogau wola o bonagetše bohlokwa gakaakang
Iri ya pele ke dumetšego!

Ge re bile fale mengwaga ye dikete tše lesome,
Go phadima go taga bjalo ka letšatši; (Ga go sa
ne dinaledi, Letšatši.)

Re ka se be le matšatši a mannyane go opela
tumišo ya Gagwe

Go phala ge la mathomo re thoma. (Re ka
Gosafelego nako yeo.)

284 Oo, ke rata Jesu bjang, gobane O nthatile pele. Oo, go makatša bjang!

Phetlang le nna bjale go Ekisodo, le tla, tema ya 21.

285 Keletšo ya “Moya” wa Gagwe, bjale re ya go bolela bjale ka ga ka fao o amogelago. . . Ke le bontšhitše, le go le botša dipoelo, “Yena šole.”

286 Bjale, o amogela bjang mmaraaka wa “sebata”? Gomme ke tla le bontšha se tshenyego ya lena e fao. Bjale, mmaraaka wa sebata, Ekisodo tema ya 21. Go e tšea go tšwa go Testamente ya Kgale gore le kgone go bona godimo fa. Gape ka go Testamente ye Mpsha ke ne Mangwalo a mantši a letše fa ao bohle re a tsebago. Bjale a re baleng:

Bjale tše ke dikahlolo tše o tlogo di bea pele ga bona.

Ge o ka reka mohlanka wa Mohebere, (Bjale, elelwang bjale, ke Mohebere, yoo ke modumedi, le a bona.) . . . mohlanka wa Mohebere, o tla hlankela mengwaga ye tshela: gomme ka wa bošupa o tla ya a lokolotšwe ntle le selo.

Ge a tlile a nnoši, o tla sepela a nnoši: ge a be a nyetše, gona mosadi wa gagwe o tla sepela le yena.

Ge mong wa gagwe. . . a mo fa mosadimogatša. . . o mmelegetše barwa le barvedi; mosadimogatša le bana ba gagwe ba tla ba ba mong wa gagwe, gomme o tla sepela. . . a nnoši.

287 Ga ke ye go...ke—ke—ke—ke a tseba nako ya ka e sepetše. Ntshwarele, Ngwanešu Neville, eupša ke—ke swanetše go nweletša se, ngwanešu.

288 Lebelelang fa. Ga se mmago a lego, se tatago a lego, ke wena! E sego mosadimogatša wa gago, le a bona; mosadimogatša wa gagwe ga se a balwe, bana ba gagwe ga se ba balwe. Ke yena! Ga go tshwenye...Mmago a ka no be a be a le mokgethwa, tatago a ka no be a be a le mokgethwa; go bile bjalo ka Esau le tate le mme wa gagwe, eupša o be a le legwaragwara. Le a bona? Eupša o...eupša ke taba ya motho ka motho le *wena*.

289 O re, “Tate wa ka ke moreri.” Seo ga se ne selo go dira le wena. “Mme wa ka ke mosadi wa bomodimo. Oo, o Legodimong.” Seo se ka no ba nnete, eupša go reng ka wena? Ke wena!

Gomme ge mohlanka...

290 Bjale, fa ke moo a...Bjale šetšang mmaraka wo wa sebata bjale. Bjale, ga—ga ke ne nako go ya morago ka lenaneo, gobane ke metsotso ye masomepedi go fihla. Eupša ke nyaka go le botša.

291 Bjale, go tla nako yeo e bego e bitšwa ngwaga wa bošupa wo mongwe le wo mongwe. Yeo e be e le mengwaga ye tshela. Mo ngwageng wa bošupa (Baithuti ba Beibele, badiredi, le dilo di dutše go dikologa fa, ba tseba se go beng therešo.) o be o bitšwa...ngwaga wa bošupa o be o bitšwa ngwaga wa mogobo; se sengwe le se sengwe se khutšitše. Ga go dibjalwa tšeo di bjalwago ngwageng wa bošupa, naga e khutšitše, se sengwe le se sengwe. Ba nno budutša, le a bona. Se sengwe le se sengwe se khutšitše mo ngwageng wa bošupa. Gomme mo ngwageng wa bošupa go be go le mo—mo moprista yoo a leditšego phalafala. Gomme ge monna a be a le lekgoba, ga ke kgathale sekoloto sa gagwe e be e le eng, o be a lokologile.

292 Bjale, seo ke sekai sa Phalafala ya Ebangedi. O ka no be o hlanketše diabololo mengwaga ye yohle, ka ditlemong, ka go nwa, go kgoga, go kempola, le sebe, dilo tša ditšhila, ga go kgathale se o se dirilego, eupša ge o ekwa Phalafala ya Ebangedi e letšwa, ke leswao gore o ka ikela o lokologile. O ka ikela! “Tumelo e tla ka, [Phuthego e re, “Go kwa.”—Mor.] go kwa, Lentšu la Modimo.” Bjale o kwele Ebangedi ya go tlala, ga se o swanele go dula o tlenngwe gape.

293 Bjale, ge o no dula gomme wa re, “Oo, ke E theeditše, eupša ga se ke E kwe.” Le a bona? Go lokile, gona Yona ga se ya gago. Huh-uh. Ke ya bale ba E kwago. Go lokile, ge o ka kgona go kwa.

294 Bjale šetša se A se boletšego fa. Bjale go netefatša se, bjale šetšang sekgauswi ka kgonthe gomme le išeng pele go nagana ga lena bjale lebaka la metsotso ye mebedi goba ye meraro ya go latela.

Gomme ge mohlanka (Ke monna yoo a bego a—a tla lokollwago.) a ka bolela phatlalatša, ke rata mong wa ka, . . .

295 “Oo, ke rata go ya ditansing. Ga ke tlogele ditansi tša ka bakeng sa motho. Ga ke tlogele *se, seo, goba se sengwe*, bakeng sa motho; mosadimogatša wa ka, bana ba ka, dilo tša lefase le tšeo ke di ratago. Bjale, lebelela fa, Ngwanešu Branham, ke ya go go botša, o ra gore ke swanetše go . . .?” Ga se wa swanela go emiša selo. O no tla ka gare, e a ikemiša yonamong. Eupša—eupša o re, “Gabotse, nka se dire seo. Ga ka swanela go dira seo, ke nna wa kereke gomme ke no ba gabotse bjalo ka wena goba e ka ba mang gape.” Go lokile, ngwanešu. Seo sohle se lokile, o kwa se e lego Therešo. “Gabotse, bjale, theetša fa, ga se ‘Tate, Morwa, Moya wo Mokgethwa’ . . .?” Gabotse, ge o nyaka go swarelela go seo, nno ya pele thwi.

296 O kwele se Phalafala e se galagaletšego, gomme o kwele nnouto E e fago. Gomme Beibele e rile . . . (O Modimo!) Lebelela seo! A seo se ka se ntirele sehlogo gonabjale lebaka la iri ye e latelago? “Ge phalafala e e fa segolo sa go se hlake.” Ge kereke ya gago ya leina e re “Tate, Morwa, le Moya wo Mokgethwa,” seo ga se kwagale boka Phalafala. “Ge phalafala e efa segalo sa go se hlake, ke mang a tla itokišetšago ntwā yenamong?”

. . . mohlanka o tla bolela phatlalatša, ke rata mong wa ka, . . .

297 “Ke—ke rata diabolō yoo—yoo a ntirišago go dira dilo tše, seo se lokile. Gomme ga ke nagane . . . ke nagana o no ba o le monagano wa go notlega godimo fale—fale. Ke no nagana o monagano wa go notlega.” Go lokile. “Ke rata dilo. Ke— ke nagana re swanetše go ba le dilo tše kgolo tše boka *se*, le go dira *se*, lefase . . . Gomme re ne ditansi, re ne panko ka kerekeng ya rena, le dilo boka tšeo, gomme bohle re a ipshina, gomme ba no ba gabotse bjalo ka e ka ba bafe ba sehlopha o nago sona godimo fale.” Gabotse, go lokile. Go lokile.

. . . gomme nka se ye ntle ka go tokologo ye ya Moya o bolelago ka yona:

Gona mong wa gagwe (diabolō) o tla mo tliša go baahlodi; gomme gagwe a mo tliša lebating, . . .

298 Mmm! Eng? Ke mang Lebati? [Phuthego e re, “Jesu Kriste.”—Mor.] “Ke beile pele ga gago Lebati.” Mmaraka wola wa sebata o tlile neng? Mo lebakeng le ge Lebati le beilwe. Wo mmār- . . . go maraka ga mafelelo ga sebata.

. . . mo tliša lebating, goba go ko . . . kota; (yeo ke kha—kha Khalibari, go lokile) . . . gomme mong wa gagwe o tla thula tsebe ya gagwe . . . o tla thula tsebe ya gagwe ka tšhuduba; gomme o tla mo hlankela go ya go ile.

299 “O ra go reng, Ngwanešu Branham?” Ge o ekwa Therešo ya Ebangedi gomme wa gana go sepela go Yona, gona Modimo o maraka tsebe ya gago moo o ka se tsogege wa E kwa gape. O tshetše mothaladi wa Bophelo le lehu. Gona o tla ya pele le mokgatlo wa gago, kereke ya leina, ka moka bja gago bo- . . . matsatši, go ya go ile. (Sepelang Seetšeng, bana, Yeo ke nnete.) O tla hlankela mong yola go ya go ile.

300 Anke e . . . Ga o nyake go . . . Le a bona, Phalafala e leditšwe gomme a ka ikela a lokologile, ke mogau wa Modimo. Ke ngwaga wa mogobo, pheletšo. Letšatši la sebe le fedile, ngwanešu. Ke botša yo mongwe le yo mongwe wa lena a hlankelago sebe (theipi, goba bathheetšhi ba go bonwa), lena le . . . yo mongwe le yo mongwe yoo a hlankelago sebe, letšatši la sebe le fedile! Jesu o hwile, ga se wa swanela go hlankela sebe gape. Ga se wa swanelwa go inamišwa fase go dithutotumelo le dikereke tša maina. “Yoo Morwa a mo lokolotšego o lokologile ka nnete.” Ge o nyaka go lokologa le go lokologa ka go Morwa, tlemologa go tloga go dilo tšohle gomme o hlankela Yena, etla pele!

301 Eupša ge o sa nyake, gona mokgatlo wa gago, mong wa gago, e ka ba mang o mo hlankelago, o tla bea mmaraka tsebeng ya gago gomme o ka se kgone go E kwa gape. Ge Modimo a ka tsoge a bolela le pelo ya gago go “Tla, ye ke nako,” gomme go E gana, gona o amogela mmaraka wa gagwe, o thatafetše go tloga go Therešo. Šeleo leswao la diabololo, mmaraka wa sebata. Le a bona? Mmaraka wa sebata o dira eng? O ya go go bea morago thwi go Boroma, bokereke, gomme o ka se tsoge wa tsena le go lokologa; hlankela yola go ya go ile. Šoo mmaraka wa sebata.

302 Yeo e boima, bagwera, yeo e a sega, eupša seo ke se . . . ga ke ne boikarabelo go . . . feela se Beibele e se bolelago.

303 Bjale, seo e be e le sekai ka go Testamente ya Kgale yeo e bontšhitšegopele go kweng ga Ebangedi ya ditaba tše botse gore “O lokologile!” Ga se wa swanelwa go tlemelelwa fase gape, ka phethagalo o lokologile ka go Kriste Jesu. Ga go sa na dibe le dilo. Ga o . . .

304 Wena o ratago lefase, Beibele e rile, “Ge o rata lefase goba dilo tša lefase, lerato la Modimo ebile ga le go ka go wena.” Yeo therešo? Ge o rata lefase goba dilo tša lefase, lerato la Modimo ga le go ka go wena. Gona go reng ka dilo tšela tše kgolo tšohle tšeo di kगतlampanago ka lefaseng lehono ka tlase ga bodumedi? Dilo tša lefase! Gomme batho ba no e galampelela tlase boka kolobe ka hokong ya kolobe, le a bona, “Oo, ye e lokile. Ga go selo ka ga Yeo!” Le a bona, ba swailwe le go marakiwa. Le a bona?

305 Bjale a le kwešiša se mašalela a Bajuda e lego, ba dikete tše lekgolo le masomenne nne? Moo ba dutšego, ba letile? Thwi mo iring. A le kgona go bona bjale gore kgarebe ya setlaela yeo e ka se tšee go . . . e ka se tšee Oli, gomme e tla swanela go tsoaga le go aroganywa, dinnete le diphošo mo letšatšing la kahlolo? A

le a kwešiša gore ge kga—kga kgarebe ya setlaela e thoma go amogela, feela boka bjale, gore o hlokile Ye, O ile ka morago ga Yona; e be e le wona motsotso woo Monyadi a tlilego?

306 Gona re kgauswi gakaakang? Gonabjale! Bjale re ne feela nako e kopana, ga ke tsebe bontši botelele gakaakang e tla bago. Nka se bolele neng, ga—ga ke tsebe. E ka no ba ngwaga wo mongwe, e ka no ba mengwaga ye mengwe ye lesome, mengwaga ye masomenne, e ka ba metsotso ye masomenne. Ga—ga ke tsebe, nka se kgone go bolela. Eupša ke a tseba go kgauswi, go kgauswi ka kgonthe. Gomme Moya wa Morena . . .

307 Bjale, go tla tla mo nakong moo, selo sa pele o a tseba, kereke e tla no thoma go fola. Bjale, ke batho ba bakae bao—bao ba lemogilego go fola ga kereke mo mengwageng e se mekae ya go feta? Kgonthe. E ya ka go eng? Laodikia. Moo, re tla topa bošegong bjo le go tliša morongwa wa kereke ya Laodikia, go e tliša ntle fale gore le kgone go e bona, le go bona Molaetša wa gagwe le se O tla bago, gomme mo bofelong bja Lebaka la Kereke ya Laodikia ge le lepelelela godimo le go phatlalatša ka go Bokagosafelego nako yeo.

308 Oo, ke no Mo rata. A ga le? Ee, mohlomphegi. Oo, le . . . Ke eng le—ke eng Leswao la Modimo? Moya wo Mokgethwa. Mmaraka wa sebata ke eng? Go O gana. Tšeo ke tše pedi. E tee ke go bona, gomme . . .

309 Gabotse bona ba . . . Gomme ke ba bakae bao ba sa nkago ba O amogela? “Bohle bao ba bego ba se ba swaiwa ba tšere mmaraka wa sebata.” Bohle, ba sa bago le Moya wa Modimo, ba bile le mmaraka wa sebata. Leswao la Modimo ke Moya wo Mokgethwa. Beibele e boletše bjalo. Lefelo le lengwe le le lengwe ka Lengwalong le bolela ka Ona, le re Ona ke mmaraka wa Modimo, “leswao la Modimo.” Gomme bohle ba sa bago le Ona, ke bona ba O gannego. Gomme ba O ganne bjang? Ka go gana go O kwa. A yeo ke nnete?

310 Bjale elelwang, o hwetša tumelo bjang? “Go kwa.” E marakilwe kae? Mo seatleng? Aowa. Mo hlogong? Aowa. Mo tsebeng, le a bona. Mo *tsebeng*, “go kwa.” E dirile eng? Pherišitše go kwa godimo. “Gomme go se sa,” o re, “go se go Woo go nna. Ga ke nyake selo gape go dira le Ona. Ga ke nyake selo go dira le Woo.” Go no ba boka bona . . .

311 Ngwanešu Neville, ke—ke—ke tla—ke tla no lesa seo go sepela go fihla ye nngwe . . .

312 Ke be ke eya go le botša ka ga “go se kgonagale go bona ba kilego ba bonegelwa,” le a bona, “go tla go—go tla ka Mmušong,” le a bona. Ba bjalo ka bona badumedi ba mollwaneng:

Lebelelang, *ga go kgonagale go bale ba kilego ba bonegelwa, . . . ba dirilwego batšeakarolo ba Moya wo Mokgethwa,*

. . . latswitšego maatla a lefase—lefase le le tlogo,

Ge bona ba ka wa, go ba mpshafatša bonabeng gape go tshokologo; go boneng gore ba tla bapola go bonabeng Morwa wa Modimo. . . le go mo tliša go kgobogo ya phatlalatša.

gomme. . . go bala madi a kgwerano, ao a hlwekišitšwego ka ona, selo e sego se sekgethwa, . . .

313 Le a bona, go Mokgethiwa go dira seo, ka phethagalo, ga go kgonege ka go felela. A ka se kgone go e dira, le a bona. Gobane o tla dira eng? Le a bona? “Eupša go sema Madi a Kgwerano. . .” Bjale, le a bona, ge a kgethilwe gomme ka sehlopheng, a ka se e dire. Ga go kgonagale go yena go e dira.

314 Bjale, re tšere, go e thula thwi tlase:

. . . gobane pula . . . e tla gantši godimo ga lefase, go le nošetša. . .

. . . gomme mebethwa le ditšhašo tše. . . di hleng le go ganwa; bofelo bja tšona e lego go tšhungwa. (Korong e tla išwa Gae ka Sešegong.)

315 Eupša pula ye ya go fa bophelo e nela bobedi ngwang le korong. Bobedi bja tšona di a hlalala le go ikwela ka tsela ya go swana ka ga yona ge pu. . . thakgala go bona pula e etla. Eupša le tla ba tseba ke dikenywa tša bona, ge eba ba ne dikenywa tša ngwang goba dikenywa tša lebele (bjale, la korong).

316 Bjale, sese se se e dirago. Bjale go bontšha moo mothalo wa mollwane, moo ye. . . ke leka go tliša *kgarebe* ye godimo go lena, le a bona, gore le tle—le tle le kwešiše. Bjale ka go modumedi wa mothalomollwane, šetšang se se diregago ge ba etla Kadese barnea, bana ba Israele. Ke sa tšwa go no e tšea morago le pele ka go Genesi, le morago le pele go Ekisodo, le mogohle gape, go leka go e kaya go lena, le a bona, gore tlelase e se hlawe ke yona.

317 Bjale, ge batho ba ka—ka go ye. . . ka go khudugo, ge ba etla Kadese barnea. Kadese barnea e be e le setulo sa kahlolo sa lefase, mo nakong yeo. Fao ke moo Israele e amogetšego setulo sa yona sa kahlolo. Seo ba bego ba sa tšo. . . E be e no ba matšatši a lesometee go tloga thabeng moo ba amogetšego melao go fihla ba gitla kahlolo, “leeto la matšatši a lesometee ka lešing la lewatle,” Beibele e boletše. Leeto la matšatši a lesometee, gomme ba tlile Kadese gomme fao ba ahlotšwe. Ka morago ga ge Modimo a ka be a ba tšeetše ka kua, mo matšatšing e ka ba a mane, ba ile thwi morago godimo fa ka lešokeng fale gomme ba tsekelela tikologong; gomme ba hweditše me—me melao le dilo boka tšeo, gomme ba tla morago, le ka fao, se se diregilego. Morago ba tla godimo fa. . . Gomme matšatši a lesometee go tloga fao, ba tla kahlolong ya bona kua Kadese barnea.

318 Go diregile eng? O tšere o tee wa leloko le lengwe le le lengwe gomme o rile, “Eyang godimo gomme le hlole naga, gomme le

bone ke mohuta ofe wa nago e lego.” Gabotse, bohle ba ile ka kua le go lebelela.

319 Ba babedi ba bona ba ile ka gare gomme ba hweditše mokgotho wo mogolo wa diterebe. Oo, mokgotho wo mogolo, go tšere banna ba babedi go o rwala.

320 Bjale, ba dirile eng ge ba bowa morago gomme ba bone ke mohuta ofe wa naga e bego e le? Ba bone ba—ba—ba Baamoro le ba—le ba—ba bangwe ba go fapana ka fale, gomme ba rile, “Gobaneng, bona ke ditšitširipa!” (Bao e be e le, nneteng, barwa ba Kaine bao mafelelong ba tlilego godimo fale ka nageng yela—yela.) O rile, “Bona ke—bona ke—bona ke ditšitširipa!” Gomme o rile, “Rena re—rena re—rena ga re kgone go—go e tšea. Dinaga tša bona—tša bona—tša bona—tša bona tšohle di tswaleletšwe, gomme maboto a magologolo. Gomme, gobaneng, re bonala boka ditšie, lehlakoreng la bona.”

321 Ba dirile eng? Gobaneng, ka phethago ba be—ba be ba bone naga. Ba latswitše kenywa ya yona. Le a bona, Kalebe le Joshua ba ile godimo gomme ba hweditše—ba hweditše bohlatse gomme ba bo tlišitše morago, ba bile le bjona magetleng a bona. Ba latswitše kenywa! Yeo ke nnete. Ga sa nke ba ke ba ba mošola fale, eupša Kalebe le Joshua ba ile mošola, ba tlišitše bohlatse morago. Kalebe le Joshua ba rile, “Re kgona go e tšea!” Le a bona? Gobaneng? Gobane Kalebe le Joshua ba be ba lebeletše Lentšu.

322 Modimo o rile, “Naga ke ya lena. Yohle e tletše ka Baamoro le Bahefe le mohuta ohle wa -hlobo godimo fale, eupša” o rile “ke ya lena. Gomme lefelo le lengwe le le lengwe le beago leoto la lena, Ke tla le fa yona.” Yeo ke nnete. “Nno tšwelangpele go sepela, le a bona, ke ya lena.”

323 Eupša ba rile, “Oo, aowa! Re ka se kgone go ba le tsošetšo boka yeo. Oo! Oo, oo, gobaneng, le a tseba ke eng? Mopišopomogolo, goba pišopo, goba mookamedi, goba yo mongwe o tla tlase gomme go re ragetše ntle bohle.” Huh! Eyang pele, yeo ke nnete, re tla ba le yona.

324 Bjale, gomme gona ba babedi ba ba boile morago fale gomme ba rile, “Re ka godimo ga go kgona go e tšea, gobane Modimo o boletše bjalo! A re yeng ro e tšea!”

325 Eupša, le a bona, badumedi ba ba mothalomollwane, ba tla bokgole go lekanela go—go E latswa. “E latswega bose, ee. Eupša, oo, re ka se kgone go e dira.”

326 Bjale, seo ke eng? Modumedi šo lehono. Bjale, šetšang moisa yo thwi *fa*. Modimo o mo fa pitšo. Uh-huh. Go lokile, bjale o a phološwa. Mmagwe o hlatswa godimo ga basepolanka, gomme o mo romela kgole go kholetše tsoko go hwetša thuto ya gagwe a rere bjang. Gabotse, o tla ntle fale, o sa nagana o . . . nako le nako o bona mosadi yoo a aperego bohlaswa, seo se dira . . . se a mo ripaganya; nako le nako o—o nkgelela sekerete, o no se kgone

go tlogela go kgoga se tee. O a tseba seo ke phošo. Ga a nyake go dira seo. Kafao o re, “Morena, ntlhwekiše, tloša selo seo go nna.”

327 Modimo o rile, “Go lokile, Ke go direla seo, morwa, go se tloša sohle go wena.”

328 Bošego bjo bongwe o thekeselela ka go mišene wo monnyane felotsoko, gomme o kwa kolobetšo ya Moya wo Mokgethwa. O rile, “Ere!”

329 O ile godimo go kgato ya gagwe ya mathomo, tokafalo; o ile go kgato ya bobedi, tlhwekišo; bjale o komana bakeng sa Kolobetšo. Le a bona: tee, pedi, tharo. O komana bakeng sa Kolobetšo. Ge a fihla godimo fale, o bala fase ka Beibeleng, o rile, “Seo ke tlwa se ba se dirilego. Ya, seo ke tlwa. Kolobetšo yela Leineng la Jesu, seo ke se ba se dirilego. Yeo ke nnete. O boletše go ‘bala seo gape,’ ke e badile yohle go kgabola Beibele gomme o nnete tlwa go Seo.”

“Pišopo, wena o dirang. . .”

“Ga go selo sa ditšiebadimo tšeo!”

“Oo, ke a bona.”

330 “Ba ne Moya wo Mokgethwa, ba boletše ka maleme, ba dirile dilo tše, ba fodišitše balwetši. Oo, ya, yeo ke tlwa.” O be a lebeletše godimo, le a bona, yena a lebeletše nagamollwane.

331 “Oo, ge nka ruta Woo ka kerekeng ya ka. . .Oo! Ke nna Mopresbyterian, Momethodist, Mobap-. . .le a tseba. Oo, pišopo o tla nthakela ntle. Gabotse, re no se kgone go dira seo. Re ka se kgone go ba le kopano boka yeo ka kerekeng ya rena, yo mongwe le yo mongwe wa bona o tla emelela gomme a sepelela ntle.”

332 “Yoo a kilego a bonegetšwa, gomme a latswa Dimpho tša legodimong, ge a ka wa go tloga go mosepelo wola a o tšerego, go boela morago go impshafatša yenamong gape go tshokologo gobane go dirile sebe kgahlanong le Modimo. . .” Sebe ke eng—ke eng? Gosedumele! O dirile sebe kgahlanong le Modimo. Gomme o dirile eng? O semile Kgwerano, yeo ka yona a hlwekišitšwego, o ka re E be e le selo sa gosehlweke, gomme o dirile go nyatša mediro ya mogau yeo e mo tlišitšego fale. Ga go sa na sehlabelo go yena, eupša tebelelo ya go boifiša bakeng sa kahlolo ye bogale le kgalefo yeo e tla go ja lenaba. “Gobane tefetšo ke ya Ka,” go boletše Morena.

333 “Gobane Lentšu la Modimo le bogale, le maatla go feta tšhoša ya magalemabedi, le sega ebile go aroganya lerapo, le mohlathi wa dikgopolo le maikaelelo a monagano.” Ke lena bao, ke lena bao. Ge le bona Seetša, sepelang ka go Sona! Sepelang! Ga le tsebe moo le yago, eupša tšwelangpele le sepela. Le sepela go lebanya Khalibari, le bolokile molebelelo wa go seka go Khalibari. Le sepela! Le sepela!

334 O, Modimo, anke letšatši le lengwe. . . Kereke, e lego sekai sa Henoge. Mengwaga ye makgolo tlhano o sepetše pele ga Modimo.

A sepela! A sepela Seetšeng, ka bopaki gore “Se sengwe le se sengwe Modimo a se boletšego, o se dirile.” Ga se a Mo nyamiše. Se Morena a rilego dira, Henoge o se dirile. Bjale, o be a le sekai, e lelwang. Areka ke sekai sa Bajuda, ba dikete tše lekgolo le masomenne nne bao ba tšeetšwego godimo, e lego Noage le sehlopha sa gagwe; eupša Henoge o ile Gae feela gannyane nthatana pele ga lefula. Le tseba seo. Kafao Henoge o nno tšwelapele a sepela Seetšeng. Kafao letšatši le lengwe o ikwetše maoto a gagwe a tloga mobung, o nno tšwelapele go sepela, gomme o sepeletše pele ka Letagong ntle ebile le go hwa. Yeo ke nnete. Modimo o mo tšere gobane o be a sepela ka Seetšeng, ka bopaki gore “o sepetše ka Seetšeng sa Modimo.” O tšwetšepele a sepela, a sepela.

335 Anke re rwaleng dieta tša rena tša go sepela, Kereke:

Tšwelapele go sepela Seetšeng, Seetša se sebotse,
Go tšwa moo marothi a phoka ya kgaogelo a kganyago;
Phadima ka moka go re dikologa mosegare le bošego,
Jesu, Seetša sa lefase.

A re e opeleng bjale:

Re tla sepela Seetšeng, Seetša se sebotse,
Oo, go tšwa moo marothi a phoka ya kgaogelo a kganyago;
Phadima ka moka go re dikologa mosegare le bošego,
Jesu, Seetša sa lefase.

Lena bohle bakgethwa ba Seetša kwalakwatšang,
Jesu, Seetša sa lefase;
Gona dipele tša Legodimo di tla lla,
Jesu, Seetša sa lefase.

Re tla sepela Seetšeng, Seetša se sebotse bjalo,
Oo, go tšwa moo marothi a phoka ya kgaogelo a kganyago;
Phadima ka moka go re dikologa mosegare le bošego,
Oo Jesu, Seetša sa lefase.

336 A re inamišeng dihlogo tša rena, gomme feela—feela nakwana bjale. Ke a makala ge eba go ne ba bangwe ka fa ba ka ratago go ba le boitemogelo bja go tlatšwa ka Moya wo Mokgethwa, a re, “Nkgopole, Ngwanešu Branham. Nkgopole, kereke. Ke nyaka go sepela Seetšeng. Ke nyaka bobose bjoo, e sego modu wa kgalako ka go nna, ke nyaka go no ba mohlanka wa Modimo.” Phagamiša seatla sa gago, o re, “Nkgopole, O Morena.” Ya, diatla tše masomepedi goba bontši, di godimo.

³³⁷ Bjale nno tšwelangpele dihlogo tša lena di iname ge re opela koša gaboleta mmogo:

O Jesu, Seetša sa lefase.
 Re tla sepela Seetšeng se, ke Seetša se sebotse
 bjalo,
 Se tšwa fao marothodi a phoka ya mogau a
 tagilego;
 Phadima ka moka go re dikologa mosegare le
 bošego,
 Jesu, Seetša sa lefase.

Tlang, lena bohle bakgethwa ba Seetša,
 kwalakwatšang,
 O Jesu, ke Yena Seetša sa lefase;
 Gona dipele tša Legodimo di tla lla,
 O Jesu, ke Yena Seetša sa lefase.

Oo, re tla sepela ka Seetšeng se, ke Seetša se
 sebotse,
 Se tšwa moo marothodi a phoka ya mogau a
 tagilego;
 Phadima ka moka go re dikologa mosegare le
 bošego,
 O Jesu, Seetša sa lefase.

³³⁸ [Ngwanešu Branham o thoma go hama *Jesu, Seetša Sa Lefase—Mor.*] Morena Jesu, ge ba sa hama koša ye, go nyaka go sepela Seetšeng sa Ebangedi, tšea dipelo tšela tše bohlokwa, Morena. Ke ba Gago, ba hlwekiše, tloša bobe bjohle, gosedumele gohle, anke Jesu Seetša sa lefase a tle ka gare. Disakatuku di letše fa, Morena, bakeng sa balwetši le batlaišwa. E tla go bona, Morena Jesu, gomme o ba fodiše gore ba kgone go sepela Seetšeng. E fe, Morena.

³³⁹ Re nyaka Wena bakeng sa thuto ya rena, bakeng sa Bogona bja Moya wo Mokgethwa, o bile le rena fa le go re boloka, diiri, re dutše fa. Batho ba dutše ka kamoreng ye ya go fiša, ba letile. Ba letetše le go leta le go makala, Morena. Gobane ba a lemoga, ge ba ekwa Lentšu le balwa, gore re bofelong bja nako. Ga se gona se šetšego, feela mothantshelo wa lefase. Gomme le lengwe la matsatši a dikekišo di tla swanela go fela.

³⁴⁰ Gomme ke a rapela, Modimo, gore O tla phološa motho yo mongwe le yo mongwe yoo a lego Bagoneng bjo Bokgethwa, ba phološe ka Moya wa Gago. Gomme anke Moya wo Mokgethwa o tle godimo ga yo mongwe le yo mongwe wa bona gomme o tlatše dipelo tša bona ka bobotse le khutšo, gore ba tla enywa kenywa ya Moya, e lego, kgotlelelo, bonolo, khutšo, go pelofala, boikokobetšo, tumelo, ka go Moya wo Mokgethwa. E fe, Morena. Ke tla ba gafela go Wena bjale bakeng sa tirelo ya Gago, Leineng la Jesu Kriste, Morwa wa Gago. Amene.

Re tla sepela Seetšeng, . . . (A re phagamišeng
 diatla tša rena ge re opela.) . . . Seetša se
 sebotse,
 Go tšwa mo marothi a phoka a kgaogelo a
 kganyago;
 Phadima ka moka go re dikologa mosegare le
 bošego,
 O Jesu, Seetša sa lefase.
 Ke a Mo rata, ke a Mo rata
 Gobane O nthatile pele
 Gomme a lefela phološo ya ka
 Godimo ga mohlare wa Khalibari.

341 Oo, a ga A makatše? Re tla ba le tirelo ya kolobetšo lebaka
 la e ka ba metsotso ye lesome bjale, lesometlhano, e ka ba
 eng. Fale. . . Ke nagana go ne mohumagadi yo moswa fa go
 kolobetšwa. A yeo ke nnete? [Ngwanešu Neville o re, “Go ne ba
 bantši.”—Mor.] Go lokile, ke ba ba kae go kolobetšwa mosong wo
 ba ba ka se kgonego go tla morago bošegong bjo bakeng sa tirelo
 ya kolobetšo mantšiboeng a? Tee, pedi, tharo, ba bararo bao ba
 ka se kgonego go tla morago ga sekgalela se goba pele ga tirelo
 ya mantšiboa go kolobetšwa Leineng la Jesu Kriste. Modimo a le
 šegofatšeng, bana. Ke thakgetše gore Modimo o beile pele ga rena
 Lemati le le butšwego. Gomme le komana go sepelela ka gare
 bjale, le ya ka lebitleng, gore dilo tšohle tša kgale di hwile gomme
 di bolokilwe. Bjale, elelwang, kolobetšo ya lena ke tlhagišo ya ka
 ntle gore se sengwe se diregile tlase *fa*.

Gomme gona re tla sepela Seetšeng se, (go beng
 komana) Seetša se sebotse,
 Oo, phadima gohle go re dikologa mo
 mosegareng le mo bošegong,
 O Jesu, Seetša sa lefase.

342 Oo, kopanelo ye kgolo ye! A ga le ikwele gabotse? Oo, ke no
 ikwela gabotse. Go bonala eke se sengwe ke bego ke le ka go
 sona, ye nngwe ya diporaše tša kgale tša go gohla, gomme le nno
 nkgohla ka sesepe sa mosehlo.

343 Ngwanešu wa ka o rile mohlomongwe lena bohle ba le
 nyakago go kolobetšwa mosong wo, ebang komana. Disutu le
 dilo di tla koloba bošegong bjo, eupša go lokile ge le nyaka
 go dira seo. Eupša ge le le komana go kolobetšwa mosong wo,
 go lokile.

344 Ke a dumela re tla swanela go šuthiša se, a re ka se,
 Ngwanešu Neville? Go lokile, mohlomphegi. Bjale, ke ba ba kae
 ba nyakago go šala le go bona go kolobetša? Nno tšeang metsotso
 e se mekae gomme, nna, mohlomongwe ga se nke wa ke wa bona e
 tee e eya pele. Ge o ka se kgone go šala, gabotse, gona eba kgonthe
 go ba morago bošegong bjo. Eupša ke duma le ka kgona, gomme
 la šala metsotso e se mekae go bogela tirelo ya kolobetšo. Re tla

šuthiša se gomme go ne galase ye kgolo godimo ka morago fa yeo e bontšhago motho yo mongwe le yo mongwe a eya ka gare. E tla ba go makatša go lena, ke ne kgonthe. Re bolokwa le Morena ka go kolobetšo. Amene. Bjalo ka ge A hwile, re bolokilwe go lehu la Gagwe; re tsošitšwe go tsogo ya Gagwe, go sepela bosweng bja bophelo. Morena a le šegofatše.

³⁴⁵ Ke ba bakae ba tsebago se thuto e lego bošegong bjo? Ya Laodikia, ya mafelelo, le sehloa sa Mabaka a Kereke.

³⁴⁶ Go lokile, re tla ba le tirelo ya kolobetšo. Teddy, ge o rata . . .

³⁴⁷ O nyaka go kolo- . . . ? [Ga go selo go theipi—Mor.] . . . šetše o kolobeditšwe. Go ne ba bangwe ba bona ba swanetše go tloga go ya Chicago gonabjale, le a bona.

A re rapeleng:

³⁴⁸ Morena Jesu, ba dutše le go theetša go kgabola ditirelo. Re ba gafela go Wena bjale, Morena, ge ba eya Chicago. Eya le bona, Morena, gomme anke yo mongwe le yo mongwe a tšee Seetša se sa go makatša gomme a Se phatlalatše, Morena, go kgabaganya toropokgolo ya Chicago, mogohle ba yago. Eba le bona. Go fihla re kopana, anke meboya ya bona e kgwaparetše go Wena. Leineng la Jesu. Amene.

³⁴⁹ [Ngwanešu Neville o a profeta—Mor.] A re phagamišetšeng diatla tša rena godimo gomme re re, “Re a Go leboga, Morena Jesu, tumiša Leina la Gago.” Re a Go leboga, Morena. Re lemoga seo, Morena, gore Wena . . . letšatši le lengwe Moya o wetše godimo ga motho, ka Beibeleng, gomme wa no bolela sephiri sohle sa Modimo, se se bego se eya go direga. Tate, re a tseba gore O sa le Modimo wa go swana. Gomme šefa O wela godimo ga modiša yo monnyane wa go ikokobetša yo fa, Morena, mosong wo, yoo a kilego a ba fale ka go Banikolaite; eupša O mo šikintše; o bone Seetša gomme o sepeletše ntle. Gomme fa pelo ya gagwe e bulegile kudu go fihla O tla bolela le yena, go fihla ebile ga a tsebe se a yago go se bolela, le go ema le go dumelela Moya wo Mokgethwa o sepela go mo kgabola ka segalontšu sa seprofeto go rena. Ke a Go leboga, Tate. Gomme ke tla—ke tla Go lebelela bakeng sa dipeakanyo tša ka. Amene.

³⁵⁰ [Kgaetšedi o bolela ka leleme le lengwe. Ga go selo go theipi. Kgaetšedi yo mongwe o fa tlhathollo—Mor.] Amene. Le swere seo, a le dirile? Le bona se sela se lego? Šetšang segalo sa segalontšu sa mosadi yola yo mongwe a bolelago, gomme šetšang tlhathollo e tla morago segalo sa go swana. Le a bona? Go ne basadi ba babedi ba go fapana, ke a belaela ebile ge eba ba a tsebana goba aowa. Ga ba—ga ba tsebane. Moya wo Mokgethwa šole, šetšang tšhune ya segalontšu ka mokgwa wola. A ga le lemoge gore yoo ke Kriste magareng ga batho ba fa? Yeo ke nnete.

³⁵¹ O ne se sengwe o nyakago go se bala, Ngwanešu Pat? Eya pele, o a bona. [Ngwanešu Pat o re, “22:16 ya Kutollo ke nyaka

go bala Leineng la Morena Jesu: Nna Jesu ke romile morongwa wa ka go paka go lena dilo tše ka dikerekeng.”—Mor.] Amene.

³⁵² Bjale, seo ke sa semoya, tlhahlo ye Kgethwa. Le a bona, Moya wo Mokgethwa o sepela go kgabola maloko, o eya ntle fa, o bolela. Oo, a ga A Makatše? Go nagana, bagwera, seo ke selo sa go swana Beibele e boletšego ka sona. Gomme se fa lehono, ga ra swanela go makala ka ga yona gape. Oo, etlang le Mo amogele, batho ba gešo ba bohlokwa. Etlang, Mo amogeleng.

³⁵³ Teddy, ge re eba komana bakeng sa kolobetšo, (ke a rapela Modimo o tla dira dipelo tša lena komana) *Moo A Ntlahlelago Ke Tla Latela*.

³⁵⁴ A nka le thuša fa baena ba ka? Gabotse, le swanetše—le swanetše go tima digodišantšu tše. Uh-hum. [Ga go selo go theipi—Mor.]

³⁵⁵ Ke a le laela ka Modimo wa go Phela le ka keletšo ya Lentšu la Gagwe gore o tle o kolobetšwe leineng la Jesu Kriste. Elelwa ke dira seo ka lebaka la gore Beibele e re gapeletša go dira seo. Le—le Paulo o boletše go e dira; gomme ge morongwa a rutila e ka ba eng gape, anke a be morogakwa. Gomme ke—ke nyaka go no kwalakwatša se mo bofelong bja tsela ya ka boka a dirile: Ga se ke tšhabe go kwalakwatša go lena keletšo ka moka ya Modimo bjalo ka ge ke e tseba, tlwa. Ga go molato wa motho godimo ga ka.

³⁵⁶ Oo, a ga le Mo rate? Oo, ke Mo rata bjang. Go lokile, a re emeng ge re opela koša ya rena ya go phatlalala. Go lokile, go fihlela nako yeo re tla:

Tšea Leina la Jesu le wena,
Ngwana wa manyami le wa madimabe.
Le tla go fa thabo le khomotšo,
Le tšee gohle mo o yago.

Leina le bohlokwa (Leina le bohlokwa), O
bjang bo- . . . (Oo bose bjang),
Kholofelo ya lefase le thabo ya Legodimo.
Leina le bohlokwa (Leina le bohlokwa), O
bjang bos- . . . (Oo bose bjang),
Kholofelo ya lefase le thabo ya . . .

Bjale ge re inamiša dihlogo tša rena re opela:

Leineng la Jesu go a inangwa,
Go wa go ikala maotong a Gagwe,
Kgoši ya dikgoši Legodimong re tla Mo rweša
korone,
Ge leeto la rena le runngwe . . .



DIKGREBE TŠE LESOME, LE BAJUDA BA DIKETE
TŠE LEKGOLO LE MASOMENNE NNE NST60-1211M
(The Ten Virgins, And The Hundred And Forty-Four Thousand Jews)
TATELANO KA KUTOLLO YA JESU KRISTE

Molaetša wo ka Ngwanešu William Marrion Branham, setlogong o abilwe ka Seisimane mo mosong wa Lamorena, Desemere 11, 1960, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org